



საუბნო საარჩევნო კომისიის წევრთა სახელმძღვანელო ინსტრუქცია

განკუთვნილია იმ საარჩევნო უბნებისთვის, სადაც კენჭისყრა
ელექტრონული საშუალებების გამოყენებით ტარდება

დამტკიცებულია ცესკოს 2026 წლის 14 აგვისტოს N43/2026 დადგენილებით.

დამხმარე სახელმძღვანელო მომზადებულია სსიპ საარჩევნო სისტემების განვითარების, რეფორმებისა და სწავლების ცენტრის მიერ, 2026 წლის 3 ოქტომბერს გასამართი მუნიციპალიტეტის წარმომადგენლობითი ორგანოს – საკრებულოს შუალედური არჩევნებისთვის. დამხმარე სახელმძღვანელო განკუთვნილია საარჩევნო უბნებისთვის, სადაც კენჭისყრა ელექტრონული საშუალებების გამოყენებით ტარდება.

რესურსი შემუშავებულია საქართველოს ორგანული კანონის „საქართველოს საარჩევნო კოდექსი“ და „კენჭისყრის ელექტრონული საშუალებების გამოყენებით ჩატარების წესისა და პირობების განსაზღვრის შესახებ“ ცესკოს 2023 წლის 6 თებერვლის №7/2023 დადგენილების საფუძველზე.

საუბნო საარჩევნო კომისიის უფლებამოსილებებისა და საქმიანობის წესთან დაკავშირებული საკანონმდებლო რეგულაციების სრული სახით გაცნობის მიზნით, იხილეთ საქართველოს ორგანული კანონი „საქართველოს საარჩევნო კოდექსი“ და ცესკოს შესაბამისი სამართლებრივი აქტები.



2026 წლის 3 ოქტომბერს

საქართველოს მოქალაქეები წალკის და ვანის მუნიციპალიტეტების წარმომადგენლობითი ორგანოების – საკრებულოების შემადგენლობის შესავსებად, ადგილობრივ მაჟორიტარულ საარჩევნო ოლქებში, მაჟორიტარული საარჩევნო სისტემით საკრებულოების თითო წევრს აირჩევენ.

საუბნო საარჩევნო კომისია ითავისებს რა დემოკრატიული არჩევნების მნიშვნელობას, ხელმძღვანელობს კანონიერების, პოლიტიკური ნეიტრალიტეტის და პროფესიონალიზმის პრინციპებით, საქმიანობას ახორციელებს ქცევის მაღალი ეთიკური სტანდარტებით და ქმნის გარემოს, სადაც

- დაცულია ამომრჩევლის ნების თავისუფალი გამოვლენა და არჩევანის ფარულობა
- უზრუნველყოფილია თანაბარი და ხელმისაწვდომი საარჩევნო სერვისები
- გარანტირებულია დამკვირვებელთა და საარჩევნო სუბიექტების წარმომადგენელთა კანონიერი უფლებების გამოყენება

ახალშექმნილი საუბნო საარჩევნო კომისიის ფუნქციონირება და მისი წევრების უფლებამოსილების ვადა იწყება არჩევნების დღემდე 30-ე დღიდან (3 სექტემბერი) და წყდება შესაბამისი საოლქო საარჩევნო კომისიის მიერ კენჭისყრის შედეგების შემაჯამებელი ოქმის შედგენისთანავე.

საუბნო საარჩევნო კომისიის წევრი არ არის მისი დამნიშვნელი/ამრჩევი სუბიექტის წარმომადგენელი. საუბნო საარჩევნო კომისიის წევრს ეკრძალება წინასაარჩევნო აგიტაციის გაწევა და აგიტაციაში მონაწილეობა საარჩევნო კომისიის წევრზე ზემოქმედება ან მის საქმიანობაში ჩარევა გადაწყვეტილების მიღებაზე ზეგავლენის მიზნით აკრძალულია და ისჯება კანონით.

თემატური სარჩევი

თავი I. საუბნო საარჩევნო კომისიის საქმიანობა კენჭისყრის დღემდე პერიოდში 5

- 01 რა სერვისებს აწვდის საუბნო საარჩევნო კომისია ამომრჩევლებს კენჭისყრის დღემდე პერიოდში 6
- 02 როგორ ემზადება საუბნო საარჩევნო კომისია კენჭისყრის დღისთვის 11

თავი II. საუბნო საარჩევნო კომისიის საქმიანობა კენჭისყრის დღეს 17

- 03 როგორ ემზადება კენჭისყრის დღეს საუბნო საარჩევნო კომისია კენჭისყრის პროცესის დასაწყებად 18
 - 04 როგორ ემსახურება საუბნო საარჩევნო კომისია ამომრჩეველს კენჭისყრის პროცესში 33
 - 05 როგორ წარიმართება საუბნო საარჩევნო კომისიის მიერ კენჭისყრის შედეგების შეჯამების პროცესი 52
 - 06 როგორ ახდენს საუბნო საარჩევნო კომისია კენჭისყრის დღის განცხადებებზე და საჩივრებზე რეაგირებას 73
-
- N1 **დანართი** - ელექტრონული აპარატების აწყობის შესახებ საინფორმაციო დოკუმენტი 76
 - N2 **დანართი** - ელექტრონული საშუალებების გამოყენების გარეშე კენჭისყრის პროცესის გაგრძელება 79
 - N3 **დანართი** - საუბნო საარჩევნო კომისიის მიერ განსახორციელებელი ძირითადი ღონისძიებების კალენდარი 91
 - N4 **დანართი** - ფოტოვიდეოგადაღება საარჩევნო უბანზე 94

თავი I

საუბნო საარჩევნო კომისიის საქმიანობა
კენჭისყრის დღემდე პერიოდში

01

რა სერვისებს აწვდის საუბნო საარჩევნო კომისია ამომრჩევლებს კენჭისყრის დღემდე პერიოდში

ამომრჩევლების კენჭისყრაში მონაწილეობის უზრუნველსაყოფად, საუბნო საარჩევნო კომისია, ფუნქციონირების დაწყებისთანავე, ამომრჩევლებს შესაბამის სერვისს სთავაზობს.



ამომრჩეველთა ერთიან სიაში მონაცემების გადამოწმების სერვისის განსახორციელებლად საუბნო საარჩევნო კომისია უზრუნველყოფს

- ამომრჩეველთა ერთიანი სიის გასაჯაროებას

ამომრჩეველთა ერთიანი სიის გასაჯაროება

საუბნო საარჩევნო კომისიას არჩევნების დღემდე 30-ე დღიდან (3 სექტემბერი) გადაეცემა ცესკოს მიერ დამოწმებული ამომრჩეველთა ერთიანი სიის საჯარო ინფორმაციისთვის მიკუთვნებული ვერსია (კედლის სია - ამომრჩევლების ფოტოსურათების და პირადი ნომრების გარეშე). საუბნო საარჩევნო კომისია აღნიშნულ სიას და მასთან დაკავშირებით საჩივრის შეტანის წესს დაუყოვნებლივ აკრავს საუბნო საარჩევნო კომისიის შენობაში თვალსაჩინო ადგილას, რითაც უზრუნველყოფს ინფორმაციაზე ხელმისაწვდომობას ამომრჩევლებისთვის, დამკვირვებელი ორგანიზაციების და საარჩევნო რეგისტრაციის მქონე პარტიების/ამომრჩეველთა საინიციატივო ჯგუფების (საარჩევნო სუბიექტები) წარმომადგენლებისთვის.

საუბნო საარჩევნო კომისიას, კენჭისყრის დღემდე არაუგვიანეს მეორე დღისა (1 ოქტომბერი), გადაეცემა საბოლოო, დაზუსტებული სიის საჯარო ინფორმაციისთვის მიკუთვნებული ვერსია. თავდაპირველი ვერსია იხსნება და კომისია იმავე ადგილას აკრავს სიის დაზუსტებულ ვერსიას.



ამომრჩეველთა ერთიან სიაში ცვლილებების შეტანის სერვისის ხელშესაწყობად საუბნო საარჩევნო კომისია უზრუნველყოფს

- განცხადებების მიღებას და რეაგირებისთვის საოლქო საარჩევნო კომისიაში გადაგზავნას
- სიაში ცვლილების შეტანის შესახებ მიღებული გადაწყვეტილების გასაჯაროებას

ამომრჩეველს, დამკვირვებელ ორგანიზაციას, საარჩევნო რეგისტრაციის მქონე პარტიას და საარჩევნო რეგისტრაციის მქონე ამომრჩეველთა საინიციატივო ჯგუფს უფლება აქვთ ამომრჩეველთა ერთიან სიაში უზუსტობის აღმოჩენის შემთხვევაში, არჩევნების დღემდე არაუგვიანეს მე-18 დღისა (15 სექტემბერი), შესაბამისი ცვლილების შეტანის მოთხოვნით განცხადებით მიმართონ საოლქო საარჩევნო კომისიას, უშუალოდ, ან ისარგებლონ საუბნო საარჩევნო კომისიის სერვისით.

საუბნო საარჩევნო კომისია შემოსულ განცხადებებს (თანდართული დოკუმენტებით – ასეთის არსებობის შემთხვევაში) დაუყოვნებლივ გადასცემს საოლქო საარჩევნო კომისიას რეაგირებისთვის.

საოლქო საარჩევნო კომისიის განკარგულება ამომრჩეველთა ერთიან სიაში ცვლილების შეტანის შესახებ გადაეცემა საუბნო საარჩევნო კომისიას, რომელიც საჯაროობის მიზნით განკარგულებას აკრავს კომისიის შენობაში თვალსაჩინო ადგილას.



გადასატანი საარჩევნო ყუთით ხმის მიცემის სერვისის განსახორციელებლად საუბნო საარჩევნო კომისია უზრუნველყოფს

- განცხადებების საფუძველზე ამომრჩევლების გადასატანი საარჩევნო ყუთის სიაში შეყვანას
- გადასატანი საარჩევნო ყუთის სიაში შეყვანის შესახებ მიღებული გადაწყვეტილების გასაჯაროებას

ამომრჩეველს, რომელსაც ჯანმრთელობის მდგომარეობის გამო არ შეუძლია კენჭისყრის შენობაში მისვლა, ან იმყოფება საარჩევნო უბნის ტერიტორიაზე, მაგრამ მწელად მისადგომ ადგილას, უფლება აქვს ისარგებლოს გადასატანი საარჩევნო ყუთით ხმის მიცემის სერვისით.

გადასატანი საარჩევნო ყუთით ხმის მიცემის სერვისით სარგებლობის მოთხოვნით ამომრჩეველმა საუბნო საარჩევნო კომისიას უნდა მიმართოს კენჭისყრის დღემდე არაუგვიანეს მე-11 დღის (22 სექტემბერი) 18:00 საათამდე, წერილობითი განცხადების ან სატელეფონო ზეპირი განცხადების ფორმით.

წერილობითი განცხადების რეგისტრაციის მიზნით აუცილებელია განცხადებაში მითითებული იყოს ამომრჩევლის სახელი, გვარი, პირადი ნომერი და მისამართი, სადაც ამომრჩეველი ითხოვს გადასატანი საარჩევნო ყუთის მიტანას, საუბნო საარჩევნო კომისიის მდივანი საჭიროების შემთხვევაში განმცხადებელს აზუსტებინებს ინფორმაციას.

სატელეფონო ზეპირი განცხადების რეგისტრაციის მიზნით აუცილებელია საუბნო საარჩევნო კომისიის მდივანმა სარეგისტრაციო ჟურნალში მიუთითოს ამომრჩევლის სახელი, გვარი, პირადი ნომერი, სატელეფონო შეტყობინების მიღების ზუსტი დრო, ტელეფონის ნომერი და მისამართი, სადაც ამომრჩეველი ითხოვს გადასატანი საარჩევნო ყუთის მიტანას.

თუ ამომრჩეველი გადასატანი საარჩევნო ყუთის მიტანას ითხოვს მისამართზე, რომელიც არ შედის იმ საარჩევნო უბნის საზღვრებში, რომელშიც იგი რეგისტრირებულია, ამომრჩეველს განემარტება, რომ კანონმდებლობის შესაბამისად იგი არ შეიყვანება მოთხოვნილი საარჩევნო უბნის გადასატანი საარჩევნო ყუთის სიაში.

საუბნო საარჩევნო კომისიის მდივანი ამომრჩევლის წერილობით/სატელეფონო ზეპირ განცხადებას ატარებს სარეგისტრაციო ჟურნალში და ხელმოწერით ადასტურებს მის მიღებას.

რეგისტრირებული განცხადებების საფუძველზე ამომრჩევლების გადასატანი საარჩევნო ყუთის სიაში შეყვანის მიზნით, საუბნო საარჩევნო კომისია შესაბამის საოლქო საარჩევნო კომისიასთან კომუნიკაციით (საჭიროების შემთხვევაში) ამოწმებს საარჩევნო უბნის ერთიან სიაში ამომრჩევლის რეგისტრაციის ფაქტს.

შემოწმების შედეგების გათვალისწინებით, საუბნო საარჩევნო კომისიის მდივანი საუბნო საარჩევნო კომისიის შენობაში საჯაროობისთვის აკრავს:

- ✓ ინფორმაციას გადასატანი საარჩევნო ყუთის სიაში შესაყვანი ამომრჩევლების შესახებ (პირადი ნომრების გარეშე, ერთიან სიაში ამომრჩევლის რიგითი ნომრის მითითებით);
- ✓ ინფორმაციას ამომრჩევლების შესახებ, რომლებსაც უარი ეთქვათ გადასატანი საარჩევნო ყუთის სიაში შეყვანაზე.

საუბნო საარჩევნო კომისიის წევრებს, საარჩევნო სუბიექტების წარმომადგენლებსა და დამკვირვებლებს უფლება აქვთ, გადაამოწმონ გადასატანი საარჩევნო ყუთის სიაში შესაყვანი ამომრჩევლების მოთხოვნის საფუძვლიანობა და არჩევნების დღემდე არაუგვიანეს მე-10 დღისა (23 სექტემბერი) დასვან საუბნო საარჩევნო კომისიის წინაშე ამ ამომრჩევლების სიაში შეყვანის მიზანშეწონილობის საკითხი.

ჯანმრთელობის მდგომარეობის გამო, გადასატანი საარჩევნო ყუთის სიაში საუბნო საარჩევნო კომისიის მიერ შესაყვანი ამომრჩევლების რაოდენობა არ უნდა აღემატებოდეს საარჩევნო უბანზე ამომრჩეველთა ერთიან სიაში არსებული ამომრჩევლების 3 პროცენტს. აღნიშნული რაოდენობის შევსების შემდეგ, საუბნო საარჩევნო კომისიის თავმჯდომარემ შემოსული განცხადებები უნდა გადაუგზავნოს საოლქო საარჩევნო კომისიას, რომელიც იღებს გადაწყვეტილებას გადასატანი საარჩევნო ყუთის სიაში ამომრჩევლების შეყვანის მიზანშეწონილობის შესახებ. საუბნო საარჩევნო კომისია უზრუნველყოფს მიღებული შედეგების შესახებ ინფორმაციის გასაჯაროებას.

გადასატანი საარჩევნო ყუთის სიის საბოლოო, დაზუსტებულ ბეჭდურ ვერსიას (კედლის სია) საუბნო საარჩევნო კომისიას გადასცემს საოლქო საარჩევნო კომისია. აღნიშნულ სიაში ასახულია იმ ამომრჩევლების მონაცემები, რომლებიც:

- ✓ საუბნო საარჩევნო კომისიის მიერ შეყვანილია გადასატანი საარჩევნო ყუთის სიაში;
- ✓ საოლქო საარჩევნო კომისიის მიერ შეყვანილია გადასატანი საარჩევნო ყუთის სიაში, მიზანშეწონილობის საკითხის განხილვის შედეგად.

საუბნო საარჩევნო კომისია გადასატანი საარჩევნო ყუთის სიის საბოლოო, დაზუსტებულ ვერსიას აკრავს კომისიისა და კენჭისყრის შენობებში თვალსაჩინო ადგილას. ამასთან, კომისიის მდივანი და კომისიის თავმჯდომარე ხელმოწერით (დოკუმენტის ბოლოს ხელმოწერისთვის გამოყოფილ ადგილას) ადასტურებენ ამომრჩეველთა ერთიან სიაში ამომრჩევლის მონაცემების გასწვრივ არსებულ ჩანაწერს „გადასატანი ყუთი“.

ეტლით მოსარგებლე ამომრჩევლის კენჭისყრაში მონაწილეობის
ხელშეწყობის სერვისის განსახორციელებლად საუბნო საარჩევნო კომისია
უზრუნველყოფს

- ადაპტირებული საარჩევნო უბნის სპეციალურ სიაში შეყვანის მოთხოვნით ამომრჩეველთა განცხადებების მიღებას და რეაგირებისთვის საოლქო საარჩევნო კომისიაში გადაგზავნას
- სპეციალურ სიაში შეყვანის შესახებ მიღებული გადაწყვეტილების გასაჯაროებას

ეტლით მოსარგებლე ამომრჩეველს უფლება აქვს, ადაპტირებული საარჩევნო უბნის ამომრჩეველთა სპეციალურ სიაში შეყვანის მიზნით, მიმართოს საოლქო საარჩევნო კომისიას, უშუალოდ, ან ისარგებლოს საუბნო საარჩევნო კომისიის სერვისით. აღნიშნული ადაპტირებული

საარჩევნო უბანი უნდა იყოს იმ ადგილობრივი მაჟორიტარული საარჩევნო ოლქის საზღვრებში, რომელშიც ამომრჩეველია რეგისტრირებული.

ამომრჩეველმა საუბნო საარჩევნო კომისიას უნდა მიმართოს კენჭისყრის დღემდე არაუგვიანეს მე-11 დღის (22 სექტემბერი) 18:00 საათამდე, წერილობითი განცხადების ან სატელეფონო ზეპირი განცხადების ფორმით.

წერილობითი განცხადების რეგისტრაციის მიზნით აუცილებელია განცხადებაში მითითებული იყოს ამომრჩევლის სახელი, გვარი, პირადი ნომერი და იმ ადაპტირებული უბნის ნომერი, სადაც ამომრჩეველი ითხოვს არჩევნებში მონაწილეობას. საუბნო საარჩევნო კომისიის მდივანი საჭიროების შემთხვევაში განმცხადებელს აზუსტებინებს ინფორმაციას.

სატელეფონო ზეპირი განცხადების რეგისტრაციის მიზნით აუცილებელია საუბნო საარჩევნო კომისიის მდივანმა სარეგისტრაციო ჟურნალში მიუთითოს ამომრჩევლის სახელი, გვარი, პირადი ნომერი, სატელეფონო შეტყობინების მიღების ზუსტი დრო, ტელეფონის ნომერი და ადაპტირებული უბნის ნომერი, სადაც ამომრჩეველი ითხოვს არჩევნებში მონაწილეობას.

საუბნო საარჩევნო კომისიის მდივანი ამომრჩევლის წერილობით/სატელეფონო ზეპირ განცხადებას ატარებს სარეგისტრაციო ჟურნალში და ხელმოწერით ადასტურებს მის მიღებას.

საუბნო საარჩევნო კომისიის მდივანი კომისიის შენობაში საჯაროობისთვის დაუყოვნებლივ აკრავს ინფორმაციას იმ ამომრჩევლების შესახებ, რომლებმაც კომისიაში შეიტანეს განცხადება ადაპტირებული საარჩევნო უბნის სპეციალურ სიაში შეყვანის შესახებ. ამასთან, კომისია შემოსულ განცხადებებს (თანდართული დოკუმენტებით – ასეთის არსებობის შემთხვევაში) დაუყოვნებლივ გადასცემს საოლქო საარჩევნო კომისიას რეაგირებისთვის.

საუბნო საარჩევნო კომისიის წევრებს, საარჩევნო სუბიექტების წარმომადგენლებსა და დამკვირვებლებს უფლება აქვთ, გადაამოწმონ ამომრჩევლის ადაპტირებულ საარჩევნო უბანზე ხმის მიცემის მოთხოვნის საფუძვლიანობა და საოლქო საარჩევნო კომისიის წინაშე დასვან ამ ამომრჩევლების შესაბამის სპეციალურ სიაში შეყვანის მიზანშეწონილობის საკითხი.

საოლქო საარჩევნო კომისია ადაპტირებული საარჩევნო უბნის სპეციალურ სიაში ამომრჩევლის შეყვანის შესახებ გადაწყვეტილებას საუბნო საარჩევნო კომისიას აცნობებს კენჭისყრის დღემდე არაუგვიანეს მე-10 დღისა (23 სექტემბერი). საუბნო საარჩევნო კომისიის შენობაში გასაჯაროებულ ამომრჩეველთა დაზუსტებული ერთიანი სიის საბოლოო ვერსიაში შესაბამისი ამომრჩევლის მონაცემების გასწვრივ გრაფაში „ფაქტობრივი მდგომარეობა“ არსებულ ჩანაწერს „ეტლით მოსარგებლე“ საოლქო საარჩევნო კომისიის მდივანი და კომისიის თავმჯდომარე ადასტურებენ ხელმოწერით (დოკუმენტის ბოლოს ხელმოწერისთვის გამოყოფილ ადგილას).

კითხვები ცოდნის თვითშეფასებისთვის

1. როგორ უზრუნველყოფს საუბნო საარჩევნო კომისია ამომრჩეველთა ერთიან სიაში მონაცემების გადამოწმების სერვისის განხორციელებას?
2. რა პროცედურის დაცვით შეჰყავს საუბნო საარჩევნო კომისიას ამომრჩეველი გადასატანი საარჩევნო ყუთის სიაში?
3. რა ინფორმაციას უნდა შეიცავდეს გადასატანი საარჩევნო ყუთით ხმის მიცემის მოთხოვნით წარდგენილი წერილობითი განცხადება და რა მონაცემები უნდა ჩაინიშნოს კომისიის მდივანმა ამომრჩევლის სატელეფონო ზეპირი განაცხადის მიღების შემთხვევაში?
4. როგორ უნდა იმოქმედოს საუბნო საარჩევნო კომისიამ იმ შემთხვევაში, თუ გადასატანი საარჩევნო ყუთის მეშვეობით ხმის მიცემის შესახებ ამომრჩეველთა განცხადებები გადააჭარბებს საარჩევნო უბანზე ამომრჩეველთა ერთიან სიაში არსებული ამომრჩევლების 3 პროცენტს?
5. როგორ უზრუნველყოფს საუბნო საარჩევნო კომისია ეტლით მოსარგებლე ამომრჩევლის კენჭისყრაში მონაწილეობის ხელშეწყობის სერვისის განხორციელებას?

02

როგორ ემზადება საუბნო საარჩევნო კომისია კენჭისყრის დღისთვის

საუბნო საარჩევნო კომისიის წევრებს შორის ფუნქციების განაწილება

საუბნო საარჩევნო კომისიის თავმჯდომარე, ამომრჩევლებისთვის კენჭისყრის პროცესში მონაწილეობის უზრუნველსაყოფად და ასევე გადასატანი საარჩევნო ყუთით ხმის მიცემის სერვისის განსახორციელებლად, კენჭისყრის დღემდე არაუგვიანეს მე-7 დღისა (26 სექტემბერი), კომისიის წევრებს შორის ანაწილებს შემდეგ ფუნქციებს:

- ✓ გადასატანი საარჩევნო ყუთის წამლები;
- ✓ ამომრჩეველთა რეგისტრატორი;
- ✓ ამომრჩეველთა ნაკადის მომწესრიგებელი.

კომისიის ხელმძღვანელი პირები (კომისიის თავმჯდომარე, კომისიის თავმჯდომარის მოადგილე, კომისიის მდივანი) არ იღებენ მონაწილეობას კომისიის წევრებს შორის ფუნქციების განაწილების პროცესში.

საუბნო საარჩევნო კომისიის თავმჯდომარე კომისიის წევრებს შორის ფუნქციებს ანაწილებს ეტაპობრივად.

პირველ რიგში, პარტიების მიერ დანიშნული წევრებიდან ვლინდებიან გადასატანი საარჩევნო ყუთის წამლები კომისიის წევრები - თავმჯდომარე წილისყრით ავლენს გადასატანი საარჩევნო ყუთის წამლებ კომისიის 2 წევრს.

შემდეგ ეტაპზე, საოლქო საარჩევნო კომისიის მიერ არჩეული კომისიის წევრებიდან ვლინდებიან ამომრჩეველთა რეგისტრატორის ფუნქციის შემსრულებელი კომისიის წევრები (ამომრჩეველთა რეგისტრატორების რაოდენობა უნდა შეესაბამებოდეს კომისიისთვის გადაცემული ამომრჩეველთა ვერიფიკაციის აპარატების რაოდენობას). იმ შემთხვევაში, თუ:

- ✓ საოლქო საარჩევნო კომისიის მიერ არჩეულ საუბნო საარჩევნო კომისიის წევრთა რაოდენობა აღემატება გამოსავლენი ამომრჩეველთა რეგისტრატორი კომისიის წევრთა რაოდენობას, მაშინ ამომრჩეველთა რეგისტრატორებს კომისიის თავმჯდომარე ავლენს წილისყრით.
- ✓ საოლქო საარჩევნო კომისიის მიერ არჩეულ საუბნო საარჩევნო კომისიის წევრთა რაოდენობა ტოლია ან ნაკლებია გამოსავლენი ამომრჩეველთა რეგისტრატორი კომისიის წევრთა რაოდენობის, კომისიის თავმჯდომარე, წილისყრის გარეშე, ავტომატურად ანიჭებს ამომრჩეველთა რეგისტრატორის ფუნქციას საოლქო საარჩევნო კომისიის მიერ არჩეულ საუბნო საარჩევნო კომისიის წევრებს.

ბოლო ეტაპზე, ფუნქციის გარეშე დარჩენილი კომისიის წევრებიდან ვლინდება ამომრჩეველთა ნაკადის მომწესრიგებლის ფუნქციის შემსრულებელი კომისიის წევრი. იმ შემთხვევაში, თუ:

- ✓ ფუნქციის გარეშე დარჩენილია კომისიის ერთზე მეტი წევრი, კომისიის თავმჯდომარე წევრებს შორის ნაკადის მომწესრიგებლის ფუნქციას ანაწილებს წილისყრით.

- ✓ ფუნქციის გარეშე დარჩენილია კომისიის მხოლოდ ერთი წევრი, კომისიის თავმჯდომარე კომისიის წევრს, წილისყრის გარეშე, ავტომატურად ანიჭებს ნაკადის მომწესრიგებლის ფუნქციას.

კომისიის წევრი, რომელიც უარს განაცხადებს გადასატანი საარჩევნო ყუთის წამლები კომისიის წევრის ფუნქციის შესრულებაზე, კარგავს ნაკადის მომწესრიგებელი კომისიის წევრის ფუნქციის გასანაწილებელ წილისყრაში მონაწილეობის უფლებას.

კომისიის წევრთა შორის შესაბამისი ფუნქციების წილისყრით განაწილების პროცედურა:

- ✓ კომისიის თავმჯდომარე წილისყრაში მონაწილე კომისიის წევრების რაოდენობის გათვალისწინებით ამზადებს ერთნაირ ფურცლებს. თითო ფურცელზე, ერთი და იმავე საწერი საშუალებით, აღნიშნავს წილისყრაში მონაწილე კომისიის თითო წევრის სახელსა და გვარს.
- ✓ კომისიის თავმჯდომარე წილისყრის ყველა ფურცელს ამოწმებს თავისი ხელმოწერით, კვცავს იმგვარად, რომ შეუძლებელი იყოს ტექსტის წაკითხვა და ათავსებს მაგიდაზე;
- ✓ კომისიის თავმჯდომარე სათითაოდ იღებს წილისყრის ფურცლებს და ავლენს შესაბამისი ფუნქციის შემსრულებელ კომისიის წევრს/წევრებს.

წილისყრა ტარდება საუბნო საარჩევნო კომისიის წევრების თანდასწრებით, მათი გამოუცხადებლობა არ წარმოადგენს წილისყრის ჩატარებისა და წილისყრაში მონაწილეობის დამაბრკოლებელ გარემოებას.

წილისყრის დასრულების შემდეგ, საუბნო საარჩევნო კომისიის მდივანი ადგენს აქტს, რომელშიც შეიტანება ფუნქციათა განაწილების შედეგები. აქტს ხელს აწერენ საუბნო საარჩევნო კომისიის თავმჯდომარე და მდივანი. აქტში ასახული ინფორმაცია კომისიის მდივანს კენჭისყრის დღეს შეაქვს კენჭისყრის დღის ჩანაწერთა წიგნში.

კენჭისყრის შენობის მოწყობა

საუბნო საარჩევნო კომისია, კენჭისყრის დღეს ამომრჩევლებისთვის ხმის მიცემის სერვისის განსახორციელებლად, საოლქო საარჩევნო კომისიისგან მიღებული საარჩევნო დოკუმენტაციით, ინვენტარით და შესაბამისი რაოდენობის ელექტრონული აპარატებით აწყობს კენჭისყრის შენობას, კენჭისყრის დღემდე არაუგვიანეს ერთი დღისა (2 ოქტომბერი).

კენჭისყრის შენობაში:

- ფარული ხმის მიცემის კაბინები უნდა მოეწყოს იმგვარად, რომ უზრუნველყოფილ იქნეს ამომრჩევლის მიერ საარჩევნო ბიულეტენის შევსების ფარულობა. კაბინის გახსნილი მხარე/შესასვლელი მიმართული უნდა იყოს შენობის კედლისკენ. კაბინაში უნდა განთავსდეს საარჩევნო ბიულეტენის შესავსები სპეციალური მარკერი. ადაპტირებულ უბანზე, ასევე ეწყობა ფარული ხმის მიცემის ადაპტირებული კაბინა ეტლით მოსარგებლე ამომრჩევლებისთვის.




- ამომრჩეველთა რეგისტრატორებისთვის გამოყოფილ მაგიდებზე უნდა განთავსდეს ამომრჩეველთა ვერიფიკაციის აპარატები და მოეწყოს შიდა ქსელი აპარატების ერთმანეთთან ინტერნეტის გარეშე დასაკავშირებლად (სინქრონიზაცია).
- ამომრჩეველთა რეგისტრატორების მაგიდებზე ასევე უნდა განთავსდეს ვერიფიკაციის აპარატებიდან ამოღებული ამომრჩევლების ვერიფიკაციის დამადასტურებელი ქვითრების მოსათავსებლად განკუთვნილი გაუმჭვირვალე ყუთები.
- ძირითადი საარჩევნო ყუთები (მათზე ხმის დათვლის სპეციალური ელექტრონული აპარატების დამონტაჟება/დალუქვის გარეშე) უნდა განთავსდეს თვალსაჩინო ადგილას ისე, რომ ამომრჩეველმა მათთან მისვლა შეძლოს შეფერხების გარეშე.
ძირითად საარჩევნო ყუთებთან ახლოს უნდა გამოიყოს ადგილი, სადაც ამომრჩეველი ხმის მიცემის პროცესის დასრულებისთანავე დატოვებს სპეციალურ ჩარჩო-კონვერტს.
- ფოტო-ვიდეოგადაღებისთვის ადგილი გამოყოფილი უნდა იყოს იმგვარად, რომ ჩანდეს საარჩევნო ყუთი და დაცული იყოს არანაკლებ 3-მეტრიანი დისტანცია გადაღების ობიექტიდან. თუ შენობა 3-მეტრიანი მანძილის დაცვის საშუალებას არ იძლევა, საუბნო საარჩევნო კომისიის თავმჯდომარე განსაზღვრავს გადაღების ობიექტიდან დასაცავ დისტანციას და შესაბამის გადასაღებ ადგილს.



კენჭისყრის შენობაში ამომრჩეველთა ვერიფიკაციის და ხმის დათვლის აპარატების ტექნიკურ აწყობას (აპარატების გააქტიურების გარეშე) უზრუნველყოფს ზემდგომი საარჩევნო კომისიის წარმომადგენელი - ელექტრონული მოწყობილობების ტექნიკური სპეციალისტი. საუბნო საარჩევნო კომისიის თავმჯდომარე ზედამხედველობას უწევს აღნიშნულ პროცესს (ელექტრონული აპარატების აწყობის შესახებ ინფორმაცია იხილეთ წინამდებარე სახელმძღვანელო ინსტრუქციის დანართში N1).

კენჭისყრის შენობის მოწყობის ნიმუში



კენჭისყრის შენობაში თვალსაჩინო ადგილას გამოკრული უნდა იყოს:

- ამომრჩეველთა ერთიანი სიის საჯარო ინფორმაციისთვის მიკუთვნებული ვერსია;
- ამომრჩეველთა სპეციალური სიის საჯარო ინფორმაციისთვის მიკუთვნებული ვერსია (ასეთის არსებობისას);
- გადასატანი საარჩევნო ყუთის სიის საჯარო ინფორმაციისთვის მიკუთვნებული ვერსია (ასეთის არსებობისას);
- ადგილობრივ მაჟორიტარულ საარჩევნო ოლქში ასარჩევად წარდგენილი კანდიდატების სია;
- განცხადება საარჩევნო ბიულეტენში შეტანილი საარჩევნო სუბიექტის შესახებ, რომელიც აღარ მონაწილეობს არჩევნებში (ასეთის არსებობისას განცხადება იკვრება როგორც კენჭისყრის შენობაში, ისე ფარული ხმის მიცემის კაბინებში);
- ცესკოს მიერ დადგენილი საარჩევნო ბიულეტენის შევსების წესი;
- ამონარიდი საქართველოს ორგანული კანონიდან „საქართველოს საარჩევნო კოდექსი“, რომელიც ადგენს საარჩევნო ბიულეტენის ბათილობის საფუძვლებს;
- საუბნო საარჩევნო კომისიის კენჭისყრის შედეგების სადემონსტრაციო ოქმი (საკრებულოს მაჟორიტარული საარჩევნო სისტემის საფუძველზე ჩატარებული არჩევნების კენჭისყრის შედეგების სადემონსტრაციო ოქმი).

საუბნო საარჩევნო კომისიას, კენჭისყრის დღეს შესაბამისი ფუნქციების განსახორციელებლად, საოლქო საარჩევნო კომისიისგან ასევე გადაეცემა:

- საარჩევნო ბიულეტენები (შეფუთული 50-50 ცალად);
- სპეციალური ჩარჩო-კონვერტები;
- ლითონის სამაგრები (გამოიყენება გადასატანი საარჩევნო ყუთით ხმის მიცემის პროცესში. ლითონის სამაგრიტ მადრდება სპეციალური ჩარჩო-კონვერტი, მასში ამომრჩეველის მიერ საარჩევნო ბიულეტენის მოთავსების შემდგომ. ასეთი ფორმით თავსდება კონვერტი გადასატან საარჩევნო ყუთში);
- საარჩევნო ბიულეტენის შესავსები სპეციალური მარკერები;
- მარკირების სითხეები;
- მარკირების შესამოწმებელი სპეციალური ხელსაწყო (ულტრაიისფერ ფარანი);
- გამადიდებელ ლინზა მცირემხედველი ამომრჩეველებისთვის;
- სპეციალური ჩარჩო-ფორმა უსინათლო ამომრჩეველებისთვის;
- საარჩევნო ბიულეტენის მოსათავსებელი ჭრილის საფარი (საფარი მადრდება ხმის დათვლის სპეციალურ ელექტრონულ აპარატზე);
- ამომრჩეველის ვერიფიკაციის დამადასტურებელი აქტები (გამოიყენება იმ შემთხვევაში, თუ ვერიფიკაციის აპარატიდან არ ამოიბეჭდება ამომრჩეველის ვერიფიკაციის დამადასტურებელი ქვითარი, ან ამოიბეჭდება ტექნიკური წუნით);
- ძირითადი/გადასატანი საარჩევნო ყუთების ლუქები;
- ამომრჩეველების ვერიფიკაციის დამადასტურებელი ქვითრების მოსათავსებლად განკუთვნილი გაუმჭვირვალე ყუთების ლუქები;
- გადასატანი საარჩევნო ყუთის ჭრილის ლუქი;
- აპარატებში მეხსიერების ბარათის მოსათავსებელი სპეციალური ადგილის ლუქები;
- ამომრჩეველების ვერიფიკაციის დამადასტურებელი ქვითრების მოსათავსებლად განკუთვნილი გაუმჭვირვალე ყუთების ჭრილის ლუქები;
- ძირითადი საარჩევნო ყუთების ჭრილის ლუქები (გამოიყენება ხმის დათვლის სპეციალური ელექტრონული აპარატების გარეშე კენჭისყრის პროცესის გაგრძელების შემთხვევაში);
- კენჭისყრის დღის ჩანაწერთა წიგნი;

- საუბნო საარჩევნო კომისიის სპეციალური ბეჭდის დალუქული პაკეტი და სამელნე ბალიში (ბეჭედი გამოიყენება: კენჭისყრის პროცესის დასრულების შემდგომ, ხმის დათვლის ელექტრონული აპარატიდან კენჭისყრის წინასწარი შედეგების ამობეჭდილი ქვითრის დასამოწმებლად, კენჭისყრის დღეს საარჩევნო უბნის დახურვის შემდეგ ხმების დათვლის პროცედურის ჩასატარებლად საჭირო წილისყრის ფურცლების დასამოწმებლად, საუბნო საარჩევნო კომისიის კენჭისყრის შედეგების შემაჯამებელი ოქმის/შესწორების ოქმის და გასაცემი ფოტოასლების დასამოწმებლად, კენჭისყრის დღის ჩანაწერთა წიგნისა და სარეგისტრაციო ჟურნალის დახურვის დასამოწმებლად);
- გადასატანი საარჩევნო ყუთის სიის (ასეთის არსებობისას) კომისიისთვის განკუთვნილი ვერსია;
- ამომრჩეველთა ერთიანი სიის, ამომრჩეველთა სპეციალური სიის (ასეთის არსებობისას) კომისიისთვის განკუთვნილი ვერსიების დალუქული პაკეტები (გამოიყენება ვერიფიკაციის აპარატების გარეშე კენჭისყრის პროცესის გაგრძელების შემთხვევაში);
- ელექტრონული საშუალებების გამოყენებით ჩატარებული კენჭისყრის აუდიტის დადასტურების ფორმა (აწარმოებს საუბნო საარჩევნო კომისიის თავმჯდომარის მოადგილე კენჭისყრის მიმდინარეობისას);
- საუბნო საარჩევნო კომისიის კენჭისყრის შედეგების შემაჯამებელი ოქმი (საკრებულოს მაჟორიტარული საარჩევნო სისტემის საფუძველზე ჩატარებული არჩევნების კენჭისყრის შედეგების შემაჯამებელი ოქმი);
- კენჭისყრის დასრულების შემდეგ, საარჩევნო დოკუმენტაციის/ინვენტარის შესაფუთი კონვერტები/პოლიეთილენის პარკი;
- ასლგადამღები მანქანა (კენჭისყრის შედეგების შემაჯამებელი ოქმის/შესწორების ოქმის და სხვა საჭირო დოკუმენტაციის ფოტოასლების გადასაღებად);
- პლანშეტი (გამოიყენება კენჭისყრის დღეს ცესკოსთვის ელექტრონული ფორმით შესაბამისი ინფორმაციის გადასაცემად, მათ შორის, კენჭისყრის შედეგების შესახებ წინასწარი მონაცემებისა და შემაჯამებელი ოქმის ფოტოასლის გადასაცემად).

საოლქო საარჩევნო კომისიისგან ელექტრონული აპარატების, საარჩევნო დოკუმენტაციის და ინვენტარის მიღებისთვის პასუხისმგებელ პირს წარმოადგენს საუბნო საარჩევნო კომისიის თავმჯდომარე. მიღება-ჩაბარების პროცესი ფორმდება აქტით (ორ ეგზემპლარად), რომელსაც საუბნო საარჩევნო კომისიის მდივანი ატარებს სარეგისტრაციო ჟურნალში.

კენჭისყრის შენობის მოწყობის დასრულების შემდეგ, საუბნო საარჩევნო კომისიის თავმჯდომარე საარჩევნო ელექტრონულ აპარატებს, საარჩევნო დოკუმენტაციასა და ინვენტარს, მიღება-ჩაბარების აქტის საფუძველზე, აბარებს დაცვის პოლიციას.

კითხვები ცოდნის თვითშეფასებისთვის

1. რა თანმიმდევრობით და როგორი წესით ნაწილდება საუბნო საარჩევნო კომისიის წევრებს შორის კენჭისყრის დღეს შესასრულებელი ფუნქციები?
2. რა პროცედურის დაცვით გაანაწილებს საუბნო საარჩევნო კომისიის თავმჯდომარე ამომრჩეველთა რეგისტრატორის ფუნქციას, თუ საოლქო საარჩევნო კომისიის მიერ არჩეულ საუბნო საარჩევნო კომისიის წევრთა რაოდენობა:
 - ✓ აღემატება გამოსავლენი ამომრჩეველთა რეგისტრატორი კომისიის წევრთა რაოდენობას?
 - ✓ არ აღემატება გამოსავლენი ამომრჩეველთა რეგისტრატორი კომისიის წევრთა რაოდენობას?
3. როდის ატარებს საუბნო საარჩევნო კომისიის თავმჯდომარე წილისყრას გადასატანი საარჩევნო ყუთის წამლები კომისიის წევრების გამოსავლენად?
4. საარჩევნო უბანში ერთზე მეტი გადასატანი საარჩევნო ყუთის გამოყენების შემთხვევაში, რა პროცედურის დაცვით ატარებს წილისყრას საუბნო საარჩევნო კომისიის თავმჯდომარე გადასატანი საარჩევნო ყუთების წამლები კომისიის წევრების გამოსავლენად?
5. როდის და როგორ ეწყობა კენჭისყრის შენობა?
6. რა საარჩევნო დოკუმენტაციას/ინვენტარს გადასცემს საოლქო საარჩევნო კომისია საუბნო საარჩევნო კომისიას, კენჭისყრის დღეს შესაბამისი ფუნქციების განსახორციელებლად?
7. ვინ არის პასუხისმგებელი კენჭისყრის შენობაში ამომრჩეველთა ვერიფიკაციის და ხმის დათვლის სპეციალური ელექტრონული აპარატების ტექნიკურ აწყობაზე (აპარატების გააქტიურების გარეშე)?

თავი II

საუბნო საარჩევნო კომისიის საქმიანობა
კენჭისყრის დღეს

03


როგორ ემზადება კენჭისყრის დღეს საუბნო საარჩევნო კომისია კენჭისყრის პროცესის დასაწყებად

საარჩევნო უბნის გახსნამდე, საუბნო საარჩევნო კომისიის თავმჯდომარე დაცვის პოლიციისგან, მიღება-ჩაბარების აქტის საფუძველზე, იბარებს კენჭისყრის ოთახში დაცულ ელექტრონულ აპარატებს, საარჩევნო დოკუმენტაციასა და ინვენტარს.

საარჩევნო უბნის გახსნის შემდგომ, კენჭისყრის პროცესის დაწყებამდე, საუბნო საარჩევნო კომისია, თანმიმდევრულად ახორციელებს შესაბამის პროცედურებს:



06:45 საათი
საარჩევნო უბნის გახსნა
ჩანაწერთა წიგნის გახსნა



კენჭისყრის შენობაში
ყოფნის უფლების მქონე
პირების რეგისტრაცია



კომისიის წევრებს შორის
ფუნქციების განაწილების
შედეგების ასახვა ჩანაწერთა
წიგნში




რაოდენობრივი მონაცემების
გამოცხადება: საარჩევნო
ბიულეტენების და სპეციალური
ჩარჩო-კონვერტების რაოდენობა,
ამომრჩეველების რაოდენობა სიებში



ამომრჩეველთა ვერიფიკაციის
აპარატებში ვერიფიკაციის
პროცესის გახსნა



საარჩევნო ყუთების
დალუქვა ხმის დათვლის
სპეციალური აპარატების
დამონტაჟება



ხმის დათვლის სპეციალურ
აპარატებში კენჭისყრის
პროცესის გახსნა



კომისიის წევრებისთვის
ფუნქციების შესაბამისად
საარჩევნო დოკუმენტაციის და
ინვენტარის გადაცემა



08:00 საათი
კენჭისყრის დაწყება

საარჩევნო უბნის გახსნა

საარჩევნო უბანი იხსნება 06:45 საათზე. საუბნო საარჩევნო კომისიის წევრები ვალდებული არიან დროულად გამოცხადდნენ საარჩევნო უბანზე.

იმ შემთხვევაში, თუ საარჩევნო უბნის გახსნისას საუბნო საარჩევნო კომისიის წევრთა რაოდენობა 9-ზე ნაკლები აღმოჩნდა, კომისია ავტომატურად გარდაიქმნება სპეციალურ ჯგუფად, ინფორმაცია დაუყოვნებლივ მიეწოდება საოლქო საარჩევნო კომისიას.

სპეციალური ჯგუფი უფლებამოსილია ჩაატაროს კენჭისყრა. ამ მიზნით, სპეციალური ჯგუფის თავმჯდომარე სპეციალური ჯგუფის წევრებს წილისყრის გარეშე ანიჭებს შესაბამის ფუნქციებს.

თუ სპეციალური ჯგუფის არსებული შემადგენლობა ვერ უზრუნველყოფს კენჭისყრის ჩატარებას, შესაბამისი საოლქო საარჩევნო კომისია დაუყოვნებლივ იკრიბება და განკარგულებით სპეციალური ჯგუფის არსებულ შემადგენლობას ამატებს იმდენ წევრს, რამდენიც უზრუნველყოფს კენჭისყრის ჩატარებას.

თუ სპეციალურ ჯგუფს ერთდროულად არ ჰყავს თავმჯდომარე და თავმჯდომარის მოადგილე, ან არ ჰყავს სპეციალური ჯგუფის მდივანი, ან/და მათ არ შეუძლიათ მოვალეობების შესრულება, სპეციალური ჯგუფი საოლქო საარჩევნო კომისიის მიერ არჩეულ წევრთაგან დაუყოვნებლივ ირჩევს სპეციალური ჯგუფის თავმჯდომარეს ან მდივანს. სპეციალური ჯგუფის კვორუმად განისაზღვრება მისი არსებული შემადგენლობის უმრავლესობა.

საუბნო საარჩევნო კომისიის მდივანი ხსნის ჩანაწერთა წიგნს და პირველ გვერდზე შეაქვს საარჩევნო უბნის გახსნისას კენჭისყრის შენობაში მყოფი კომისიის ყველა წევრის სახელი და გვარი (მათი ამრჩევი/დამნიშნავი სუბიექტების მითითებით). კომისიის წევრები ჩანაწერთა წიგნში რეგისტრაციას ადასტურებენ ხელმოწერით.

ჩანაწერთა წიგნის შესაბამისი გვერდის ნიმუში

№ 112 საარჩევნო ოლქი		№112.07		საარჩევნო უბანი
საარჩევნო უბნის გახსნისას კენჭისყრის შენობაში ყოფნის უფლების მქონე პირები				
№	სახელი, გვარი	სტატუსი	წარმდგენის დასახელება	ხელმოწერა
1	ნინო ნინოშვილი	თავმჯდომარე	საოლქო საარჩევნო კომისია	ნ. ნინოშვილი
2	გიორგი გიორგაძე	მოადგილე	საოლქო საარჩევნო კომისია	გ. გიორგაძე
3	დავით დავითაშვილი	მდივანი	საოლქო საარჩევნო კომისია	დ. დავითაშვილი
4	ინა ინაშვილი	კომისიის წევრი	საოლქო საარჩევნო კომისია	ი. ინაშვილი
5	სალომე სოლომონიძე	კომისიის წევრი	პოლიციის წარმომადგენელი III	ს. სოლომონიძე
6	გიორგი გიორგაძე	კომისიის წევრი	პოლიციის წარმომადგენელი II	გ. გიორგაძე
7	ელა ელაშვილი	კომისიის წევრი	პოლიციის წარმომადგენელი I	ე. ელაშვილი
8	სერგეი ვასცელიძე	საპროტოკოლო	საპროტოკოლო ორგანიზაცია	S. fasterding
9	ცოცხე ლუკაშვილი	მედიკოსი	„ნათელი მხედა“	ც. ლუკაშვილი
10	გიორგი ჭიჭიძე	ადგილ. დამკვირვებელი	აიპ „მომავლის იმედი“	გ. ჭიჭიძე
11	ნუცა ყოყოყაძე	საპროტოკოლო	პოლიციის წარმომადგენელი II	ნ. ყოყოყაძე

კენჭისყრის დღის განმავლობაში კომისიის ყველა წევრი ალჟურვილი უნდა იყოს სპეციალური ფორმით და ატარებდეს ვინაობის, სტატუსის აღმნიშვნელ სამკერდე ნიშანს.

კენჭისყრის შენობაში ყოფნის უფლების მქონე პირების კენჭისყრის შენობაში დაშვება და მათი უფლებრივი მდგომარეობა

საარჩევნო უბნის გახსნისთანავე, საუბნო საარჩევნო კომისიის წევრების გარდა, კენჭისყრის შენობაში შეიძლება იმყოფებოდნენ:

- ✓ ცესკოს და შესაბამისი საოლქო საარჩევნო კომისიის წევრები/წარმომადგენლები;
- ✓ რეგისტრირებული ადგილობრივი დამკვირვებელი ორგანიზაციების დამკვირვებლები (ერთ ორგანიზაციას უფლება აქვს საარჩევნო უბანში ერთდროულად ჰყავდეს არა უმეტეს ერთი დამკვირვებლისა);
- ✓ რეგისტრირებული საერთაშორისო ორგანიზაციების დამკვირვებლები (ერთ ორგანიზაციას უფლება აქვს საარჩევნო უბანში ერთდროულად ჰყავდეს არა უმეტეს 2 საერთაშორისო დამკვირვებლისა, ასევე შეიძლება ახლდეთ თარჯიმანი);
- ✓ აკრედიტებული პრესისა და მასობრივი ინფორმაციის სხვა საშუალებების წარმომადგენლები (ერთ ორგანიზაციას უფლება აქვს საარჩევნო უბანში ერთდროულად ჰყავდეს არაუმეტეს 2 წარმომადგენლისა);
- ✓ საარჩევნო სუბიექტების წარმომადგენლები (ერთ საარჩევნო სუბიექტს უფლება აქვს საარჩევნო უბანში ერთდროულად ჰყავდეს არა უმეტეს ერთი წარმომადგენლისა).

დამკვირვებელს, საარჩევნო სუბიექტის წარმომადგენელს, ასევე მედიის წარმომადგენელს უფლება აქვს კენჭისყრის დღის ნებისმიერ დროს შეენაცვლოს მისი წარმდგენი ორგანიზაციის სხვა რეგისტრირებულ წარმომადგენელს.

კენჭისყრის შენობაში ყოფნის უფლების მქონე პირები კენჭისყრის დღეს კენჭისყრის შენობაში უნდა იმყოფებოდნენ ვინაობისა და სტატუსის აღმნიშვნელი სამკერდე ნიშნით, რომელიც ძალაშია მხოლოდ პირადობის დამადასტურებელ დოკუმენტთან ერთად.

დამკვირვებელი ორგანიზაციების დამკვირვებლები, აკრედიტებული პრესისა და მასობრივი ინფორმაციის სხვა საშუალებების წარმომადგენლები კენჭისყრის შენობაში დაიშვებიან, თუ:

- ✓ სამკერდე ნიშანზე სტატუსში მითითებულია დაშვება ყველა დონის საარჩევნო კომისიაში;
- ✓ სამკერდე ნიშანზე სტატუსში მითითებულია დაშვება შესაბამის საოლქო საარჩევნო კომისიაში და საარჩევნო ოლქის ტერიტორიაზე არსებულ ყველა საარჩევნო უბანში.

საარჩევნო სუბიექტების წარმომადგენლები კენჭისყრის შენობაში დაიშვებიან, თუ მათ სამკერდე ნიშანზე სტატუსში მითითებულია დაშვება შესაბამის საუბნო საარჩევნო კომისიაში.


სამკერდე ნიშნების ნიმუშები



კომისიის მდივანი ამოწმებს სამკერდე ნიშნის მოქმედების ვადას, მასზე მითითებულ სტატუსს, პლანშეტის მეშვეობით ადგენს არის თუ არა პირი შეყვანილი გაძევებულ პირთა ელექტრონულ მონაცემთა ბაზაში. შემოწმების შედეგების გათვალისწინებით, კომისიის მდივანს ჩანაწერთა წიგნის პირველ გვერდზე, საჭიროების შემთხვევაში მე-2 და მე-10 გვერდებზე, შეაქვს კენჭისყრის შენობაში ყოფნის უფლების მქონე პირების სახელი და გვარი (მათი წარმდგენი ორგანიზაციის/საარჩევნო სუბიექტის მითითებით). აღნიშნული პირები ჩანაწერთა წიგნში რეგისტრაციას ადასტურებენ ხელმოწერით.

კენჭისყრის შენობაში დაშვების პირობებთან შეუსაბამობის შემთხვევაში, კომისიის მდივანი პირს მიუთითებს დატოვოს კენჭისყრის შენობა.

სქემა N1. პლანშეტის მეშვეობით გაძევებულ პირთა ელექტრონულ მონაცემთა ბაზაში ინფორმაციის გადამოწმების ეტაპების ილუსტრაცია



{ I }


პროგრამის მენიუში კომისიის მდივანი ირჩევს ღილაკს „უფლებამოსილი პირები“

{ II }

სამიუბო ველში კომისიის მდივანს შეაქვს კენჭისყრის შენობაში ყოფნის უფლების მქონე პირის პირადი ნომერი და აჭერს ღილაკს „ძიება“

{ III }

იმ შემთხვევაში, თუ პირი შეყვანილი არ არის გაძევებულ პირთა ელექტრონულ მონაცემთა ბაზაში, კომისიის მდივანი აგრძელებს პროცესს - ირჩევს ღილაკს „შესვლა“



{IV}

კომისიის მდივანი ლილაკზე „დიახ“ დაჭერით ადასტურებს კენჭისყრის შენობაში ყოფნის უფლების მქონე პირის კენჭისყრის შენობაში დაშვებას

{V}

პროგრამა იძლევა შეტყობინებას - პიროვნება წარმატებით იქნა დაშვებულ საარჩევნო უბანზე (კენჭისყრის შენობაში)

{VI}

კენჭისყრის შენობაში ყოფნის უფლების მქონე პირის მონაცემები ავტომატურად აისახება პროგრამაში

დამკვირვებელი და საარჩევნო სუბიექტის წარმომადგენელი კენჭისყრის დღეს სარგებლობს საქართველოს საარჩევნო კოდექსის 46-ე მუხლით დადგენილი უფლებამოსილებებით, მათ შორის, მათ უფლება აქვთ, კენჭისყრის პროცესისათვის ხელის შეუშლელად:

- ✓ კენჭისყრის დღეს ნებისმიერ დროს იმყოფებოდნენ კენჭისყრის შენობაში, შეუზღუდავად გადაადგილდნენ საარჩევნო უბნის ტერიტორიაზე და თავისუფლად დააკვირდნენ კენჭისყრის პროცესის ყველა ეტაპს ნებისმიერი ადგილიდან;
- ✓ მოსთხოვონ ამომრჩეველს, უჩვენოს, რამდენი საარჩევნო ბიულეტენი და სპეციალური ჩარჩო-კონვერტი აქვს ხელში;
- ✓ დააკვირდნენ გადასატანი საარჩევნო ყუთის მეშვეობით ხმის მიცემის პროცესს;
- ✓ დააკვირდნენ ამომრჩეველთა ხმების დათვლას ისეთ პირობებში, რაც უზრუნველყოფს საარჩევნო ბიულეტენის დანახვას;
- ✓ დააკვირდნენ საუბნო საარჩევნო კომისიის მიერ კენჭისყრის შედეგების შემაჯამებელი ოქმის შედგენას.

კენჭისყრის შენობაში ყოფნის უფლების მქონე პირს საარჩევნო პროცესისთვის ხელის შეშლისა და აუდიომონიტორინგის განხორციელების გარეშე შეუძლია აწარმოოს ფოტოვიდეოგადაღება. კენჭისყრის ფარულობის უზრუნველსაყოფად კენჭისყრის კაბინაში ფოტოვიდეოგადაღება აკრძალულია.

საუბნო საარჩევნო კომისია ვალდებულია კენჭისყრის შენობაში ყოფნის უფლების მქონე პირებისთვის შექმნას შესაბამისი პირობები, მათი უფლებამოსილებების დაბრკოლებების გარეშე განსახორციელებლად.

დამკვირვებელი, საარჩევნო სუბიექტის წარმომადგენელი, პრესისა და მასობრივი ინფორმაციის სხვა საშუალების წარმომადგენელი ვალდებული არიან დაიცვან საქართველოს ორგანული კანონით „საქართველოს საარჩევნო კოდექსით“ დადგენილი მოთხოვნები. მათ უფლება არ აქვთ:

- ✓ ჩაერიონ საუბნო საარჩევნო კომისიის საქმიანობაში;
- ✓ გავლენა მოახდინონ ამომრჩეველთა ნების თავისუფალ გამოვლენაზე;
- ✓ ატარონ რომელიმე საარჩევნო სუბიექტის სიმბოლიკა და ნიშანი, აგიტაცია გაუწიონ ამომრჩეველს რომელიმე საარჩევნო სუბიექტის სასარგებლოდ ან საწინააღმდეგოდ;
- ✓ ფიზიკურად შეაფერხონ კენჭისყრის ოთახში ამომრჩევლის გადაადგილება;
- ✓ ამომრჩეველს მოსთხოვონ პირადობის დამადასტურებელი დოკუმენტის ჩვენება, მათ შორის, გამოართვან აღნიშნული დოკუმენტი;
- ✓ აწარმოონ ამომრჩევლის პირადობის დამადასტურებელი დოკუმენტის, ამომრჩეველთა ვერიფიკაციის აპარატზე გამოტანილი ამომრჩევლის მონაცემების, ამომრჩეველთა ვერიფიკაციის აპარატიდან ამობეჭდილი ამომრჩევლის ვერიფიკაციის დამადასტურებელი ქვითრისა და ამომრჩევლის მიერ საარჩევნო ბიულეტენზე გაკეთებული არჩევანის ფოტოვიდეოგადაღება ან სხვაგვარი დამუშავება.

საუბნო საარჩევნო კომისიის წევრებს შორის განაწილებული ფუნქციების შესახებ მონაცემების ასახვა ჩანაწერთა წიგნში

ამომრჩევლების კენჭისყრის პროცესში მონაწილეობის უზრუნველსაყოფად, საუბნო საარჩევნო კომისიის წევრები კენჭისყრის დღეს შემდეგ ფუნქციებს ასრულებენ:

- ✓ ამომრჩეველთა ნაკადის მომწესრიგებელი;
- ✓ ამომრჩეველთა რეგისტრატორი;
- ✓ საარჩევნო ყუთისა და ხმის დათვლის სპეციალური ელექტრონული აპარატის ზედამხედველი;
- ✓ გადასატანი საარჩევნო ყუთის წამლები.

საარჩევნო ყუთისა და ხმის დათვლის სპეციალური ელექტრონული აპარატის ზედამხედველი კომისიის წევრის ფუნქციას ასრულებს საუბნო საარჩევნო კომისიის თავმჯდომარის მოადგილე, ან აუცილებლობის შემთხვევაში, კომისიის თავმჯდომარის ან თავმჯდომარის მოადგილის დავალებით - კომისიის სხვა წევრი, ან თუ კენჭისყრის დღეს არ გამოცხადდა კომისიის წევრთა საკმარისი რაოდენობა, ან კომისიის წევრმა უარი განაცხადა ფუნქციის შესრულებაზე, ასევე, თუ აღნიშნულის შესრულება კომისიის წევრის მიერ შეუძლებელია - ზემდგომი საარჩევნო კომისიის უფლებამოსილი წარმომადგენელი.

კომისიის მდივანს კომისიის წევრთა შორის ფუნქციების განაწილების შედეგები, რომელიც ასახულია ფუნქციების გასანაწილებლად კენჭისყრის დღემდე ჩატარებული წილისყრის შედეგების აქტში, შეაქვს ჩანაწერთა წიგნის მე-3 გვერდზე.

ჩანაწერთა წიგნის შესაბამისი გვერდის ნიმუში

კენჭისყრის დაწყებამდე საუბნო საარჩევნო კომისიის წევრთა შორის წილისყრით ფუნქციათა განაწილების შედეგები			
№	კომისიის წევრის ფუნქცია	კომისიის წევრის სახელი, გვარი	კომისიის წევრის ხელმოწერა
1.	გადასატანი საარჩევნო ყუთის წამლები	დემურ გიგინიძე	დ. გიგინიძე
2.	გადასატანი საარჩევნო ყუთის წამლები	ნინო შიშქიშვილი	ნ. შიშქიშვილი
3.	ამომრჩეველთა ნაკადის მომწესრიგებელი	ქინკიძე დიმიტრი	დ. დიმიტრი
4.	I რეგისტრატორი	ანა ცხელიძე	ა. ცხელიძე
5.	II რეგისტრატორი	სოსო ძმანაშვილი	ს. ძმანაშვილი
6.	III რეგისტრატორი	ანდრეა გვასიაშვილი	ა. გვასიაშვილი

კომისიის წევრისთვის მინიჭებული ფუნქციის სხვა წევრისთვის დროებით გადაცემა შეიძლება მხოლოდ საუბნო საარჩევნო კომისიის თავმჯდომარის ნებართვით. საუბნო საარჩევნო კომისიის მდივანი ფუნქციის გადაცემას აღნიშნავს ჩანაწერთა წიგნის მე-5 გვერდზე და უთითებს დროს. კომისიის წევრი ხელმოწერით ადასტურებს ფუნქციის გადაცემის ფაქტს.

ჩანაწერთა წიგნის შესაბამისი გვერდის ნიმუში

№ 112 საარჩევნო ოლქი			№112.07	საარჩევნო უბანი		
საუბნო საარჩევნო კომისიის წევრთა შორის წილისყრით დადგენილ ფუნქციათა დროებით სხვა წევრზე გადაცემის შესახებ ინფორმაცია						
№	კომისიის წევრის სახელი, გვარი	კომისიის წევრის ფუნქცია	ფუნქციის დროებითი შემსრულებელი კომისიის წევრის სახელი, გვარი	ფუნქციის დროებით გადაცემის დრო (სთ. წთ.)	ფუნქციის დაბრუნების დრო (სთ. წთ.)	ხელმოწერა
1	ლალი ლალიაშვილი	პრეზიდენტი	ნანა ნანიძე	19:45	20:00	ლ. ლალიაშვილი

რისკების პრევენცია:

- ✓ თუ კენჭისყრის დღეს არ გამოცხადდა ამომრჩეველთა რეგისტრატორი კომისიის წევრი, საუბნო საარჩევნო კომისიის თავმჯდომარე ფუნქციის შესრულებას ავალებს კომისიის სხვა წევრს. საჭიროების შემთხვევაში, იგი უფლებამოსილია ფუნქციის შესრულება დაავალოს კომისიის იმ წევრს, რომელსაც მინიჭებული აქვს ნაკადის მომწესრიგებლის ფუნქცია. ასეთ შემთხვევაში, საუბნო საარჩევნო კომისიის თავმჯდომარე ამომრჩეველთა ნაკადის მომწესრიგებელი კომისიის წევრის ფუნქციას თავად შეითავსებს. რეგისტრატორის ფუნქციის კომისიის სხვა წევრისთვის მინიჭების შეუძლებლობის შემთხვევაში, კომისიის თავმჯდომარე ამცირებს ამომრჩეველთა რეგისტრატორის რაოდენობას.
- ✓ თუ კენჭისყრის დღეს არ გამოცხადდა გადასატანი საარჩევნო ყუთის წამლები კომისიის წევრი ან გადასატანი საარჩევნო ყუთის წამლებმა კომისიის წევრმა უარი განაცხადა მისთვის მინიჭებული ფუნქციის შესრულებაზე, ამ შემთხვევაში საუბნო საარჩევნო კომისიის თავმჯდომარე გადასატანი საარჩევნო ყუთის წამლები კომისიის წევრის ფუნქციას ანიჭებს კომისიის სხვა წევრს.

- ✓ თუ კენჭისყრის დღეს არ გამოცხადდა ამომრჩეველთა ნაკადის მომწესრიგებელი კომისიის წევრი, ამ შემთხვევაში საუბნო საარჩევნო კომისიის თავმჯდომარე ფუნქციის შესრულებას ავალებს კომისიის სხვა წევრს. ასეთის შეუძლებლობის შემთხვევაში, კომისიის თავმჯდომარე ამომრჩეველთა ნაკადის მომწესრიგებელი კომისიის წევრის ფუნქციას თავად შეითავსებს.
- ✓ საარჩევნო უბანზე დაგვიანებით გამოცხადებული კომისიის წევრისთვის ფუნქციის მინიჭების საკითხს წყვეტს საუბნო საარჩევნო კომისიის თავმჯდომარე.

რაოდენობრივი მონაცემების გამოცხადება

საუბნო საარჩევნო კომისიის წევრებს შორის ფუნქციების განაწილების შედეგების ჩანაწერთა წიგნში შეტანის შემდეგ, კომისიის თავმჯდომარე ამოწმებს და ხსნის კომისიის სპეციალური ბეჭდის დალუქულ პაკეტს. კომისიის მდივანი კომისიის სპეციალური ბეჭდის ნომერს უთითებს ჩანაწერთა წიგნის მე-9 გვერდზე. კომისიის თავმჯდომარე აცხადებს მიღებული საარჩევნო ბიულეტენებისა და სპეციალური ჩარჩო-კონვერტების რაოდენობას, ასევე, ამომრჩეველთა რაოდენობას ამომრჩეველთა ერთიანი სიის მიხედვით, ასევე, ამომრჩეველთა სპეციალური სიის და გადასატანი საარჩევნო ყუთის სიის მიხედვით (ასეთის არსებობისას).

კომისიის მდივანს აღნიშნული მონაცემები, გარდა სპეციალური ჩარჩო-კონვერტების რაოდენობისა, შეაქვს კენჭისყრის შედეგების სადემონსტრაციო ოქმში და ჩანაწერთა წიგნში.

სპეციალურ სიაში ამომრჩეველთა რაოდენობა კენჭისყრის შედეგების სადემონსტრაციო ოქმში და ჩანაწერთა წიგნში შეიტანება კენჭისყრის დასრულების შემდგომ.

ამომრჩეველთა ვერიფიკაციის აპარატებში ვერიფიკაციის პროცესის გახსნა

კომისიის წევრებისა და კენჭისყრის შენობაში ყოფნის უფლების მქონე პირთა თანდასწრებით, საუბნო საარჩევნო კომისიის თავმჯდომარე:

- ✓ ააქტიურებს ამომრჩეველთა ვერიფიკაციის აპარატებში ჩატვირთულ პროგრამას;
- ✓ ინდივიდუალური კოდის/პაროლის გამოყენებით აპარატებში ხსნის ვერიფიკაციის პროცესს;
- ✓ ამოწმებს გააქტიურებულ აპარატებს შორის კავშირის (სინქრონიზაცია) არსებობას.

აპარატებში ვერიფიკაციის პროცესის გახსნის ეტაპების ილუსტრაცია წარმოდგენილია სქემაში N2.


აპარატებში ვერიფიკაციის პროცესის გახსნის შემდგომ:

- ✓ აპარატებიდან ავტომატურ რეჟიმში იბეჭდება საწყისი ანგარიში/ქვითარი, მასზე დატანილი ინფორმაციის მიხედვით დასტურდება, რომ აპარატებით არცერთი ამომრჩეველის ვერიფიკაცია არ მომხდარა (კომისიის თავმჯდომარე და კომისიის მდივანი ხელს აწერენ ამობეჭდილ ქვითარს, რომელსაც ინახავს კომისიის მდივანი);
- ✓ საუბნო საარჩევნო კომისიის თავმჯდომარის მითითებით, ამომრჩეველთა ერთ-ერთი რეგისტრატორი ვერიფიკაციის აპარატიდან ბეჭდავს ამომრჩეველთა სიას (კომისიის მდივანი სიას აკრავს კენჭისყრის შენობაში თვალსაჩინო ადგილას, სადემონსტრაციო ოქმთან ერთად).

აპარატიდან ამომრჩეველთა სიის ბეჭდვის პროცესის ილუსტრაცია წარმოდგენილია სქემაში N3.

საუბნო საარჩევნო კომისიის თავმჯდომარის მოადგილე, პროცესის პარალელურად, აკეთებს შესაბამის აღნიშვნებს ელექტრონული საშუალებების გამოყენებით ჩატარებული კენჭისყრის აუდიტის დადასტურების ფორმაში.

სქემა N2. აპარატებში ვერიფიკაციის პროცესის გახსნის ეტაპების ილუსტრაცია



{ I }

ღილაკზე დაჭერით კომისიის თავმჯდომარე ააქტიურებს აპარატებში ჩატვირთულ პროგრამას.




{ II }

აპარატებში იწყება პროგრამის ჩატვირთვა, გრძელდება რამდენიმე წამი.




{ III }

კომისიის თავმჯდომარეს ვერიფიკაციის პროცესის გახსნის მიზნით აპარატებში შეჰყავს ინდივიდუალური კოდი/პაროლი. აპარატებს შორის სინქრონიზაცია დასტურდება ხატულების მწვანე შეფერილობით. რიცხვითი სიმბოლო მიუთითებს დაკავშირებული აპარატების რაოდენობაზე.




{ IV }

ღილაკზე „ვერიფიკაციის გახსნა“ დაჭერით კომისიის თავმჯდომარე აპარატებში ხსნის ვერიფიკაციის პროცესს. გახსნის დასადასტურებლად კომისიის თავმჯდომარეს განმეორებით შეჰყავს ინდივიდუალური კოდი/პაროლი.



{ V }

ვერიფიკაციის პროცესის გახსნისთანავე აპარატებიდან ავტომატურ რეჟიმში იბეჭდება საწყისი ანგარიში.



[VI]

ლილაკზე „კარგი“ დაჭერით კომისიის თავმჯდომარე ადასტურებს კენჭისყრის პროცესის გახსნას.

სქემა N3. აპარატიდან ამომრჩეველთა სიის ბეჭდვის პროცესის ილუსტრაცია



[I]

ამომრჩეველთა სიის ბეჭდვის მენიუში გადასასვლელად რეგისტრატორი აჭერს ლილაკს „მენიუში დაბრუნება“.



[II]

მენიუში რეგისტრატორი აჭერს ლილაკს „ამომრჩეველთა სია“.

ამომრჩეველთა სია >



[III]

რეგისტრატორი აჭერს ლილაკს „ბეჭდვა“ და შედეგად იბეჭდება ამომრჩეველთა სია.

ბეჭდვა


საარჩევნო ყუთების დალუქვა და ხმის დათვლის სპეციალურ აპარატებში კენჭისყრის პროცესის გახსნა

კენჭისყრის შენობაში ყოფნის უფლების მქონე პირთა თანდასწრებით, საუბნო საარჩევნო კომისიის თავმჯდომარე:


- ✓ ამოწმებს ძირითად/გადასატან საარჩევნო ყუთებს და მას შემდეგ რაც დადასტურდება, რომ საარჩევნო ყუთები ცარიელია, ძირითად საარჩევნო ყუთებზე ამონტაჟებს ხმის დათვლის სპეციალურ ელექტრონულ აპარატებს;
- ✓ ინდივიდუალური ნომრის მქონე ლუქებით ლუქავს ძირითად/გადასატან საარჩევნო ყუთებს (ძირითადი საარჩევნო ყუთები ილუქება ისე, რომ ლუქის დაზიანების გარეშე შეუძლებელი იყოს მათზე დამონტაჟებული ხმის დათვლის სპეციალური აპარატების მოხსნა, საარჩევნო ყუთებში საარჩევნო ბიულეტენის ხელით მოთავსება ან/და ამოღება);

- ✓ ხმის დათვლის სპეციალურ ელექტრონულ აპარატზე ამაგრებს საარჩევნო ბიულეტენის მოსათავსებელი ჭრილის საფარს (საფარი მაგრდება ხმის დათვლის სპეციალურ ელექტრონულ აპარატზე დატანილ სამაგრზე);

ნიმუში



საარჩევნო ბიულეტენის მოსათავსებელი ჭრილის საფარი.



აპარატზე დატანილი სამაგრი.



აპარატზე დამაგრებული საარჩევნო ბიულეტენის მოსათავსებელი ჭრილის საფარი.

- ✓ დალუქვის შემდგომ ააქტიურებს ხმის დათვლის სპეციალურ აპარატებში ჩატვირთულ პროგრამას, სპეციალური გასაღების გამოყენებით;
- ✓ აპარატებში ხსნის კენჭისყრის პროცესს, ინდივიდუალური კოდის/პაროლის გამოყენებით.

აპარატებში კენჭისყრის პროცესის გახსნის შემდგომ, აპარატებიდან ავტომატურად იბეჭდება „ნულოვანი ამონაწერი“ / ქვითარი, მასზე დატანილი ინფორმაციის მიხედვით, დასტურდება, რომ აპარატებით არცერთ ამომრჩეველს არ მიუცია ხმა (კომისიის თავმჯდომარე და კომისიის მდივანი ხელს აწერენ ამობეჭდილ ქვითრებს, მათ ინახავს კომისიის მდივანი).

სქემა N4. ხმის დათვლის სპეციალურ აპარატებში კენჭისყრის პროცესის გახსნის და აპარატებიდან „ნულოვანი ამონაწერების“ ბეჭდვის პროცესის ილუსტრაცია



{ I }

აპარატების კორპუსზე არსებულ ჭრილში კომისიის თავმჯდომარე სპეციალური გასაღების მოთავსებით ააქტიურებს აპარატებში ჩატვირთულ პროგრამას.



{ II }

აპარატებში იწყება პროგრამის ჩატვირთვა, გრძელდება რამდენიმე წამი.



{III}


კომისიის თავმჯდომარე კენჭისყრის პროცესის გახსნის მიზნით აპარატების ეკრანზე ირჩევს ლილავს „თავმჯდომარე“.

თავმჯდომარე



{IV}

კომისიის თავმჯდომარეს აპარატებში შეჰყავს ინდივიდუალური კოდი/პაროლი.



{V}

კომისიის თავმჯდომარე აპარატების ეკრანზე ირჩევს „კენჭისყრის გახსნა“, გახსნის დასადასტურებლად განმეორებით შეჰყავს ინდივიდუალური კოდი/პაროლი.

კენჭისყრის გახსნა



{VI}

კენჭისყრის გახსნისთანავე აპარატებიდან ავტომატურ რეჟიმში იბეჭდება „ნულოვანი ამონაწერი“.



{VII}

ლილავზე „კენჭისყრის დაწყება“ დაჭერით კომისიის თავმჯდომარე ადასტურებს კენჭისყრის პროცესის გახსნას.

კენჭისყრის დაწყება

კომისიის მდივანს ჩანაწერთა წიგნის მე-4 გვერდზე შეაქვს საარჩევნო ყუთების ინდივიდუალური ლუქების ნომრები და დალუქვის ზუსტი დრო. ამავე გვერდზე კომისიის თავმჯდომარე და კომისიის მდივანი ხელმოწერებით ადასტურებენ ცარიელი საარჩევნო ყუთების დალუქვას და ინფორმაციას, რომ ხმის დათვლის სპეციალური აპარატების საშუალებით არცერთ ამომრჩეველს არ მიუცია ხმა.

ჩანაწერთა წიგნის შესაბამისი გვერდის ნიმუში

საარჩევნო ყუთების დალუქვის მონაცემები																																				
საარჩევნო ყუთების დალუქვის დრო	04 სთ. 30 წთ.																																			
I ძირითადი საარჩევნო ყუთის ლუქების ნომრები	<table border="1"> <tr> <td>1</td><td>2</td><td>3</td><td>4</td><td>5</td><td>6</td><td>7</td><td>1</td><td>2</td><td>3</td><td>4</td><td>5</td><td>6</td><td>9</td> </tr> <tr> <td>1</td><td>2</td><td>3</td><td>4</td><td>5</td><td>6</td><td>8</td><td>1</td><td>2</td><td>3</td><td>4</td><td>5</td><td>6</td><td>2</td> </tr> </table> <table border="1"> <tr> <td>1</td><td>2</td><td>3</td><td>4</td><td>5</td><td>6</td><td>0</td> </tr> </table>	1	2	3	4	5	6	7	1	2	3	4	5	6	9	1	2	3	4	5	6	8	1	2	3	4	5	6	2	1	2	3	4	5	6	0
1	2	3	4	5	6	7	1	2	3	4	5	6	9																							
1	2	3	4	5	6	8	1	2	3	4	5	6	2																							
1	2	3	4	5	6	0																														
II ძირითადი საარჩევნო ყუთის ლუქების ნომრები	<table border="1"> <tr> <td>1</td><td>2</td><td>4</td><td>4</td><td>5</td><td>6</td><td>7</td><td>6</td><td>2</td><td>3</td><td>4</td><td>5</td><td>6</td><td>9</td> </tr> <tr> <td>1</td><td>4</td><td>3</td><td>4</td><td>5</td><td>6</td><td>8</td><td>4</td><td>2</td><td>3</td><td>4</td><td>5</td><td>6</td><td>2</td> </tr> </table> <table border="1"> <tr> <td>1</td><td>2</td><td>5</td><td>4</td><td>4</td><td>6</td><td>0</td> </tr> </table>	1	2	4	4	5	6	7	6	2	3	4	5	6	9	1	4	3	4	5	6	8	4	2	3	4	5	6	2	1	2	5	4	4	6	0
1	2	4	4	5	6	7	6	2	3	4	5	6	9																							
1	4	3	4	5	6	8	4	2	3	4	5	6	2																							
1	2	5	4	4	6	0																														
I გადასატანი საარჩევნო ყუთის ლუქების ნომრები	<table border="1"> <tr> <td>1</td><td>2</td><td>3</td><td>4</td><td>5</td><td>6</td><td>1</td><td>5</td><td>3</td><td>4</td><td>5</td><td>6</td> </tr> </table>	1	2	3	4	5	6	1	5	3	4	5	6																							
1	2	3	4	5	6	1	5	3	4	5	6																									
II გადასატანი საარჩევნო ყუთის ლუქების ნომრები	<table border="1"> <tr> <td>1</td><td>2</td><td>3</td><td>4</td><td>7</td><td>6</td><td>1</td><td>5</td><td>3</td><td>4</td><td>7</td><td>6</td> </tr> </table>	1	2	3	4	7	6	1	5	3	4	7	6																							
1	2	3	4	7	6	1	5	3	4	7	6																									
დალუქული ყუთები ცარიელია და დალუქვის მომენტისათვის ხმის მიცემის აპარატის საშუალებით არცერთ ამომრჩეველს არ მიუცია ხმა კომისიის თავმჯდომარე <u>ნ. ნახუშვილი</u> ხელმოწერა კომისიის მდივანი <u>გ. ვაიშვილი</u> ხელმოწერა																																				

საუბნო საარჩევნო კომისიის თავმჯდომარის მოადგილე, პროცესის პარალელურად, აუდიტის დადასტურების ფორმაში აკეთებს შესაბამის აღნიშვნებს.

საუბნო საარჩევნო კომისიის წევრებისთვის საარჩევნო დოკუმენტაციის და საარჩევნო მასალის გადაცემა

საუბნო საარჩევნო კომისიის თავმჯდომარე კომისიის წევრებს, კენჭისყრის პროცესში შესასრულებელი ფუნქციების შესაბამისად, გადასცემს საარჩევნო დოკუმენტაციას და მასალას.

ნაკადის მომწესრიგებელ კომისიის წევრს გადაეცემა მარკირების შესამოწმებელი ულტრაისფერი ფარანი, ამომრჩეველთა რეგისტრატორ თითოეულ კომისიის წევრს გადაეცემა:


- 50 ცალი საარჩევნო ბიულეტენი (ამომრჩეველთა რეგისტრატორი კომისიის წევრი ამოწმებს შეკვრაში საარჩევნო ბიულეტენების რაოდენობის სიზუსტეს და კომისიის თავმჯდომარესთან ერთად ხელმოწერით ადასტურებს მიღება-ჩაბარების აქტში);
- საარჩევნო ბიულეტენის შესავსები სპეციალური მარკერი (ამომრჩევლისთვის საარჩევნო ბიულეტენის შევსების წესის განმარტების პროცესში საარჩევნო ბიულეტენზე ამომრჩევლის მიერ საცდელი წრის გაფერადების მიზნით);
- ხმის მიცემისთვის განკუთვნილი სპეციალური ჩარჩო-კონვერტები;
- მარკირების სითხე;
- საწერი კალამი (ვერიფიკაციის აპარატიდან ამობეჭდილი ამომრჩევლის ვერიფიკაციის დამადასტურებელ ქვითარზე ამომრჩევლის მიერ ხელმოწერის დაფიქსირების მიზნით);
- ამომრჩევლების ვერიფიკაციის დამადასტურებელი ქვითრების მოსათავსებლად განკუთვნილი გაუმჭვირვალე ყუთი (ყუთის გადაცემამდე კომისიის თავმჯდომარე ინდივიდუალური ნომრის მქონე ლუქით ლუქავს აღნიშნულ ყუთს და კომისიის მდივანს ჩანაწერთა წიგნში შეაქვს ლუქების ინდივიდუალური ნომრები, იმ რეგისტრატორების მონაცემებით (სახელი, გვარი), რომლებსაც გადაეცათ ყუთები. ყუთის მიღებას შესაბამისი რეგისტრატორი ადასტურებს ხელმოწერით).

ჩანაწერთა წიგნის შესაბამისი გვერდის ნიმუში

ვერიფიკაციის აპარატიდან ამოღებული ამომრჩევლების ვერიფიკაციის დამადასტურებელი ქვითრების მოსათავსებლად განკუთვნილი ყუთის/ყუთების დალუქვის მონაცემები/ყუთის მიღების დადასტურება												
კომისიის წევრის ფუნქცია	ლუქების ნომრები										სახელი და გვარი	ხელმოწერა
I რეგისტრატორი	1	2	1	2	1	2	1	2	1	2	ნიკოლოზ ნიკაძე	ნიკაძე
II რეგისტრატორი	1	2	1	1	1	3	1	2	1	1	შვილ შვილაძე	შ. შვილაძე
III რეგისტრატორი	1	1	1	2	1	4	1	1	1	2	ზალოძე სოლომონიძე	ს. სოლომონიძე
IV რეგისტრატორი	4	2	1	2	1	5	2	2	1	2	გიორგი გიორგიშვილი	გ. გიორგიშვილი
V რეგისტრატორი												


კენჭისყრა იწყება 08:00 საათიდან, საუბნო საარჩევნო კომისიის თავმჯდომარე პლანშეტით უზრუნველყოფს ცესკოსთვის კენჭისყრის დაწყების შესახებ ინფორმაციის გადაცემას.

სქემა N5. კენჭისყრის დაწყების შესახებ ინფორმაციის გადაცემის პროცესის ილუსტრაცია



{ I }

პროგრამის მენიუში კომისიის თავმჯდომარე ირჩევს ღილაკს „აქტივობა“



{ II }

კომისიის თავმჯდომარე ღილაკზე „გასხნა“ დაჭერით ადასტურებს კენჭისყრის დაწყებას

კითხვები ცოდნის თვითშეფასებისთვის

1. რომელ საათზე იხსნება საარჩევნო უბანი?
2. ვინ არის პასუხისმგებელი კენჭისყრის დღის ჩანაწერთა წიგნის წარმოებაზე?
3. რა ხდება იმ შემთხვევაში, თუ 6 საათსა და 45 წუთზე საუბნო საარჩევნო კომისიის წევრთა რაოდენობა 9-ზე ნაკლები აღმოჩნდა?
4. ჩამოთვალეთ კენჭისყრის შენობაში ყოფნის უფლების მქონე პირები, რა მოთხოვნებს უნდა აკმაყოფილებდნენ ისინი კენჭისყრის შენობაში დაშვების მიზნებისთვის?
5. კენჭისყრის დღეს რა უფლებებით სარგებლობენ კენჭისყრის შენობაში ყოფნის უფლების მქონე პირები და რისი უფლება არ აქვთ მათ?
6. ვინ ასრულებს საარჩევნო ყუთისა და ხმის დათვლის სპეციალური ელექტრონული აპარატის ზედამხედველის ფუნქციას?
7. საარჩევნო ყუთების დალუქვის შემდეგ, რა მონაცემები შეაქვს საუბნო საარჩევნო კომისიის მდივანს კენჭისყრის დღის ჩანაწერთა წიგნში?
8. ვინ არის პასუხისმგებელი ამომრჩეველთა ვერიფიკაციის და ხმის დათვლის სპეციალური ელექტრონული აპარატების გააქტიურებაზე და რა პროცედურის დაცვით მიმდინარეობს:
 - ✓ ვერიფიკაციის აპარატებში ამომრჩეველთა ვერიფიკაციის პროცესის გახსნა?
 - ✓ ხმის დათვლის სპეციალურ ელექტრონულ აპარატებში კენჭისყრის პროცესის გახსნა?
9. რა ინფორმაციას ადასტურებს ამომრჩეველთა ვერიფიკაციის აპარატებიდან ამობეჭდილი საწყისი ანგარიში?
10. რა ინფორმაციას ადასტურებს ხმის დათვლის სპეციალური ელექტრონული აპარატებიდან ამობეჭდილი „ნულოვანი ამონაწერი“?

04

როგორ ემსახურება საუბნო საარჩევნო კომისია ამომრჩეველს კენჭისყრის პროცესში



საუბნო საარჩევნო კომისიის ყველა წევრი პასუხისმგებელია, კენჭისყრის დღეს თითოეული ამომრჩევლისთვის განახორციელოს კვალიფიციური სერვისი, რაც ითვალისწინებს

- ფუნქციების ზედმიწევნით შესრულებას
- ამომრჩეველთან ეთიკურ კომუნიკაციას
- ამომრჩევლისთვის ხმის მიცემის პროცედურის განმარტებას
- ამომრჩევლის კენჭისყრის პროცესში დაბრკოლებების გარეშე მონაწილეობის ხელშეწყობას
- ამომრჩევლის ხმის მიცემის ფარულობის დაცვას

კენჭისყრის პროცესი

კენჭისყრა იმართება კენჭისყრის დღის (3 ოქტომბერი) 08:00 საათიდან 20:00 საათამდე. ხმის მიცემის პროცედურა ტარდება დადგენილი თანმიმდევრობის დაცვით.

I. კენჭისყრის ოთახში შესვლისას ამომრჩეველი ნაკადის მომწესრიგებელთან გადის მარკირების შემოწმების პროცედურას.



ნაკადის მომწესრიგებელი კომისიის წევრი:

- ✓ არეგულირებს კენჭისყრის შენობაში შემომსვლელი ამომრჩევლების ნაკადს;
- ✓ სთხოვს ამომრჩეველს წარუდგინოს პირადობის დამადასტურებელი დოკუმენტი (საქართველოს მოქალაქის პირადობის ელექტრონული მოწმობა, საქართველოს მოქალაქის პირადობის არაელექტრონული მოწმობა, ან საქართველოს მოქალაქის პასპორტი);
- ✓ ულტრაიისფერი ფარნით ამოწმებს, აქვს თუ არა ამომრჩეველს ხელზე მარკირება.

შემოწმების შედეგების გათვალისწინებით:

- ✓ თუ მარკირების შესამოწმებელმა სპეციალურმა ხელსაწყომ გამოავლინა, რომ ამომრჩეველს უკვე აქვს მარკირება, მას ეკრძალება კენჭისყრაში მონაწილეობა. ნაკადის მომწესრიგებელი ამომრჩეველს განუმარტავს უარს კენჭისყრის ოთახში დაშვებაზე, ხოლო ამომრჩევლის შესახებ ინფორმაციას აცნობებს კომისიის მდივანს ჩანაწერთა წიგნში შეტანის მიზნით.
- ✓ თუ ამომრჩეველი აკმაყოფილებს კენჭისყრაში მონაწილეობისთვის დადგენილ მოთხოვნებს, ნაკადის მომწესრიგებელი ამომრჩეველს მიუთითებს, მივიდეს ნებისმიერ რეგისტრატორ კომისიის წევრთან, რომლის მაგიდასთან ორზე მეტი ამომრჩეველი არ იმყოფება.

II. ამომრჩეველთა რეგისტრატორი კომისიის წევრი ამომრჩეველს ვერიფიკაციის აპარატის გამოყენებით უწევს რეგისტრაციის და შემდგომ საარჩევნო ბიულეტენის გაცემის სერვისს.

რეგისტრატორი ამომრჩევლის რეგისტრაციის პროცესს ახორციელებს შემდეგი თანმიმდევრობით:

- ✓ ვერიფიკაციის აპარატში ეძებს ამომრჩევლის მონაცემებს და ადასტურებს აპარატში ჩატვირთული ამომრჩეველთა სიაში არსებული მონაცემების შესაბამისობას;
- ✓ ახდენს ამომრჩევლის მარკირებას;
- ✓ ვერიფიკაციის აპარატიდან ბეჭდავს ამომრჩევლის ვერიფიკაციის დამადასტურებელ ქვითარს, რომელზეც ამომრჩეველს ხელს აწერინებს;
- ✓ ხელმოწერილ ქვითარს ათავსებს მის წინ მაგიდაზე მდგომ დალუქულ გაუმჭვირვალე ყუთში.

ამომრჩევლის რეგისტრაციის პროცედურის აღწერა. რეგისტრატორი სთხოვს ამომრჩეველს, წარუდგინოს პირადობის დამადასტურებელი დოკუმენტი. რეგისტრატორი ამოწმებს პირადობის დამადასტურებელი დოკუმენტის მოქმედების ვადას, საქართველოს მოქალაქის პირადობის არაელექტრონული მოწმობის წარდგენის შემთხვევაში ამოწმებს დოკუმენტის გაცემის თარიღს.

თუ ამომრჩეველი წარადგენს ვადაგასულ პირადობის დამადასტურებელ დოკუმენტს, ან ძალადაკარგულ საქართველოს მოქალაქის პირადობის არაელექტრონულ მოწმობას (ძალადაკარგულია 2011 წლის 27 ივლისის ჩათვლით გაცემული არაელექტრონული მოწმობა), მას ეკრძალება კენჭისყრაში მონაწილეობა. რეგისტრატორი ამომრჩეველს განუმარტავს კენჭისყრაში მონაწილეობაზე უარის მიზეზს და მიუთითებს, რომ კენჭისყრაში მონაწილეობის უფლება მიეცემა, თუ წარადგენს მოქმედ პირადობის დამადასტურებელ დოკუმენტს.

დოკუმენტის მოქმედების ვადის შემოწმების შემდგომ, რეგისტრატორი ამოწმებს ამომრჩევლის სახისა და წარდგენილ დოკუმენტში არსებული ფოტოსურათის ერთმანეთთან შესაბამისობას.

რეგისტრატორი ამომრჩევლის მიერ წარდგენილ საქართველოს მოქალაქის პირადობის ელექტრონულ მოწმობას ატარებს ვერიფიკაციის აპარატის წამკითხველში. ამომრჩევლის მიერ საქართველოს მოქალაქის პასპორტის, ან საქართველოს მოქალაქის პირადობის არაელექტრონული მოწმობის წარდგენის შემთხვევაში, რეგისტრატორი ამომრჩევლის მონაცემთა ბეზნას აპარატში ახორციელებს ხელით.



ვერიფიკაციის აპარატის წამკითხველით ამომრჩევლის მონაცემების ბეზნის ილუსტრაცია

ვერიფიკაციის აპარატში ამომრჩევლის მონაცემების ხელით შეყვანის ილუსტრაცია

ვერიფიკაციის აპარატი პირადობის მოწმობაში არსებულ სარეგისტრაციო მონაცემებს ადარებს აპარატში ჩატვირთულ ამომრჩეველთა სიაში არსებულ მონაცემებს და შესაბამისობის შემთხვევაში, აპარატს ეკრანზე გამოაქვს ამ ამომრჩევლის მონაცემები.

სარეგისტრაციო მონაცემების
შესაბამისობის დადასტურების
შემთხვევაში, სიაში შეყვანილი
ამომრჩევლის შესახებ ინფორმაციის
ვერიფიკაციის აპარატის ეკრანზე
გამოტანის ილუსტრაცია

თუ ვერიფიკაციის აპარატის მიერ ამომრჩევლის მონაცემთა შესაბამისობის შემოწმებისას დადასტურდა, რომ წარდგენილ დოკუმენტში ამომრჩევლის სარეგისტრაციო მონაცემები (გარდა ფოტოსურათისა) შეესაბამება ამომრჩეველთა ვერიფიკაციის აპარატში ჩატვირთულ ამომრჩეველთა სიაში არსებულ მონაცემებს, მაგრამ რეგისტრატორმა ამომრჩევლის სახე და წარდგენილ დოკუმენტში არსებული ფოტოსურათი ერთმანეთთან შეუსაბამოდ მიიჩნია, იგი მიმართავს საუბნო საარჩევნო კომისიის თავმჯდომარეს, რომელიც ქვემოთ მოცემული პროცედურის ჩატარების შემდეგ ამომრჩეველს მისცემს კენჭისყრაში მონაწილეობის უფლებას.

თუ კომისიის თავმჯდომარე დაადასტურებს შეუსაბამობას, კომისიის მდივანი ჩანაწერთა წიგნში აკეთებს ჩანაწერს, რომელშიც უთითებს შეუსაბამობის ფაქტს, ამომრჩევლის სახელს, გვარს და ამომრჩეველთა სიაში მის რიგით ნომერს. ჩანაწერი დასტურდება კომისიის თავმჯდომარისა და კომისიის მდივნის ხელმოწერებით.

თუ კომისიის თავმჯდომარე არ დაადასტურებს შეუსაბამობას, რეგისტრატორს უფლება აქვს, ჩანაწერთა წიგნში ჩაწეროს თავისი განსაკუთრებული აზრი. კომისიის მდივანი ჩანაწერთა წიგნში უთითებს ამომრჩევლის სახელს, გვარს და ამომრჩეველთა სიაში მის რიგით ნომერს, ჩანაწერს ადასტურებს ხელმოწერით.

ზემოაღნიშნულ შემთხვევებში კომისიის მდივანი ჩანაწერთა წიგნს დაურთავს ამომრჩევლის მიერ წარდგენილი დოკუმენტის ფოტოასლს, რომელსაც დაამოწმებს ხელმოწერით.



ვერიფიკაციის აპარატის მიერ ამომრჩევლის მონაცემთა შესაბამისობის დადასტურების შემთხვევაში, რეგისტრატორი ამომრჩეველს უკეთებს მარკირებას მარჯვენა ხელის ცერა ან საჩვენებელი თითის ფრჩხილზე (თუ აღნიშნული მოქმედების შესრულება შეუძლებელია – მარჯვენა ხელის სხვა თითებზე, ხოლო თუ ესეც შეუძლებელია, იმავე წესით მარცხენა ხელზე).

მარკირების პროცედურის გავლაზე უარის შემთხვევაში, ამომრჩეველს არ აქვს კენჭისყრაში მონაწილეობის უფლება და რეგისტრატორი მას განუმარტავს დატოვოს კენჭისყრის შენობა.

ამომრჩევლის მარკირების პროცედურის დასრულებისთანავე, რეგისტრატორი ვერიფიკაციის აპარატიდან ბეჭდავს ამომრჩევლის ვერიფიკაციის დამადასტურებელ ქვითარს, რომელზეც ხელს აწერს ამომრჩეველი. ქვითარს რეგისტრატორი ათავსებს სარეგისტრაციო მაგიდაზე განთავსებულ გაუმჭვირვალე დალუქულ ყუთში.



ამომრჩევლის ვერიფიკაციის
დამადასტურებელი ქვითრის
ბეჭდვა



ქვითარზე ამომრჩევლის მიერ
ხელის მოწერა



ქვითრის მოთავსება
გაუმჭვირვალე დალუქულ ყუთში

თუ ვერიფიკაციის აპარატიდან არ ამოიბეჭდება ამომრჩევლის ვერიფიკაციის დამადასტურებელი ქვითარი, ან ამოიბეჭდება ტექნიკური წუნით, ამომრჩეველი, ვერიფიკაციის დამადასტურებელი ქვითრის ნაცვლად, ხელს აწერს ამომრჩევლის ვერიფიკაციის დამადასტურებელ აქტს, რომლის ფორმას ავსებს კომისიის მდივანი. რეგისტრატორი ამომრჩევლის მიერ ხელმოწერილ აქტს ათავსებს ვერიფიკაციის დამადასტურებელი ქვითრებისთვის განკუთვნილ ყუთში. კომისიის მდივანი ჩანაწერთა წიგნს დაურთავს შესაბამისი ამომრჩევლის პირადობის დამადასტურებელი დოკუმენტის ფოტოასლს.

თუ ვერიფიკაციის აპარატში ამომრჩევლის შესახებ მონაცემები არ მოიძებნა, კომისიას აქვს შესაძლებლობა, პლანშეტის გამოყენებით მოიძიოს ინფორმაცია იმ საარჩევნო უბნის შესახებ, რომელშიც ამომრჩეველია რეგისტრირებული.


ამომრჩეველის რეგისტრაციის პროცესში რისკების პრევენცია.

- [I] თუ ვერიფიკაციის აპარატი დააფიქსირებს, რომ კენჭისყრის შენობაში ხმის მისაცემად გამოცხადებული ამომრჩეველი შეეყვანილია გადასატანი საარჩევნო ყუთის სიაში, შესაბამისი ინფორმაცია გამოდის აპარატის ეკრანზე, იმავდროულად აპარატი გამოსცემს ხმოვან სიგნალს. ასეთ ამომრჩეველს ეკრძალება საარჩევნო უბანში კენჭისყრაში მონაწილეობა. რეგისტრატორი ამომრჩეველს განუმარტავს, რომ მოთხოვნის შესაბამისად, ამომრჩეველისთვის გათვალისწინებულია გადასატანი საარჩევნო ყუთით ხმის მიცემის სერვისი.



გადასატანი საარჩევნო ყუთის სიაში შეყვანილი ამომრჩეველის შესახებ ინფორმაციის ვერიფიკაციის აპარატის ეკრანზე გამოტანის ილუსტრაცია

- [II] თუ ვერიფიკაციის აპარატი დააფიქსირებს, რომ კენჭისყრის შენობაში ხმის მისაცემად გამოცხადებული ამომრჩეველი შეეყვანილია სხვა უბნისთვის განკუთვნილ სპეციალურ სიაში, შესაბამისი ინფორმაცია გამოდის აპარატის ეკრანზე, იმავდროულად აპარატი გამოსცემს ხმოვან სიგნალს. ასეთ ამომრჩეველს ეკრძალება აღნიშნულ საარჩევნო უბანში კენჭისყრაში მონაწილეობა. რეგისტრატორი ამომრჩეველს განუმარტავს, რომ კენჭისყრაში მონაწილეობის მისაღებად იგი უნდა მივიდეს შესაბამის საარჩევნო უბანში. უბნის ნომერსა და მისამართს რეგისტრატორი ამომრჩეველს აწვდის ვერიფიკაციის აპარატის ეკრანზე გამოტანილი ინფორმაციის საფუძველზე.




სხვა უბნისთვის განკუთვნილ სპეციალურ სიაში შეყვანილი ამომრჩეველის შესახებ ინფორმაციის ვერიფიკაციის აპარატის ეკრანზე გამოტანის ილუსტრაცია

- [III] თუ ვერიფიკაციის აპარატი დააფიქსირებს, რომ კენჭისყრის შენობაში ხმის მისაცემად გამოცხადებული ამომრჩეველი უკვე ვერიფიცირებულია ამ საარჩევნო უბანზე, შესაბამისი ინფორმაცია გამოდის აპარატის ეკრანზე, იმავდროულად აპარატი გამოსცემს ხმოვან სიგნალს. ამომრჩეველს ეკრძალება განმეორებით კენჭისყრაში მონაწილეობა, შესაბამისად რეგისტრატორი ამომრჩეველს განუმარტავს, დატოვოს კენჭისყრის შენობა.

*ორმაგი ვერიფიკაციის მცდელობის
შესახებ ინფორმაციის
ვერიფიკაციის აპარატის ეკრანზე
გამოტანის ილუსტრაცია*



ამომრჩეველზე საარჩევნო ბიულეტენის გაცემის პროცედურა. ამომრჩევლის რეგისტრაციის პროცედურის დასრულების შემდეგ, რეგისტრატორი ამომრჩეველს გადასცემს საარჩევნო ბიულეტენს, რომელშიც შეტანილია მაჟორიტარულ ოლქში ასარჩევად წარდგენილი კანდიდატების რიგითი ნომერი, სახელი, გვარი და წარმდგენი სუბიექტი. საარჩევნო ბიულეტენთან ერთად, რეგისტრატორი ამომრჩეველს გადასცემს სპეციალურ ჩარჩო-კონვერტს.

რეგისტრატორი ამომრჩეველს განუმარტავს საარჩევნო ბიულეტენის შევსების და სპეციალური ჩარჩო-კონვერტის გამოყენების წესს.



„ხმის მისაცემად საარჩევნო ბიულეტენში სრულად გააფერადეთ თქვენთვის სასურველი მხოლოდ ერთი სუბიექტის წინ არსებული წრე (წრის შიდა სივრცე). საარჩევნო ბიულეტენი არ გადაკვეთთ და შევსებული ბიულეტენი მოათავსეთ სპეციალურ ჩარჩო-კონვერტში არჩევანის ფარულობის მიზნით.“

საარჩევნო ბიულეტენის შევსების და სპეციალური ჩარჩო-კონვერტის გამოყენების წესის განმარტების შემდეგ, რეგისტრატორი სპეციალურ ჩარჩო-კონვერტში ათავსებს საარჩევნო ბიულეტენს ისე, რომ სრულად დაიფაროს საარჩევნო სუბიექტების ჩამონათვალი. რეგისტრატორი ამომრჩეველს მიუთითებს სპეციალურ ჩარჩო-კონვერტში მოთავსებული საარჩევნო ბიულეტენის ზედამხარეს გააფერადოს საცდელი წრე.



*სპეციალურ ჩარჩო-კონვერტში
მოთავსებული საარჩევნო
ბიულეტენის ზედამხარეს
განთავსებული საცდელი წრე*

საარჩევნო ბიულეტენზე საცდელი წრის გაფერადების შემდეგ, რეგისტრატორი ამომრჩეველს გადასცემს სპეციალურ ჩარჩო-კონვერტში მოთავსებულ საარჩევნო ბიულეტენს და განუმარტავს,

რომ საარჩევნო ბიულეტენი, სპეციალური ჩარჩო-კონვერტის საშუალებით, ხმის დათვლის სპეციალურ ელექტრონულ აპარატში მოათავსოს იმგვარად, რომ საარჩევნო ბიულეტენის მხარე, რომელზეც განთავსებულია საცდელი წრე, მოექცეს ქვემოთ. ამის შემდეგ, რეგისტრატორი მიუთითებს ამომრჩეველს გადაინაცვლოს ფარული ხმის მიცემის კაბინაში.

III. საარჩევნო ბიულეტენისა და ხმის მიცემისთვის განკუთვნილი სპეციალური ჩარჩო-კონვერტის მიღების შემდეგ ამომრჩეველი შედის ფარული ხმის მიცემის კაბინაში.

ამომრჩეველი სპეციალური მარკერის გამოყენებით ავსებს საარჩევნო ბიულეტენს და ათავსებს მას სპეციალურ ჩარჩო-კონვერტში.

ფარული ხმის მიცემის კაბინაში, საარჩევნო ბიულეტენის შევსებისას, სხვა პირის დასწრება და ფოტოვიდეოგადაღება აკრძალულია.

ამომრჩეველს, რომელსაც არ შეუძლია დამოუკიდებლად შეავსოს საარჩევნო ბიულეტენი, უფლება აქვს, ფარული კენჭისყრის კაბინაში დასახმარებლად მიიწვიოს საარჩევნო უბანზე მყოფი ნებისმიერი პირი, გარდა:


- ა) საარჩევნო კომისიის წევრისა;
- ბ) კანდიდატისა;
- გ) საარჩევნო სუბიექტის წარმომადგენლისა;
- დ) დამკვირვებლისა;
- ე) პრესის და მასობრივი ინფორმაციის სხვა საშუალებების წარმომადგენლისა.

თუ ამომრჩეველს გაუფუჭდა საარჩევნო ბიულეტენი ან სპეციალური ჩარჩო-კონვერტი, მან ეს უნდა აცნობოს კომისიის თავმჯდომარეს. კომისიის თავმჯდომარის დავალებით რეგისტრატორი ვალდებულია ამომრჩეველს შეუცვალოს გაფუჭებული საარჩევნო ბიულეტენი/სპეციალური ჩარჩო-კონვერტი ახლით.

კომისიის თავმჯდომარე, ამომრჩევლის თანდასწრებით, გაფუჭებულ საარჩევნო ბიულეტენს კეცავს იმგვარად, რომ შეუძლებელი იყოს საარჩევნო სუბიექტების დანახვა, გადაკეცილ საარჩევნო ბიულეტენს ამაგრებს ლითონის შემკვრელით, ჩამოაჭრის კუთხეს, დააწერს „გაფუჭებულია“ და ხელს მოაწერს. კომისიის თავმჯდომარე გაფუჭებულ საარჩევნო ბიულეტენს ინახავს ცალკე.

IV. სპეციალური ჩარჩო-კონვერტში მოთავსებული საარჩევნო ბიულეტენით ამომრჩეველი მიდის ძირითად საარჩევნო ყუთთან.

საარჩევნო ყუთისა და ხმის დათვლის სპეციალური ელექტრონული აპარატის ზედამხედველი კომისიის წევრი ამომრჩეველს განუმარტავს აპარატში საარჩევნო ბიულეტენის მოთავსების წესს:



„საარჩევნო ბიულეტენი, სპეციალური ჩარჩო-კონვერტის საშუალებით, აპარატში მოათავსეთ იმგვარად, რომ ბიულეტენის მხარე, რომელზეც განთავსებულია საცდელი წრე, მოექცეს ქვემოთ.


ჩარჩო-კონვერტი დაიკავეთ მსუბუქად, რათა აპარატმა მარტივად მიიღოს საარჩევნო ბიულეტენი.

დაელოდეთ, ვიდრე აპარატის ეკრანზე არ გამოჩნდება შეტყობინება „თქვენი ხმა მიღებულია“ და მხოლოდ ამის შემდეგ დატოვეთ კენჭისყრის შენობა“.

ამომრჩეველი საარჩევნო ბიულეტენს სპეციალური ჩარჩო-კონვერტის საშუალებით ათავსებს ძირითად საარჩევნო ყუთზე დამონტაჟებულ აპარატში. იმ შემთხვევაში, თუ ამომრჩეველი ვერ ახერხებს სპეციალური ჩარჩო-კონვერტის საშუალებით აპარატში საარჩევნო ბიულეტენის მოთავსებას, მას შეიძლება დაეხმაროს საარჩევნო ყუთისა და ხმის დათვლის სპეციალური ელექტრონული აპარატის ზედამხედველი კომისიის წევრი.



ხმის დათვლის სპეციალურ ელექტრონულ აპარატში საარჩევნო ბიულეტენის მოთავსება



საარჩევნო ბიულეტენის ძირითად საარჩევნო ყუთში მოთავსების დამადასტურებელი

თუ ხმის დათვლის სპეციალური ელექტრონული აპარატი არ მიიღებს და უკან დააბრუნებს საარჩევნო ბიულეტენს, შესაძლებელია მისი ხელმეორედ მოთავსება ხმის დათვლის იმავე ან სხვა ელექტრონულ აპარატში. საარჩევნო ბიულეტენის კვლავ დაბრუნების შემთხვევაში, კომისიის თავმჯდომარე, ამომრჩევლის თანდასწრებით, დადგენილი წესით აფუჭებს საარჩევნო ბიულეტენს. კომისიის თავმჯდომარის დავალებით რეგისტრატორი ვალდებულია ამომრჩეველს შეუცვალოს გაფუჭებული საარჩევნო ბიულეტენი ახლით.

საარჩევნო ბიულეტენის ძირითად საარჩევნო ყუთში მოთავსების შემდეგ, ამომრჩეველი სპეციალურ ჩარჩო-კონვერტს ათავსებს საამისოდ განკუთვნილ მაგიდაზე და ტოვებს საარჩევნო უბანს. სპეციალური ჩარჩო-კონვერტები გადაეცემა ამომრჩეველთა რეგისტრატორ კომისიის წევრებს.

გადასატანი საარჩევნო ყუთით კენჭისყრის პროცესი

გადასატანი საარჩევნო ყუთის მეშვეობით კენჭისყრის პროცედურა იწყება კენჭისყრის დღის 09:00 საათიდან და სრულდება 19:00 საათზე (კენჭისყრა დამთავრებულად ითვლება 19:00 საათამდე ნებისმიერ დროს, თუ კენჭისყრაში მონაწილეობა მიიღო გადასატანი საარჩევნო ყუთის სიაში შეყვანილმა ყველა ამომრჩეველმა). გადასატანი საარჩევნო ყუთის მეშვეობით კენჭისყრის პროცედურის დასრულების შემდეგ დაუყოვნებლივ ილუქება საარჩევნო ყუთში საარჩევნო ბიულეტენების ჩასაგდები ჭრილი ისე, რომ ლუქის დაზიანების გარეშე შეუძლებელი იყოს მისი გახსნა. გადასატანი საარჩევნო ყუთი საარჩევნო უბანზე უნდა დაბრუნდეს არაუგვიანეს 20 საათისა.

კენჭისყრის შენობაში ყოფნის უფლების მქონე პირებს უფლება აქვთ, დააკვირდნენ გადასატანი საარჩევნო ყუთის მეშვეობით ხმის მიცემის პროცედურას. გადასატანი საარჩევნო ყუთის

მეშვეობით ხმის მიცემისას ავტომატური გამოყენების შემთხვევაში საუბნო საარჩევნო კომისია ვალდებულია გამოყოს ადგილი ავტომატურად კენჭისყრის შენობაში ყოფნის უფლების მქონე პირთაგან წილისყრით გამოვლენილი 2 მეთვალყურისათვის, მათი სურვილის შემთხვევაში.

კომისიის თავმჯდომარე გადასატანი საარჩევნო ყუთის წამლებ კომისიის წევრებს გადასცემს:

- დალუქულ გადასატან საარჩევნო ყუთს;
- გადასატანი საარჩევნო ყუთის სიის კომისიისთვის განკუთვნილ ვერსიას;
- საჭირო რაოდენობის საარჩევნო ბიულეტენებს;
- საარჩევნო ბიულეტენის შესავსებ სპეციალურ მარკერებს;
- საჭირო რაოდენობის სპეციალურ ჩარჩო-კონვერტებს;
- ლითონის სამაგრებს (ამომრჩეველის მიერ საარჩევნო ბიულეტენის სპეციალური ჩარჩო-კონვერტში მოთავსების შემდგომ, ჩარჩო-კონვერტი ლითონის სამაგრით მაგრდება და თავსდება გადასატან საარჩევნო ყუთში);
- ლითონის შემკვრელს (გამოიყენება საარჩევნო ბიულეტენის გაფუჭების შემთხვევაში ხმის ფარულობის უზრუნველსაყოფად);
- მარკირების შესამოწმებელ ულტრაიისფერ ფარანს;
- მარკირების სითხეს;
- საწერ კალამს (გადასატანი საარჩევნო ყუთის სიაში ამომრჩეველის მიერ ხელმოწერის დაფიქსირების მიზნებისთვის);
- გადასატანი საარჩევნო ყუთის ჭრილის ლუქს.

კომისიის მდივანს ჩანაწერთა წიგნის მე-4 გვერდზე შეაქვს გადასატანი საარჩევნო ყუთის თანმხლები კომისიის წევრებისთვის გადაცემული საარჩევნო ბიულეტენებისა და სპეციალური ჩარჩო-კონვერტების რაოდენობა, ასევე გადასატანი საარჩევნო ყუთის საარჩევნო უბნიდან წაღების დრო.

ჩანაწერთა წიგნის შესაბამისი გვერდის ნიმუში

№ 112 საარჩევნო ოლქი		№112.07		საარჩევნო უბანი	
გადასატანი საარჩევნო ყუთის თანმხლები კომისიისა და სპეცგუფის წევრთათვის		გადაცემული საარჩევნო დოკუმენტაციის აღრიცხვა			
	დასახელება	რაოდენობა			
		I ყუთი	II ყუთი	III ყუთი	
1	ამომრჩეველთა რაოდენობა გადასატანი საარჩევნო ყუთის სიაში	35			
2	გადაცემული ბიულეტენების რაოდენობა	34			
3	გადაცემული სპეციალური ჩარჩო-კონვერტების რაოდენობა	35			
4	გამოყენებული ბიულეტენების რაოდენობა				
5	გადასატანი საარჩევნო ყუთის სიაში ხელმოწერების რაოდენობა				
6	უბნიდან წაღების დრო	09 სთ. 20 წთ.	___ სთ. ___ წთ.	___ სთ. ___ წთ.	
	უბანში დაბრუნების დრო	___ სთ. ___ წთ.	___ სთ. ___ წთ.	___ სთ. ___ წთ.	

გადასატანი საარჩევნო ყუთით ხმის მიცემის პროცედურა ტარდება დადგენილი თანმიმდევრობის დაცვით.

I. გადასატანი საარჩევნო ყუთის წამლები კომისიის წევრი ამოწმებს ამომრჩეველის კენჭისყრაში მონაწილეობის საფუძვლებს.

გადასატანი საარჩევნო ყუთის წამლები კომისიის წევრი:

- ✓ სთხოვს ამომრჩეველს წარუდგინოს პირადობის დამადასტურებელი დოკუმენტი (საქართველოს მოქალაქის პირადობის ელექტრონული მოწმობა, საქართველოს მოქალაქის პირადობის არაელექტრონული მოწმობა, ან საქართველოს მოქალაქის პასპორტი);
- ✓ ამოწმებს პირადობის დამადასტურებელი დოკუმენტის მოქმედების ვადას;
- ✓ საქართველოს მოქალაქის პირადობის არაელექტრონული მოწმობის წარდგენის შემთხვევაში ამოწმებს დოკუმენტის გაცემის თარიღს;
- ✓ ულტრაიისფერი ფარნით ამოწმებს, აქვს თუ არა ამომრჩეველს ხელზე მარკირება.

შემოწმების შედეგების გათვალისწინებით:

- ✓ თუ მარკირების შესამოწმებელმა სპეციალურმა ხელსაწყომ გამოავლინა, რომ ამომრჩეველს უკვე აქვს მარკირება, მას ეკრძალება კენჭისყრაში მონაწილეობა. გადასატანი საარჩევნო ყუთის წამლები კომისიის წევრი ამომრჩეველს განუმარტავს კენჭისყრაში მონაწილეობაზე უარის თქმის საფუძველს. ფაქტთან დაკავშირებით კომისიის წევრმა უნდა დაწეროს ახსნა-განმარტება (ამომრჩეველის გადასატანი საარჩევნო ყუთის სიაში რიგითი ნომრის, სახელისა და გვარის მითითებით). დოკუმენტს ხელს აწერს გადასატანი საარჩევნო ყუთის წამლები კომისიის წევრები თანმხლებ პირებთან ერთად (ასეთის არსებობისას).
- ✓ თუ ამომრჩეველი წარადგენს ვადაგასულ პირადობის დამადასტურებელ დოკუმენტს, ან ძალადაკარგულ საქართველოს მოქალაქის პირადობის არაელექტრონულ მოწმობას (ძალადაკარგულია 2011 წლის 27 ივლისის ჩათვლით გაცემული არაელექტრონული მოწმობა), მას ეკრძალება კენჭისყრაში მონაწილეობა. გადასატანი საარჩევნო ყუთის წამლები კომისიის წევრი ამომრჩეველს განუმარტავს კენჭისყრაში მონაწილეობაზე უარის თქმის საფუძველს და მიუთითებს, რომ კენჭისყრაში მონაწილეობის უფლება მიეცემა, თუ წარადგენს მოქმედ პირადობის დამადასტურებელ დოკუმენტს.
- ✓ თუ ამომრჩეველი აკმაყოფილებს დადგენილ მოთხოვნებს, გადასატანი საარჩევნო ყუთის წამლები კომისიის წევრი აგრძელებს ამომრჩეველის რეგისტრაციისა და საარჩევნო ბიულეტენის გაცემის პროცედურას.

II. გადასატანი საარჩევნო ყუთის წამლები კომისიის წევრი ამომრჩეველს უწევს რეგისტრაციის და შემდგომ საარჩევნო ბიულეტენის გაცემის სერვისს.

გადასატანი საარჩევნო ყუთის წამლები კომისიის წევრი ამოწმებს ამომრჩეველის მიერ წარდგენილ დოკუმენტში შეტანილი ამომრჩეველის სარეგისტრაციო მონაცემებისა და გადასატანი საარჩევნო ყუთის სიაში არსებული მონაცემების შესაბამისობას.

სიაში არსებული მონაცემების შესაბამისობის დადასტურების შემთხვევაში, გადასატანი საარჩევნო ყუთის წამლები კომისიის წევრი ამომრჩეველს უკეთებს მარკირებას მარჯვენა ხელის ცერა ან საჩვენებელი თითის ფრჩხილზე (თუ აღნიშნული მოქმედების შესრულება შეუძლებელია – მარჯვენა ხელის სხვა თითებზე, ხოლო თუ ესეც შეუძლებელია, იმავე წესით მარცხენა ხელზე).

მარკირების პროცედურის გავლაზე უარის შემთხვევაში, ამომრჩეველს არ აქვს კენჭისყრაში მონაწილეობის უფლება და კომისიის წევრი განუმარტავს მას, კენჭისყრაში მონაწილეობაზე უარის თქმის საფუძველს.


მარკირების პროცედურის განხორციელების შემდეგ, გადასატანი საარჩევნო ყუთის წამლები კომისიის წევრი ხელს აწერს გადასატანი საარჩევნო ყუთის სიის სათანადო გრაფაში და მიუთითებს ამომრჩეველს სიაში ხელმოწერით დაადასტუროს საარჩევნო ბიულეტენის მიღება.

თუ კენჭისყრის პროცესში გამოვლინდა, რომ ამომრჩეველმა გადასატანი საარჩევნო ყუთის სიაში ხელი მოაწერა სხვა ამომრჩეველის გვარის გასწვრივ არსებულ გრაფაში, ასეთ შემთხვევაში ამომრჩეველმა, რომლის გვარის გასწვრივ ფიქსირდება ხელმოწერა, ხელი უნდა მოაწეროს იმავე გრაფაში. ფაქტთან დაკავშირებით კომისიის წევრმა უნდა დაწეროს ახსნა-განმარტება (ამომრჩეველის გადასატანი საარჩევნო ყუთის სიაში რიგითი ნომრის, სახელისა და გვარის მითითებით). დოკუმენტს ხელს აწერენ გადასატანი საარჩევნო ყუთის წამლები კომისიის წევრები თანმხლებ პირებთან ერთად (ასეთის არსებობისას).

ამომრჩეველის რეგისტრაციის პროცედურის დასრულების შემდეგ, გადასატანი საარჩევნო ყუთის წამლები კომისიის წევრი ამომრჩეველს გადასცემს საარჩევნო ბიულეტენს.

საარჩევნო ბიულეტენთან ერთად, გადასატანი საარჩევნო ყუთის წამლები კომისიის წევრი ამომრჩეველს გადასცემს სპეციალურ ჩარჩო-კონვერტს.

გადასატანი საარჩევნო ყუთის წამლები კომისიის წევრი ამომრჩეველს განუმარტავს საარჩევნო ბიულეტენის შევსების და სპეციალური ჩარჩო-კონვერტის გამოყენების წესს.



„ხმის მისაცემად საარჩევნო ბიულეტენში სრულად გააფერადეთ თქვენთვის სასურველი მხოლოდ ერთი სუბიექტის წინ არსებული წრე (წრის შიდა სივრცე). საარჩევნო ბიულეტენი არ გადაკეცოთ და შევსებული ბიულეტენი მოათავსეთ სპეციალურ ჩარჩო-კონვერტში არჩევანის ფარულობის მიზნით“.

საარჩევნო ბიულეტენის შევსების და სპეციალური ჩარჩო-კონვერტის გამოყენების წესის განმარტების შემდეგ, გადასატანი საარჩევნო ყუთის წამლები კომისიის წევრი სპეციალურ ჩარჩო-კონვერტში ათავსებს საარჩევნო ბიულეტენს ისე, რომ სრულად დაიფაროს საარჩევნო სუბიექტების ჩამონათვალი. ამომრჩეველს მიუთითებს სპეციალურ ჩარჩო-კონვერტში მოთავსებული საარჩევნო ბიულეტენის ზედამხარეს გააფერადოს საცდელი წრე.

ამის შემდეგ, გადასატანი საარჩევნო ყუთის წამლები კომისიის წევრი ამომრჩეველს გადასცემს სპეციალურ ჩარჩო-კონვერტში მოთავსებულ საარჩევნო ბიულეტენს და მიუთითებს ფარულობის პრინციპის დაცვით შეავსოს საარჩევნო ბიულეტენი.

III. საარჩევნო ბიულეტენისა და ხმის მიცემისთვის განკუთვნილი სპეციალური ჩარჩო-კონვერტის მიღების შემდეგ ამომრჩეველი ფარულობის დაცვით ავსებს საარჩევნო ბიულეტენს.

ამომრჩეველი შევსებულ საარჩევნო ბიულეტენს ათავსებს სპეციალურ ჩარჩო-კონვერტში.


თუ ამომრჩეველს არ შეუძლია საარჩევნო ბიულეტენის დამოუკიდებლად შევსება, მას უფლება აქვს, დასახმარებლად მიიწვიოს ნებისმიერი პირი, გარდა საარჩევნო კომისიის წევრისა, კანდიდატისა, საარჩევნო სუბიექტის წარმომადგენლისა, პრესისა და მასობრივი ინფორმაციის სხვა საშუალებების წარმომადგენლისა და დამკვირვებლისა.

თუ ამომრჩეველს გაუფუჭდა საარჩევნო ბიულეტენი ან სპეციალური ჩარჩო-კონვერტი, კომისიის წევრი ვალდებულია ამომრჩეველს შეუცვალოს გაფუჭებული საარჩევნო ბიულეტენი/სპეციალური ჩარჩო-კონვერტი ახლით.

გადასატანი საარჩევნო ყუთის წამლები კომისიის წევრი ამომრჩევლის თანდასწრებით, გაფუჭებულ საარჩევნო ბიულეტენს კეცავს იმგვარად, რომ შეუძლებელი იყოს საარჩევნო სუბიექტების დანახვა, გადაკეცილ საარჩევნო ბიულეტენს ამაგრებს ლითონის შემკვრელით, ჩამოაჭრის კუთხეს, დააწერს „გაფუჭებულია“ და ხელს მოაწერს. გაფუჭებული საარჩევნო ბიულეტენი გადაეცემა საუბნო საარჩევნო კომისიის თავმჯდომარეს გადასატანი საარჩევნო ყუთის საარჩევნო უბანზე დაბრუნებისთანავე.

IV. ამომრჩეველი სპეციალურ ჩარჩო-კონვერტში მოთავსებულ საარჩევნო ბიულეტენს ათავსებს გადასატან საარჩევნო ყუთში.

საარჩევნო ბიულეტენის სპეციალური ჩარჩო-კონვერტისგან განცალკევების რისკის პრევენციის მიზნით, გადასატანი საარჩევნო ყუთის წამლები კომისიის წევრი ვალდებულია, უზრუნველყოს სპეციალურ ჩარჩო-კონვერტზე ლითონის სამაგრების დამაგრება, მას შემდეგ, რაც ამომრჩეველი სპეციალურ ჩარჩო-კონვერტში მოათავსებს შევსებულ საარჩევნო ბიულეტენს (ასეთი ფორმით თავსდება სპეციალური ჩარჩო-კონვერტი გადასატან საარჩევნო ყუთში).



გადასატანი საარჩევნო ყუთის წამლები კომისიის წევრი ხსნის გადასატანი საარჩევნო ყუთის ჭრილს და უთითებს ამომრჩეველს, ხმის მიცემისთვის განკუთვნილ სპეციალურ ჩარჩო-კონვერტში მოთავსებული საარჩევნო ბიულეტენი ჩაუშვას მასში.

გადასატანი საარჩევნო ყუთით ხმის მიცემის პროცესის დასრულების შემდეგ, გადასატანი საარჩევნო ყუთის წამლებმა კომისიის წევრებმა კენჭისყრის შენობაში დაბრუნებისთანავე საუბნო საარჩევნო კომისიის მდივანს უნდა გადასცენ გამოუყენებელი/გაფუჭებული საარჩევნო ბიულეტენები, ხმის მიცემისთვის განკუთვნილი სპეციალური ჩარჩო-კონვერტები და გადასატანი საარჩევნო ყუთის სია.

კომისიის მდივანი ამოწმებს გადასატანი საარჩევნო ყუთის წამლები კომისიის წევრების მიერ მობრუნებული გამოუყენებელი/გაფუჭებული საარჩევნო ბიულეტენების რაოდენობის სისწორეს. ამ მიზნით კომისიის მდივანი კომისიის წევრებისთვის გადაცემული საარჩევნო ბიულეტენების რაოდენობას აკლებს გადასატანი საარჩევნო ყუთის სიაში არსებულ ამომრჩეველთა ხელმოწერების რაოდენობას და მიღებულ მონაცემს უდარებს მობრუნებული გამოუყენებელი/გაფუჭებული საარჩევნო ბიულეტენების რაოდენობას. უზუსტობის აღმოჩენის შემთხვევაში გადასატანი ყუთის თანმხლებმა კომისიის წევრებმა უნდა დაწერონ ახსნა-განმარტება მიზეზის მითითებით. ახსნა-განმარტებაში ასახული მონაცემები, გაითვალისწინება კენჭისყრაში/არჩევნებში მონაწილე ამომრჩეველთა რაოდენობის დადგენისა და კენჭისყრის შედეგების შემოწმებისთვის.

კომისიის მდივნის მიერ მონაცემთა სისწორის კონტროლის პროცედურის დასრულების შემდეგ, კომისიის თავმჯდომარე გამოუყენებელ საარჩევნო ბიულეტენებს აჭრის კუთხეს, აწერს გაფუჭებულია და ხელმოწერით ადასტურებს.

კომისიის მდივანს ჩანაწერთა წიგნის მე-4 გვერდზე შეაქვს ამომრჩეველთა ხელმოწერების რაოდენობა გადასატანი ყუთის სიაში, გამოუყენებელი საარჩევნო ბიულეტენების რაოდენობა, ასევე საარჩევნო უბანში გადასატანი საარჩევნო ყუთის დაბრუნების დრო.

ჩანაწერთა წიგნის შესაბამისი გვერდის ნიმუში

№ 112 საარჩევნო ოლქი		№112.07		საარჩევნო უბანი	
გადასატანი საარჩევნო ყუთის თანმხლები კომისიისა და სპეცგუფის წევრთათვის					
გადაცემული საარჩევნო დოკუმენტაციის აღრიცხვა					
	დასახელება	რაოდენობა			
		I ყუთი	II ყუთი	III ყუთი	
1	ამომრჩეველთა რაოდენობა გადასატანი საარჩევნო ყუთის სიაში	35			
2	გადაცემული ბიულეტენების რაოდენობა	34			
3	გადაცემული სპეციალური ჩარჩო-კონვერტების რაოდენობა	35			
4	გამოუყენებელი ბიულეტენების რაოდენობა	2			
5	გადასატანი საარჩევნო ყუთის სიაში ხელმოწერების რაოდენობა	35			
6	უბნიდან წაღების დრო	09 სთ. 30 წთ.	__ სთ. __ წთ.	__ სთ. __ წთ.	
	უბანში დაბრუნების დრო	14 სთ. 45 წთ.	__ სთ. __ წთ.	__ სთ. __ წთ.	

რისკების მართვა:

- ✓ თუ გადასატანი საარჩევნო ყუთის ლუქის მთლიანობა დაირღვა, გადასატანი ყუთის წამლებმა კომისიის წევრებმა დაუყოვნებლივ უნდა აცნობონ კომისიის თავმჯდომარეს, შეადგინონ ახსნა-განმარტება მიზეზის მითითებით და ხელი მოაწერონ თანხლებ პირებთან ერთად.
- ✓ თუ გადასატანი საარჩევნო ყუთი საარჩევნო უბანში დაუღუპავ მდგომარეობაში დაბრუნდა, გადასატანი საარჩევნო ყუთი და მასში არსებული საარჩევნო ბიულეტენები დაილუქება და საუბნო საარჩევნო კომისიის განკარგულებასთან ერთად დაუყოვნებლივ გადაეცემა ზემდგომ საოლქო საარჩევნო კომისიას.
- ✓ თუ გადასატანი საარჩევნო ყუთის გამოყენებით ჩატარებული კენჭისყრის პროცედურა საჭიროებს საქართველოს საარჩევნო კანონმდებლობასთან შესაბამისობის საკითხის დამატებით შემოწმებას, გადასატანი საარჩევნო ყუთი დაილუქება და საუბნო საარჩევნო კომისიის განკარგულებასთან ერთად დაუყოვნებლივ გადაეცემა ზემდგომ საოლქო საარჩევნო კომისიას.

ფიზიკური მდგომარეობის გამო ამომრჩეველის მიერ ხმის მიცემის პროცედურა

ამომრჩეველი, რომელიც ფიზიკური მდგომარეობის, კერძოდ, ზედა კიდურების არქონის გამო ვერ ახერხებს ხმის მიცემის პროცედურების დამოუკიდებლად შესრულებას, კენჭისყრაში მონაწილეობს შემდეგი პროცედურების გათვალისწინებით:

- ✓ ამომრჩეველი არ გადის მარკირების შემოწმებისა და მარკირების პროცედურებს.
- ✓ ამომრჩეველზე საარჩევნო ბიულეტენის გაცემამდე, ამომრჩეველთა ვერიფიკაციის დამადასტურებელ ქვითარზე/გადასატანი ყუთის სიაში, ამომრჩეველის ხელმოწერის

ადგილზე კეთდება ჩანაწერი „ფიზიკური მდგომარეობა“ და აღნიშნული დასტურდება ამომრჩეველთა რეგისტრატორის/გადასატანი საარჩევნო ყუთის წამლები კომისიის წევრის ხელმოწერით.

- ✓ ამომრჩეველს უფლება აქვს, საარჩევნო ბიულეტენის შევსებისას დასახმარებლად მიიწვიოს ნებისმიერი პირი, გარდა საარჩევნო კომისიის წევრისა, კანდიდატისა, საარჩევნო სუბიექტის წარმომადგენლის, პრესისა და მასობრივი ინფორმაციის სხვა საშუალებების წარმომადგენლისა და დამკვირვებლისა.
- ✓ ამომრჩევლის ნაცვლად, მისი თანდასწრებით, შევსებულ საარჩევნო ბიულეტენს სპეციალურ ჩარჩო-კონვერტში დებს და შემდეგ ხმის დათვლის სპეციალურ ელექტრონულ აპარატში/ გადასატან საარჩევნო ყუთში ათავსებს მის მიერ არჩეული პირი, რომელიც დაეხმარა საარჩევნო ბიულეტენის შევსებაში.

ამომრჩეველთა პერსონალური მონაცემების დაცვის უზრუნველყოფა

კენჭისყრის შენობაში ყოფნის უფლების მქონე პირებს ეკრძალებათ ამომრჩევლის პირადობის დამადასტურებელი დოკუმენტის, ამომრჩეველთა სიების საარჩევნო კომისიისათვის განკუთვნილი (სამაგიდო) ვერსიის, ამომრჩეველთა ვერიფიკაციის აპარატზე გამოტანილი ამომრჩევლის მონაცემების, ამომრჩეველთა ვერიფიკაციის აპარატიდან ამობეჭდილი ამომრჩევლის ვერიფიკაციის დამადასტურებელი ქვითრის და ამომრჩევლის მიერ საარჩევნო ბიულეტენზე გაკეთებული არჩევანის ფოტოვიდეოგადაღება ან სხვაგვარი დამუშავება (მათ შორის, შეგროვება, ჩაწერა, შენახვა), გამოყენება, გამჟღავნება, გადაცემა ან/და გავრცელება. აღნიშნული აკრძალვა ვრცელდება ასევე საუბნო საარჩევნო კომისიის წევრებზე, გარდა იმ შემთხვევისა, როდესაც ამომრჩევლის პერსონალურ მონაცემებთან დაკავშირებული ქმედებების განხორციელება აუცილებელია საქართველოს ორგანული კანონით „საქართველოს საარჩევნო კოდექსი“ და ცესკოს სამართლებრივი აქტებით გათვალისწინებული საუბნო საარჩევნო კომისიის უფლებამოსილების განსახორციელებლად.

კენჭისყრაში/არჩევნებში მონაწილე ამომრჩეველთა აღრიცხვა

კენჭისყრაში/არჩევნებში მონაწილე ამომრჩეველთა რაოდენობის (ამომრჩეველთა აქტივობა) დადგენის მიზნით, საუბნო საარჩევნო კომისიის თავმჯდომარის მითითებით, ერთ-ერთი რეგისტრატორი ამომრჩეველთა ვერიფიკაციის აპარატიდან 10:00, 12:00, 15:00, 17:00 საათზე ბეჭდავს ამომრჩეველთა აქტივობის ამსახველ ქვითარს/ანგარიშს.

კენჭისყრაში/არჩევნებში მონაწილე ამომრჩეველთა საერთო რაოდენობის ამსახველი საბოლოო ქვითარი/ანგარიში იბეჭდება კენჭისყრის პროცესის დასრულების შემდეგ.


კენჭისყრის პროცესი სრულდება 20:00 საათზე, გარდა იმ შემთხვევისა, თუ ამ დროისთვის კენჭისყრაში მონაწილეობის მისაღებად რიგში დგანან ამომრჩევლები. როგორც კი რიგში მდგომი აღრიცხული ბოლო ამომრჩეველი მისცემს ხმას, კენჭისყრა დასრულებულად ცხადდება და კომისიის თავმჯდომარის მითითებით ერთ-ერთი რეგისტრატორი ვერიფიკაციის აპარატიდან ბეჭდავს კენჭისყრაში/არჩევნებში მონაწილე ამომრჩეველთა საერთო რაოდენობის ამსახველ საბოლოო ქვითარს/ანგარიშს.

საუბნო საარჩევნო კომისიის თავმჯდომარის მოადგილე, ამომრჩეველთა რაოდენობის ამსახველი ქვითრების/ანგარიშების ბეჭდვის პროცესის პარალელურად, აკეთებს შესაბამის აღნიშვნებს ელექტრონული საშუალებების გამოყენებით ჩატარებული კენჭისყრის აუდიტის დადასტურების ფორმაში.

საუბნო საარჩევნო კომისიის თავმჯდომარე შესაბამისი პერიოდებისთვის (10:00, 12:00, 15:00, 17:00, 20:00 საათზე) ამობეჭდილ ქვითარში/ანგარიშში მითითებულ კენჭისყრაში/არჩევნებში მონაწილე ამომრჩეველთა რაოდენობას უმატებს გადასატანი საარჩევნო ყუთის სიაში (ასეთის არსებობისას) შეყვანილი ამომრჩეველების ხელმოწერების ჯამს. (ამ მონაცემით დგინდება კენჭისყრაში მონაწილე ამომრჩეველთა საერთო რაოდენობა). კომისიის თავმჯდომარე, მითითებულ საათებზე პლანშეტით, უზრუნველყოფს ცესკოსთვის კენჭისყრაში მონაწილე ამომრჩეველთა რაოდენობის შესახებ მონაცემების გადაცემას.


საუბნო საარჩევნო კომისიის მდივანი, კენჭისყრაში/არჩევნებში მონაწილე ამომრჩეველთა საერთო რაოდენობას 12:00 და 17:00 საათის მდგომარეობით, ასევე კენჭისყრის პროცესის დასრულების შემდეგ დადგენილ ამომრჩეველთა საბოლოო რაოდენობას უთითებს კენჭისყრის შედეგების სადემონსტრაციო ოქმსა და ჩანაწერთა წიგნში.

სქემა N6. ამომრჩეველთა რაოდენობის (აქტივობის) ამსახველი ქვითრის/ანგარიშის ბეჭდვის პროცესის ილუსტრაცია





{ I }

ამომრჩეველთა აქტივობის ბეჭდვის მენიუმში გადასასვლელად რეგისტრატორი აჭერს ეკრანის ზედა მარჯვენა კუთხეში არსებულ მენიუს



{ II }


მენიუმში რეგისტრატორი აჭერს ღილაკს „ამომრჩეველთა აქტივობა“.



{ III }

რეგისტრატორი აჭერს ღილაკს „აქტივობის ქვითრის ბეჭდვა“ და შედეგად იბეჭდება ამომრჩეველთა აქტივობის ამსახველი ქვითარი.

სქემა N7. ამომრჩეველთა რაოდენობის (აქტივობის) შესახებ ინფორმაციის ცესკოსთვის გადაგზავნის პროცესის ილუსტრაცია




{ I }

პროგრამის მენიუში კომისიის
თავმჯდომარე ირჩევს ღილაკს
„აქტივობა“




{ II }

კომისიის თავმჯდომარე ირჩევს
ველს „აქტიური“



{ III }

კომისიის თავმჯდომარეს
გრაფაში შეაქვს ამომრჩეველთა
რაოდენობა და ღილაკზე
„გაგზავნა“ დაჭერით მონაცემები
იგზავნება



{ IV }

გაგზავნილი მონაცემი აისახება
შესაბამისი პერიოდის აქტივობის
გრაფაში

კენჭისყრის დღეს კენჭისყრის შენობაში და მის მიმდებარე ტერიტორიაზე წესრიგის დაცვა

ამომრჩევლების კენჭისყრის პროცესში დაბრკოლებების გარეშე მონაწილეობის ხელშეწყობისა და ხმის მიცემის ფარულობის დაცვის უზრუნველსაყოფად, კენჭისყრის დღეს კენჭისყრის შენობაში წესრიგის დაცვისთვის პასუხისმგებელია საუბნო საარჩევნო კომისიის თავმჯდომარე.

კომისიის თავმჯდომარის მიერ მიღებულ გადაწყვეტილებათა შესრულება სავალდებულოა საარჩევნო კომისიის წევრებისათვის, კენჭისყრის შენობაში ყოფნის უფლების მქონე ყველა პირისა და ამომრჩევლისთვის.

კენჭისყრის დღეს საუბნო საარჩევნო კომისიის მუშაობისთვის ხელის შეშლისა და წესრიგის დარღვევის შემთხვევაში, საუბნო საარჩევნო კომისია უფლებამოსილია მიიღოს გადაწყვეტილება საუბნო საარჩევნო კომისიის განთავსების შენობიდან დამრღვევის გაძევების შესახებ. დამრღვევის გაძევების შემთხვევაში დგება შესაბამისი აქტი, რომელსაც ხელს აწერენ კომისიის თავმჯდომარე და წევრები. აქტში აღინიშნება დამრღვევის სახელი და გვარი, საარჩევნო ოლქისა და საარჩევნო უბნის ნომრები, დარღვევის არსი და მისი ჩადენის ზუსტი დრო.

კენჭისყრის შენობიდან გაძევებულ პირთა შესახებ ინფორმაციის გადამოწმების უზრუნველსაყოფად, საქართველოს საარჩევნო ადმინისტრაცია აწარმოებს გაძევებულ პირთა ელექტრონულ მონაცემთა ბაზას. ამ მიზნით, საუბნო საარჩევნო კომისიის თავმჯდომარე ცესკოს პლანშეტით გადასცემს კენჭისყრის შენობიდან დამრღვევის გაძევების შესახებ ინფორმაციას.


გაძევებულ პირს ეკრძალება კენჭისყრის დღეს ნებისმიერ საარჩევნო უბანში/კენჭისყრის შენობაში შესვლა/ყოფნა, გარდა საარჩევნო უბანზე ხმის მიცემის შემთხვევისა.

სქემა N8. დამრღვევის კენჭისყრის შენობიდან გაძევების შესახებ ინფორმაციის ცესკოსთვის გადავზავნის პროცესის ილუსტრაცია

{ I } პროგრამის მენიუში კომისიის თავმჯდომარე ირჩევს ღილაკს „უფლებამოსილი პირები“

{ II } კომისიის თავმჯდომარე ირჩევს მენიუს „უბანზე მყოფი პირები“

{ III } კომისიის თავმჯდომარე ირჩევს ღილაკს „გაძევება“



{ IV } გამრჩეულ პირს
პროგრამაში ენიჭება
სტატუსი „გამრჩეული“



{ V } ინფორმაცია ავტომატურად
აისახება გამრჩეულ პირთა
ელექტრონულ მონაცემთა ბაზაში

თუ დამრღვევი პირი ნებაყოფლობით არ ასრულებს საუბნო საარჩევნო კომისიის მიერ მიღებულ გადაწყვეტილებას, კომისიის განთავსების შენობიდან დამრღვევის გამრჩევის შესახებ, საუბნო საარჩევნო კომისიის თავმჯდომარის მოთხოვნით, შეიძლება გამოცხადდეს იქნენ პოლიციის მუშაკები. პოლიცია ვალდებულია დაუყოვნებლივ აღასრულოს პირის გამრჩევის შესახებ გადაწყვეტილება. ფაქტთან დაკავშირებით სათანადო აღნიშვნა კეთდება ჩანაწერთა წიგნში.

კენჭისყრის შენობაში შეიარაღებული პირის შესვლა დაუშვებელია.

საუბნო საარჩევნო კომისიის თავმჯდომარის მოთხოვნით შეიძლება გამოცხადდეს იქნენ პოლიციის მუშაკები, თუ კენჭისყრის შენობაში ან მის მიმდებარე ტერიტორიაზე საფრთხე ექმნება საზოგადოებრივ წესრიგს, კენჭისყრის ჩატარებას ან საარჩევნო დოკუმენტაციის უსაფრთხო გადაადგილებას. საზოგადოებრივი წესრიგის დარღვევის აღკვეთისათვის და საუბნო საარჩევნო კომისიის თავმჯდომარის თანხმობით პოლიციის მუშაკები ტოვებენ კენჭისყრის შენობას და მის მიმდებარე ტერიტორიას.

გამონაკლის შემთხვევაში, კენჭისყრის შენობის მიმდებარე ტერიტორიაზე, მაგრამ არა საკუთრივ კენჭისყრის შენობაში, პოლიციის მუშაკები შეიძლება იმყოფებოდნენ საუბნო საარჩევნო კომისიის თავმჯდომარის მოთხოვნისა და თანხმობის გარეშე, თუ ეს სრულიად აუცილებელია საზოგადოებრივი წესრიგის დარღვევის აღკვეთისათვის ან დაცვისათვის. ასეთი აუცილებლობის აღმოფხვრისათვის პოლიციის მუშაკები ტოვებენ კენჭისყრის შენობის მიმდებარე ტერიტორიას.

კენჭისყრის პროცესის დროებით შეჩერება

კენჭისყრის დროს აკრძალულია კენჭისყრის შენობის ჩაკეტვა, კენჭისყრის შეწყვეტა ან შეჩერება. თუ რაიმე გარემოება აფერხებს კენჭისყრის პროცესის მიმდინარეობას, საუბნო საარჩევნო კომისიის თავმჯდომარე ვალდებულია ეს დაუყოვნებლივ შეატყობინოს საოლქო საარჩევნო კომისიას და დაელოდოს შესაბამის მითითებებს.

კითხვები ცოდნის თვითშეფასებისთვის

1. საუბნო საარჩევნო კომისიის რომელი წევრი ამოწმებს ამომრჩეველთა მარკირებას?
2. საუბნო საარჩევნო კომისიის რომელი წევრი ახორციელებს ამომრჩეველის მარკირებას?
3. თუ ამომრჩეველმა წარადგინა საქართველოს მოქალაქის პირადობის არაელექტრონული მოწმობა, რა შემთხვევაში ეთქმება მას უარი კენჭისყრის შენობაში დაშვებასა და კენჭისყრაში მონაწილეობაზე?
4. რა ხდება იმ შემთხვევაში, თუ ვერიფიკაციის აპარატიდან არ ამოიბეჭდა ვერიფიკაციის დამადასტურებელი ქვითარი, ან ამოიბეჭდა ტექნიკური წუნით?
5. რა ხდება იმ შემთხვევაში, თუ ვერიფიკაციის აპარატი დააფიქსირებს, რომ კენჭისყრის შენობაში ხმის მისაცემად გამოცხადებული ამომრჩეველი შეყვანილია გადასატანი საარჩევნო ყუთის სიაში?
6. საარჩევნო ბიულეტენის შევსების შესახებ რა ინსტრუქციას აძლევს რეგისტრატორი ამომრჩეველს?
7. თუ ამომრჩეველს არ შეუძლია დამოუკიდებლად შეავსოს საარჩევნო ბიულეტენი, ვისი მიწვევის უფლება აქვს დასახმარებლად ფარული ხმის მიცემის კაბინაში?
8. რა პროცედურების გათვალისწინებით მონაწილეობს კენჭისყრაში ამომრჩეველი, რომელიც ფიზიკური მდგომარეობის, კერძოდ, ზედა კიდურების არქონის გამო ვერ ახერხებს ხმის მიცემის პროცედურების დამოუკიდებლად შესრულებას?
9. რა სერვისს სთავაზობს საუბნო საარჩევნო კომისია მცირემხედველ და უსინათლო ამომრჩეველებს?
10. თუ ამომრჩეველს გაუფუჭდა საარჩევნო ბიულეტენი, რა პროცედურის დაცვით გაიცემა მასზე ახალი საარჩევნო ბიულეტენი?
11. ამომრჩეველის არჩევანის ფარულობის დაცვის მიზნით, რა ინსტრუქციას აძლევს საარჩევნო ყუთისა და ხმის დათვლის სპეციალური ელექტრონული აპარატის ზედამხედველი კომისიის წევრი ამომრჩეველს?
12. ამომრჩეველის პერსონალური მონაცემების დაცვის მიზნით, რა ეკრძალება საუბნო საარჩევნო კომისიის წევრებს და კენჭისყრის შენობაში ყოფნის უფლების მქონე პირებს?
13. რა ხდება იმ შემთხვევაში, თუ ხმის დათვლის სპეციალური ელექტრონული აპარატი უკან აბრუნებს საარჩევნო ბიულეტენს?
14. როდის იწყება და როდის სრულდება კენჭისყრის პროცესი გადასატანი საარჩევნო ყუთის მეშვეობით?
15. ავტომატურად გადასატანი საარჩევნო ყუთის წამლები კომისიის წევრების გადაადგილებისას, რამდენი მეთვალყურისთვის უნდა იყოს გამოყოფილი ადგილი ავტომობილში და როგორ განისაზღვრება ამ მეთვალყურეების ვინაობა?
16. ითვალისწინებს თუ არა გადასატანი საარჩევნო ყუთის მეშვეობით ხმის მიცემის პროცესი ამომრჩეველის მარკირების პროცედურას?
17. ამომრჩეველის მიერ საარჩევნო ბიულეტენის შევსების შემდეგ, რა ფორმით თავსდება საარჩევნო ბიულეტენი გადასატან საარჩევნო ყუთში?
18. რა პერიოდულობით ხდება კენჭისყრაში/არჩევნებში მონაწილე ამომრჩეველთა რაოდენობის დადგენა და რა წესით?
19. რა შემთხვევაში იღებს გადაწყვეტილებას საუბნო საარჩევნო კომისია კენჭისყრის შენობაში ყოფნის უფლების მქონე პირის გაძევების შესახებ და რა პროცედურაა გათვალისწინებული აღნიშნული ღონისძიების გატარებისთვის?
20. რა შემთხვევაშია დასაშვები კენჭისყრის შენობაში პოლიციის მუშაკების შესვლა?

05

როგორ წარიმართება საუბნო საარჩევნო კომისიის მიერ კენჭისყრის შედეგების შეჯამების პროცესი



საუბნო საარჩევნო კომისიის ყველა წევრი პასუხისმგებელია, საუბნო საარჩევნო კომისიის თავმჯდომარის ხელმძღვანელობით:

- ორგანიზებულად და გამჭვირვალედ წარმართოს კენჭისყრის შედეგების შეჯამების პროცესი
- კენჭისყრის შენობაში ყოფნის უფლების მქონე პირებისთვის შექმნას კენჭისყრის შეჯამების პროცესზე შეუფერხებელი დაკვირვების პირობები
- ოპერატიულად უზრუნველყოს ელექტრონული აპარატებით დათვლილი კენჭისყრის წინასწარი შედეგების ზემდგომი საარჩევნო კომისიისთვის მიწოდება და საარჩევნო უბანზე ინფორმაციის საჯაროობა
- კეთილსინდისიერად შეასრულოს საარჩევნო ბიულეტენების ხელით დათვლის პროცესში დაკისრებული ფუნქციები და დაიცვას მონაცემთა სიზუსტე
- უზრუნველყოს კენჭისყრის შედეგების შემაჯამებელი ოქმის ხელმოწერით დადასტურება, ზემდგომი საარჩევნო კომისიისთვის დროულად მიწოდება და საარჩევნო უბანზე ოქმის საჯაროობა

საარჩევნო უბნის დახურვა

კენჭისყრის პროცედურა სრულდება და კენჭისყრის შენობა იკეტება 20:00 საათზე. ამ დროისთვის რიგში მდგომ ამომრჩევლებს შეუძლიათ ხმის მიცემა. კომისიის თავმჯდომარის დავალებით კომისიის ერთ-ერთი წევრი აღრიცხავს რიგში მდგომ ამომრჩეველთა გვარებსა და სახელებს, მათ რაოდენობას აცნობებს კომისიის თავმჯდომარეს, კომისიის მდივანს რაოდენობა შეაქვს ჩანაწერთა წიგნში. როგორც კი ბოლო ამომრჩეველი მისცემს ხმას, კენჭისყრა დასრულებულად ცხადდება. კომისიის თავმჯდომარის მითითებით რეგისტრატორები ლუქავენ ამომრჩეველთა ვერიფიკაციის დამადასტურებელი ქვითრების მოსათავსებლად განკუთვნილი გაუმჭვირვალე ყუთების ჭრილებს.


კენჭისყრის დასრულებისთანავე, კომისიის მდივანს ჩანაწერთა წიგნის 26-ე, 27-ე გვერდებზე შეაქვს ხმების დათვლის დროს კენჭისყრის შენობაში მყოფი კომისიის წევრების სახელი, გვარი (ამრჩევი/დამნიშნავი სუბიექტების და საკონტაქტო ტელეფონის ნომრის მითითებით), ასევე, კენჭისყრის შენობაში ყოფნის უფლების მქონე სხვა პირების სახელი, გვარი (წარმდგენი ორგანიზაციის ან საარჩევნო სუბიექტის და საკონტაქტო ტელეფონის ნომრის მითითებით). აღნიშნული პირების ჩანაწერთა წიგნში რეგისტრაციას ადასტურებენ ხელმოწერით.

ჩანაწერთა წიგნის შესაბამისი გვერდის ნიმუში

№ 112 საარჩევნო ოლქი		№112.07		საარჩევნო უბანი	
ხმების დათვლის დროს კენჭისყრის შენობაში მყოფ პირთა მონაცემები					
№	სახელი, გვარი	სტატუსი	წარმდგენის დასახელება	ტელეფონი	ხელმოწერა
1	ნინო ნინოშვილი	თავმჯდომარე	საოლქო საარჩევნო ყოძისია	551526936	ნ. ნინოშვილი
2	გიორგი გიორგაძე	მოადგილე	საოლქო საარჩევნო ყოძისია	558956321	გ. გიორგაძე
3	ლადო ლადიშვილი	მდივანი	საოლქო საარჩევნო ყოძისია	599896523	ლ. ლადიშვილი
4	ზაქარია ზაქარაიძე	ყოფილი წევრი	პოლიციის პარტია III	598784631	ზ. ზაქარაიძე
5	გიორგი ბერიძე	ადგილ. დამკვეთი	აიპ „მომავლის იმედი“	599814523	გ. ბერიძე
6	ნეკო ურუშაძე	საბუჯის წამყვანი	პოლიციის პარტია II	571120595	ნ. ურუშაძე

კენჭისყრის შენობის დაკეტვის შემდეგ, კენჭისყრის შენობაში ყოფნის უფლების მქონე პირებს ნებისმიერ დროს აქვთ კენჭისყრის შენობაში შესვლისა და შენობის დატოვების უფლება.

კენჭისყრის დასრულებისთანავე, საუბნო საარჩევნო კომისიის თავმჯდომარე და წევრები იწყებენ მზადებას კენჭისყრის შედეგების შეჯამებისთვის. ამ მიზნით თანმიმდევრულად ახორციელებენ შემდეგ პროცედურებს:




ვერიფიკაციის აპარატებში ვერიფიკაციის პროცესის დასრულება

კენჭისყრის პროცესის დასრულების შემდეგ საუბნო საარჩევნო კომისიის თავმჯდომარე:

- ✓ ინდივიდუალური კოდის/პაროლის გამოყენებით აპარატებში ხურავს ვერიფიკაციის პროცესს. ვერიფიკაციის პროცესის დახურვისთანავე აპარატებიდან ავტომატურ რეჟიმში იბეჭდება კენჭისყრაში/არჩევნებში მონაწილე ამომრჩეველთა საერთო რაოდენობის ამსახველი საბოლოო ქვითრები/ანგარიშები;
- ✓ კომისიის მდივანთან ერთად, ხელს აწერს ამომრჩეველთა საერთო რაოდენობის ამსახველ საბოლოო ქვითარს/ანგარიშს და შესაძლებლად გადასცემს კომისიის მდივანს.

საუბნო საარჩევნო კომისიის თავმჯდომარის მოადგილე, პროცესის პარალელურად, აკეთებს შესაბამის აღნიშვნებს ელექტრონული საშუალებების გამოყენებით ჩატარებული კენჭისყრის აუდიტის დადასტურების ფორმაში.


სქემაში N9. აპარატებში ვერიფიკაციის პროცესის დასრულების ეტაპების ილუსტრაცია



{ I }

ვერიფიკაციის პროცესის დასაბურავად კომისიის თავმჯდომარე აჭერს ღილაკს „მენიუში დაბრუნება“.


← მენიუში დაბრუნება



{ II }

მენიუში თავმჯდომარე აჭერს ღილაკს „ვერიფიკაციის დახურვა“.

ვერიფიკაციის დახურვა >



{ III }


თავმჯდომარე აჭერს ღილაკს „ვერიფიკაციის დახურვა“.

ვერიფიკაციის დახურვა



{ IV }

ვერიფიკაციის პროცესის დახურვის მიზნით კომისიის თავმჯდომარეს შეჰყავს ინდივიდუალური კოდი/პაროლი.



{v}

ვერიფიკაციის პროცესის დახურვისთანავე აპარატებიდან ავტომატურ რეჟიმში იბეჭდება საბოლოო ანგარიშები.

{vi}

კომისიის თავმჯდომარე ღილაკზე „გამორთეთ მოწყობილობა“ დაჭერით თიშავს აპარატებს.

კენჭისყრა დასრულებულია

გამორთეთ მოწყობილობა

გამორთეთ მოწყობილობა

საუბნო საარჩევნო კომისიის მდივანს კენჭისყრაში/არჩევნებში მონაწილე ამომრჩეველთა საერთო რაოდენობა შეაქვს სადემონსტრაციო ოქმში და კენჭისყრის დღის ჩანაწერთა წიგნში.

გადასატანი საარჩევნო ყუთის გახსნა

საარჩევნო უბნის დახურვის შემდეგ თავდაპირველად იხსნება გადასატანი საარჩევნო ყუთი. საუბნო საარჩევნო კომისიის თავმჯდომარე კომისიის წევრებისა და კენჭისყრის შენობაში ყოფნის უფლების მქონე პირთა თანდასწრებით ამოწმებს გადასატან საარჩევნო ყუთზე ლუქის მთლიანობას.

იმ შემთხვევაში, თუ გადასატან საარჩევნო ყუთზე ლუქის მთლიანობა დარღვეული აღმოჩნდა, მაგრამ კომისია მიიჩნევს, რომ ამას არ გამოუწვევია კანონის მოთხოვნათა დარღვევა, კომისიის განკარგულებით გრძელდება კენჭისყრის შედეგების შეჯამების პროცედურა (აღნიშნული ფაქტი დაუყოვნებლივ ეცნობება საოლქო საარჩევნო კომისიას). წინააღმდეგ შემთხვევაში გადასატანი საარჩევნო ყუთი ილუქება და კომისიის განკარგულებასთან ერთად დაუყოვნებლივ გადაეცემა საოლქო საარჩევნო კომისიას.

პროცესის პარალელურად, კომისიის თავმჯდომარე კენჭისყრის შენობაში ყოფნის უფლების მქონე პირებს განუმარტავს, რომ ხმის დათვლის სპეციალურ აპარატებში კენჭისყრის პროცესის დახურვისა და კენჭისყრის წინასწარი შედეგების შესახებ ინფორმაციის მიღების მიზნით, კომისია იწყებს გადასატან საარჩევნო ყუთში არსებული საარჩევნო ბიულეტენების, ხმის დათვლის სპეციალური ელექტრონული აპარატის მეშვეობით, ძირითად საარჩევნო ყუთებში მოთავსების პროცესს.

გადასატან საარჩევნო ყუთში არსებული საარჩევნო ბიულეტენების ძირითად საარჩევნო ყუთებში მოთავსების მიზნით, კომისიის თავმჯდომარე ან/და მის მიერ განსაზღვრული კომისიის წევრი გადასატან საარჩევნო ყუთში არსებული საარჩევნო ბიულეტენების ჩარჩო-კონვერტებს ხსნის ლითონის სამაგრებს და საარჩევნო ბიულეტენებს დადგენილი წესის შესაბამისად ათავსებს ხმის

დათვლის სპეციალურ ელექტრონულ აპარატში იმგვარად, რომ შეუძლებელი გახდეს ამომრჩევლის მიერ გაკეთებული არჩევანის დანახვა.

თუ გადასატან საარჩევნო ყუთში ყველა საარჩევნო ბიულეტენი სპეციალური ჩარჩო-კონვერტის გარეშე მოთავსებული აღმოჩნდა, ყველა საარჩევნო ბიულეტენი შეიკვრება პაკეტად, დაეწერება „ბათილია“ და საარჩევნო უბანში კენჭისყრისა და ხმების დათვლის პროცედურების დასრულების შემდეგ გადაეცემა ზემდგომ საოლქო საარჩევნო კომისიას.

იმ შემთხვევაში, თუ:

- ✓ გადასატანი საარჩევნო ყუთიდან ამოღებულ სპეციალურ ჩარჩო-კონვერტში აღმოჩნდება დადგენილ რაოდენობაზე მეტი საარჩევნო ბიულეტენი, ასეთი საარჩევნო ბიულეტენები დაიდება ცალკე, დაეწერება ბათილობის საფუძველი „მეტი ბიულეტენი“ და დამატება ძირითად საარჩევნო ყუთში აღმოჩენილი ბათილი საარჩევნო ბიულეტენების რაოდენობას.
- ✓ ხმის დათვლის სპეციალურ ელექტრონულ აპარატი უკან დააბრუნებს გადასატანი საარჩევნო ყუთიდან ამოღებულ საარჩევნო ბიულეტენს, შესაძლებელია მისი ხელმოწერა მოთავსება ხმის დათვლის იმავე ან სხვა ელექტრონულ აპარატში. საარჩევნო ბიულეტენის კვლავ დაბრუნების შემთხვევაში, საარჩევნო ბიულეტენი გადაიდება ცალკე იმგვარად, რომ შეუძლებელი გახდეს ამომრჩევლის მიერ გაკეთებული არჩევანის დანახვა და ზემდგომ შერევა ძირითადი საარჩევნო ყუთებიდან დათვლის მიზნებისთვის ამოღებულ საარჩევნო ბიულეტენებს.

ზემოაღნიშნული შემთხვევების გამოვლენისას, კომისიის მდივანი ადგენს აქტს ფაქტის მითითებით, რომელსაც კომისიის თავმჯდომარესთან ერთად ხელს აწერს კომისიის ყველა წევრი. კომისიის მდივანი, საუბნო საარჩევნო კომისიის მიერ შედგენილ აქტს ინახავს ჩანაწერთა წიგნში.

თუ გადასატან საარჩევნო ყუთში აღმოჩნდება სხვა საარჩევნო უბნისთვის განკუთვნილი ან დაუდგენელი ნიმუშის საარჩევნო ბიულეტენი, კომისიის თავმჯდომარე/საუბნო საარჩევნო კომისიის წევრი ასეთ საარჩევნო ბიულეტენს ცალკე გადადებს. სხვა უბნისთვის განკუთვნილი საარჩევნო ბიულეტენები მიიჩნევა ბათილად, ცალკე პაკეტად იკვრება, მათი რაოდენობა არ მიეთითება კენჭისყრის შედეგების შემაჯამებელ ოქმში და აღინიშნება მხოლოდ ჩანაწერთა წიგნში.

ინფორმაცია კენჭისყრის წინასწარი შედეგების შესახებ

გადასატან საარჩევნო ყუთში არსებული საარჩევნო ბიულეტენების ძირითად საარჩევნო ყუთში მოთავსების პროცედურის დასრულების შემდეგ, კომისიის თავმჯდომარე თანმიმდევრულად განახორციელებს:

- ✓ ხმის დათვლის სპეციალურ ელექტრონულ აპარატებში კენჭისყრის პროცესის დახურვას;
- ✓ აპარატებში კენჭისყრის წინასწარი შედეგების სინქრონიზაციას;
- ✓ ერთ-ერთ აპარატში შედეგების კონსოლიდაციას, რომლის დასრულებისთანავე აპარატიდან იბეჭდება კენჭისყრის წინასწარი შედეგების შესახებ ორი ამონაწერი.

მას შემდეგ რაც ამოიბეჭდება კენჭისყრის წინასწარი შედეგების ამონაწერი, კომისიის თავმჯდომარე იმავე ხმის დათვლის სპეციალურ ელექტრონულ აპარატში, საიდანაც ამოიბეჭდა

აღნიშნული ამონაწერი, ათავსებს მეხსიერების ბარათს, რომელზეც კონსოლიდირებული მონაცემების გადატანისთანავე გამორთავს ხმის დათვლის სპეციალურ ელექტრონულ აპარატს (დანარჩენ აპარატთან/აპარატებთან ერთად).

აპარატებში კენჭისყრის პროცესის დახურვის, შედეგების სინქრონიზაციის და კონსოლიდაციის ეტაპების ილუსტრაცია წარმოდგენილია სქემაში N10.

სპეციალური ელექტრონული აპარატიდან ამოიღებულ წინასწარი შედეგების შესახებ კონსოლიდირებულ ამონაწერებს კომისიის თავმჯდომარე კომისიის მდივანთან ერთად აწერს ხელს და ამოწმებს კომისიის ბეჭდით. ამონაწერის ერთი ეგზემპლარი შეინახება კომისიის მდივანთან, მეორე ეგზემპლარი გამოიკვრება საჯარო გაცნობისათვის. ამასთან, წინასწარი შედეგების შესახებ ამონაწერთან ერთად თვალსაჩინო ადგილზე უნდა გამოიკრას საუბნო საარჩევნო კომისიის მიერ შედგენილი იმ აქტის დამოწმებული ასლი (ასეთის არსებობის შემთხვევაში), რომელიც შედგა გადასატანი საარჩევნო ყუთიდან საარჩევნო ბიულეტენების ძირითად საარჩევნო ყუთში მოთავსების პროცესში გამოვლენილი გარემოებების გამო (აპარატმა უკან დააბრუნა გადასატანი საარჩევნო ყუთიდან ამოღებული საარჩევნო ბიულეტენი; გადასატანი საარჩევნო ყუთიდან ამოღებულ სპეციალურ ჩარჩო-კონვერტში აღმოჩნდა დადგენილ რაოდენობაზე მეტი საარჩევნო ბიულეტენი).

საუბნო საარჩევნო კომისიის თავმჯდომარის მოადგილე, პროცესის პარალელურად, აკეთებს შესაბამის აღნიშვნებს ელექტრონული საშუალებების გამოყენებით ჩატარებული კენჭისყრის აუდიტის დადასტურების ფორმაში.

თუ ხმის დათვლის სპეციალური ელექტრონული აპარატიდან არ ამოიბეჭდება წინასწარი შედეგების შესახებ ამონაწერი ან ამოიბეჭდება ტექნიკური წუნის მქონე ამონაწერი, ასეთ შემთხვევაში კომისიის თავმჯდომარემ ბეჭდვის ტექნიკური სერვისის უზრუნველსაყოფად უნდა მიმართოს ელექტრონული მოწყობილობების ტექნიკურ სპეციალისტს. რის შემდეგაც გრძელდება ხმების დათვლისა და კენჭისყრის შედეგების შემაჯამებელი ოქმის შედგენის პროცედურები.

სქემა N10. კენჭისყრის პროცესის დახურვის, შედეგების სინქრონიზაციის და კონსოლიდაციის ეტაპების ილუსტრაცია



{ 1 }

აპარატების კორპუსზე არსებულ ჭრილში კომისიის თავმჯდომარე სპეციალური გასადების მოთავსებით შედის პროგრამის სამართავ პანელში.





{ II }


აპარატებში იწყება სამართავი პანელის ჩატვირთვა, გრძელდება რამდენიმე წამი.



{ III }


კომისიის თავმჯდომარე კენჭისყრის პროცესის დახურვის მიზნით აპარატების ეკრანზე ირჩევს ღილაკს „თავმჯდომარე“.

თავმჯდომარე



{ IV }

კომისიის თავმჯდომარეს აპარატებში შეჰყავს ინდივიდუალური კოდი/პაროლი.



{ V }

კომისიის თავმჯდომარე აპარატების ეკრანზე ირჩევს „კენჭისყრის პროცესის დახურვა“ და დახურვის დასადასტურებლად განმეორებით შეჰყავს ინდივიდუალური კოდი/პაროლი.


კენჭისყრის პროცესის დახურვა >



{ VI }

კენჭისყრის პროცესის დახურვის დასრულებას კომისიის თავმჯდომარე ადასტურებს ღილაკზე „დასრულდა“ დაჭერით.


დასრულდა >



{ VII }


აპარატებს შორის მონაცემების მიმოცვლის მიზნით (მონაცემების დაჯამებისთვის - სინქრონიზაციისთვის) კომისიის თავმჯდომარე ირჩევს ღილაკს „შედეგების სინქრონიზაცია“.

შედეგების სინქრონიზაცია >




{VIII}

კომისიის თავმჯდომარეს აპარატებში შეჰყავს ინდივიდუალური კოდი/პაროლი.



{IX}


აპარატები ავტომატურ რეჟიმში ახორციელებენ სინქრონიზაციის პროცესს (მონაცემთა მიმოცვლას).



{X}


სინქრონიზაციის პროცესის დასრულების შემდგომ კომისიის თავმჯდომარე ახორციელებს შედეგების კონსოლიდაციას.

შედეგების კონსოლიდაცია >



{XI}

ეკრანზე გამოვა შეტყობინება, თუ რამდენი აპარატის მონაცემები არის კონსოლიდირებული. შემდეგ ორ ეგზემპლარად, ავტომატურ რეჟიმში, იბეჭდება კენჭისყრის წინასწარი შედეგების შესახებ ამონაწერი.



{XII}

წინასწარი შედეგების შესახებ ამონაწერის ამობეჭდვის შემდეგ, კომისიის თავმჯდომარე ხმის დათვლის იმ აპარატის შესაბამის განყოფილებაში, საიდანაც ამოიბეჭდა კონსოლიდირებული ანგარიში, აერთებს გარე მეხსიერების ბარათს, რომელზეც ავტომატურ რეჟიმში იწერება შედეგების კონსოლიდირებული მონაცემები.



{XIII}

შედეგების გარე მეხსიერების ბარათზე გადაწერის შემდეგ, კომისიის თავმჯდომარე აჭერს ღილაკზე „გამორთვა“.

გამორთვა >



{XIV}

კომისიის თავმჯდომარე ღილაკზე „დიახ“ დაჭერით თიშავს აპარატებს.




საუბნო საარჩევნო კომისიის თავმჯდომარე პლანშეტის მეშვეობით კენჭისყრის წინასწარი შედეგების შესახებ მონაცემებს უგზავნის ცესკოს. ამ მიზნით პლანშეტთან აკავშირებს მეხსიერების ბარათს, რომელზეც გადატანილია კენჭისყრის წინასწარი შედეგების შესახებ კონსოლიდირებული მონაცემები.

თუ საარჩევნო უბანზე არ არის მობილური კავშირგაბმულობისა და ინტერნეტის უწყვეტი კავშირი, ასეთ შემთხვევაში, კომისიის თავმჯდომარემ, პლანშეტში ჩატვირთული აპლიკაციის მეშვეობით, კენჭისყრის წინასწარი შედეგების შესახებ მონაცემები შეიძლება ცესკოს გადაუგზავნოს კენჭისყრის შენობის გარე პერიმეტრიდან.

თუ დაფიქსირდა პლანშეტის ტექნიკური ხარვეზი (პრობლემა შეექმნა წინასწარი შედეგების გადმოცემის აპლიკაციას ან სხვა) და ვერ მოხერხდა ხარვეზის გამოსწორება, ასეთ შემთხვევაში, წინასწარი შედეგების შესახებ კონსოლიდირებულ ამონაწერის ფოტოსურათი იგზავნება კომისიის თავმჯდომარის მიერ განსაზღვრული პირის ხელთ არსებული სხვა ტექნიკური საშუალებით (მაგ: სმარტფონი) საოლქო საარჩევნო კომისიის მიერ წინასწარ განსაზღვრულ პირთან ან ცესკოს შესაბამის უფლებამოსილ პირთან.

სქემა N11. კენჭისყრის წინასწარი შედეგების შესახებ მონაცემების
ცესკოსთვის გადაგზავნის პროცესის ილუსტრაცია



{ I }

ღილაკზე დაჭერით კომისიის თავმჯდომარე ააქტიურებს პლანშეტში ჩატვირთულ პროგრამას.




{ II }

პლანშეტში იწყება პროგრამის ჩატვირთვა, გრძელდება რამდენიმე წამი.



{III}

კომისიის თავმჯდომარეს შეჰყავს სპეციალური, ინდივიდუალური კოდი/პაროლი და ამით ადასტურებს პროცესის დაწყებას.



{IV}

კომისიის თავმჯდომარე აჭერს ღილაკს „გადაცემის დაწყება“.

გადაცემის დაწყება



{V}


კომისიის თავმჯდომარე მეხსიერების ბარათს აკავშირებს პლანშეტთან და ღილაკზე „გადაცემა“ დაჭერით იწყებს მონაცემების გადაგზავნას.

გადაცემა



{VI}

წინასწარი კონსოლიდირებული შედეგების გადაცემის პროცესი, გრძელდება რამდენიმე წამი.



{VI}

კომისიის თავმჯდომარე ღილაკზე „დასრულება“ დაჭერით, პლანშეტში ასრულებს შედეგების გადაცემის პროცესს.

დასრულება

საარჩევნო უბნის მომზადება ხმების დათვლის პროცედურისთვის

საუბნო საარჩევნო კომისიის თავმჯდომარე ხმების დათვლის პროცედურისთვის ამზადებს კენჭისყრის ოთახს. კენჭისყრის შენობაში ყოფნის უფლების მქონე პირთა თანდასწრებით, საუბნო საარჩევნო კომისიის თავმჯდომარე კომისიის წევრთაგან წილისყრით შეარჩევს არანაკლებ ოთხ მთვლელს.

კომისიის წევრთა შორის ფუნქციების წილისყრით განაწილების პროცედურა:

- ✓ კომისიის თავმჯდომარე წილისყრაში მონაწილე კომისიის წევრების რაოდენობის გათვალისწინებით ამზადებს ერთნაირ ფურცლებს. აქედან შესაბამისი რაოდენობის ფურცელზე, ერთი და იმავე საწერი საშუალებით, აღნიშნავს გასანაწილებელი ფუნქციის დასახელებას: „პირველი მთვლეელი“, „მეორე მთვლეელი“, „მესამე მთვლეელი“, „მეოთხე მთვლეელი“.
- ✓ კომისიის თავმჯდომარე ხელმოწერით და კომისიის სპეციალური ბეჭდით ამოწმებს წილისყრის ყველა ფურცელს, კეცავს იმგვარად, რომ შეუძლებელი იყოს ტექსტის წაკითხვა და ათავსებს მაგიდაზე.
- ✓ წილისყრაში მონაწილე კომისიის წევრები სათითაოდ იღებენ წილისყრის ფურცლებს.

კომისიის მდივანს კომისიის წევრთა შორის ფუნქციების განაწილების შედეგები შეაქვს ჩანაწერთა წიგნის მე-3 გვერდზე.

საუბნო საარჩევნო კომისიის თავმჯდომარე, საარჩევნო უბანზე მყოფი საარჩევნო სუბიექტების წარმომადგენლებისაგან წილისყრით გამოავლენს არაუმეტეს ორ წარმომადგენელს, რომლებიც კომისიის წევრთაგან წილისყრით გამოვლენილ მთვლელებთან ერთად მონაწილეობენ ნამდვილი ან/და ბათილი საარჩევნო ბიულეტენების დათვლის პროცესში. წილისყრაში არ მონაწილეობენ იმ საარჩევნო სუბიექტების წარმომადგენლები, რომელთა მიერ დანიშნული კომისიის წევრებიც არიან წილისყრით გამოვლენილი მთვლელები.

დამკვირვებლები თავიანთი შემადგენლობიდან ურთიერთშეთანხმებით შეარჩევენ არაუმეტეს ორ მეთვალყურეს. თუ დამკვირვებლები ვერ შეთანხმდებიან, მათგან ორ მეთვალყურეს წილისყრით გამოავლენს კომისიის თავმჯდომარე.

კომისიის მდივანს, ჩანაწერთა წიგნის მე-3 გვერდზე ასევე შეაქვს ნამდვილი ან/და ბათილი საარჩევნო ბიულეტენების დათვლის პროცესში მონაწილე წარმომადგენლებისა და დამკვირვებლებისგან გამოვლენილი მეთვალყურეების მონაცემები.

ჩანაწერთა წიგნის შესაბამისი გვერდის ნიმუში

ხმების დათვლის პროცედურისთვის საუბნო საარჩევნო კომისიის წევრთა შორის წილისყრით ფუნქციათა განაწილების შედეგები			
№	კომისიის წევრის ფუნქცია	კომისიის წევრის სახელი, გვარი	კომისიის წევრის ხელმოწერა
1.	I მთვლეელი	ინა ინაძეილი	ი. ინაძეილი
2.	II მთვლეელი	ლალი ლალიაძეილი	ლ. ლალიაძეილი
3.	III მთვლეელი	დავით დავითაძე	დ. დავითაძე
4.	IV მთვლეელი	ნიკოლოზ ნიკაძეილი	ნ. ნიკაძეილი
ფუნქცია		სახელი, გვარი	
ნამდვილი ან/და ბათილი საარჩევნო ბიულეტენების დათვლის პროცესში მონაწილე 2 წარმომადგენელი		კარლო ყაჩანაძე	
		დავით დეკლარიანი	
2 მეთვალყურე, რომელიც აკვირდება დათვლის მთელ პროცედურას		გიორგი ჭიჭიძე	
		ნიკოლოზ გელაძეილი	

მთვლელები ხმის დათვლისთვის განკუთვნილ მაგიდასთან ადგილს ისე იკავებენ, რომ მოპირდაპირე მხარეს, ორი მეტრის დაშორებით იმყოფებოდნენ საუბნო საარჩევნო კომისიის წევრები და კენჭისყრის შენობაში ყოფნის უფლების მქონე პირები (მათ უნდა შეძლონ საარჩევნო ბიულეტენების დახარისხების და დათვლის პროცესის დანახვა).

მთვლელების გვერდით დგებიან დამკვირვებელთაგან გამოვლენილი მეთვალყურეები და საარჩევნო სუბიექტების წარმომადგენლებისგან გამოვლენილი პირები.

კომისიის თავმჯდომარე ადგილს იკავებს იმგვარად, რომ შეძლოს ყველა მთვლელის დანახვა.

კომისიის თავმჯდომარემ მთვლელების მაგიდასთან უნდა მიიტანოს:

- ✓ გადასატანი საარჩევნო ყუთის სია (ასეთის არსებობის შემთხვევაში);
- ✓ გაფუჭებული საარჩევნო ბიულეტენები;
- ✓ რეგისტრატორებთან არსებული გამოუყენებელი საარჩევნო ბიულეტენები;
- ✓ ძირითადი საარჩევნო ყუთები.

ძირითადი საარჩევნო ყუთის გახსნამდე, კომისიის მდივანი, დალუქვის მიზნით, ცალ-ცალკე პაკეტებში ათავსებს:

- ✓ გადასატანი საარჩევნო ყუთის სიას (ასეთის არსებობის შემთხვევაში);
- ✓ გაფუჭებულ საარჩევნო ბიულეტენებს;
- ✓ რეგისტრატორებთან არსებულ გამოუყენებელ საარჩევნო ბიულეტენებს (პაკეტში მოთავსებამდე კომისიის მდივანი აღნიშნულ საარჩევნო ბიულეტენებს აჭრის კუთხეს).

კომისიის მდივანი თითოეულ პაკეტზე უთითებს საარჩევნო ოლქის დასახელებას და ნომერს, საარჩევნო უბნის დასახელებას და ნომერს, საარჩევნო დოკუმენტაციის სახეს. დალუქულ პაკეტებს, დალუქვის ზოლზე ხელს აწერენ მთვლელები და კომისიის თავმჯდომარე.

გადასატანი საარჩევნო ყუთის სიის და გამოუყენებელი/გაფუჭებული საარჩევნო ბიულეტენების დალუქვის შემდეგ, კომისიის მდივანი აღრიცხავს იმ შემთხვევების რაოდენობას, რომლებიც ეხება ამომრჩევლის სახისა და წარდგენილ დოკუმენტში/ამომრჩეველთა სიაში არსებული ფოტოსურათის ერთმანეთთან შეუსაბამობას, აგრეთვე ჩანაწერთა წიგნისთვის დართული დოკუმენტების რაოდენობას (მონაცემები შეაქვს ჩანაწერთა წიგნში). კომისიის მდივანი ლუქავს აღნიშნულ დოკუმენტებს, დალუქულ პაკეტზე უთითებს საარჩევნო უბნის დასახელებას, ნომერს, დოკუმენტების სახეობას და აწერს ხელს.

ძირითადი საარჩევნო ყუთების გახსნა, საარჩევნო ბიულეტენების დათვლა/დალუქვა

საუბნო საარჩევნო კომისიის თავმჯდომარე კომისიის წევრებისა და კენჭისყრის შენობაში ყოფნის უფლების მქონე პირთა თანდასწრებით ამოწმებს ძირითადი საარჩევნო ყუთების ლუქების მთლიანობას და ხსნის ძირითად საარჩევნო ყუთებს.

თუ საარჩევნო ყუთზე ლუქის მთლიანობა დარღვეული აღმოჩნდა, მაგრამ კომისია მიიჩნევს, რომ ამას არ გამოუწვევია კანონის მოთხოვნათა დარღვევა, კომისიის განკარგულებით გრძელდება კენჭისყრის შედეგების შეჯამების პროცედურა (აღნიშნული ფაქტი დაუყოვნებლივ ეცნობება საოლქო საარჩევნო კომისიას). წინააღმდეგ შემთხვევაში საარჩევნო ყუთი ილუქება და კომისიის განკარგულებასთან ერთად დაუყოვნებლივ გადაეცემა ზემდგომ საოლქო საარჩევნო კომისიას.

მთვლელები ერთმანეთში ურევნ ძირითად საარჩევნო ყუთებიდან გადმოყრილ საარჩევნო ბიულეტენებს და იწყებენ საარჩევნო ბიულეტენების დახარისხება/დათვლის პროცესს.

საარჩევნო ბიულეტენების დახარისხების და დათვლის მიზნით, პირველი მთვლეელი იღებს საარჩევნო ბიულეტენს, აცხადებს ვისთვისაა მიცემული ხმა, საარჩევნო ბიულეტენს საარჩევნო სუბიექტების მიხედვით გადასცემს მეორე და მესამე მთვლელს, ხოლო მეოთხე მთვლელს გადასცემს ბათილ საარჩევნო ბიულეტენებს (ასეთის არსებობის შემთხვევაში).

მთვლელები ნამდვილ ან/და ბათილ საარჩევნო ბიულეტენებს ახარისხებენ კანონმდებლობით დადგენილი საფუძვლების გათვალისწინებით, რომლის თანახმად:

- ✓ ნამდვილია დადგენილი ნიმუშის მხოლოდ ის საარჩევნო ბიულეტენი, რომელზედაც სპეციალური მარკერით გაფერადებულია/მონიშნულია მხოლოდ ერთი საარჩევნო სუბიექტის სახელწოდების წინ არსებული წრე (წრის შიდა სივრცე), მიუხედავად ბიულეტენში ნებისმიერი სხვა სახის აღნიშვნის/წარწერის არსებობისა;
- ✓ დადგენილი ნიმუშის საარჩევნო ბიულეტენი ბათილად მიიჩნევა, თუ გაფერადებულია ან/და მონიშნულია ერთზე მეტი სუბიექტის წინ არსებული შესაბამისი წრე (წრის შიდა სივრცე); არ არის გაფერადებული ან/და მონიშნული არცერთი სუბიექტის წინ არსებული შესაბამისი წრე (წრის შიდა სივრცე).

საარჩევნო ბიულეტენების დახარისხების შემდეგ, კომისიის თავმჯდომარე მთვლელებს მიუთითებს, დაითვალონ საარჩევნო სუბიექტების კუთვნილი საარჩევნო ბიულეტენები/ხმები და ბათილი საარჩევნო ბიულეტენები (ასეთი არსებობისას). კომისიის თავმჯდომარე აცხადებს თითოეული საარჩევნო სუბიექტის მიერ მიღებული ხმების რაოდენობას. კომისიის მდივანს დათვლილი მონაცემები შეაქვს კენჭისყრის შედეგების სადემონსტრაციო ოქმში და ჩანაწერთა წიგნში.

სადემონსტრაციო ოქმში და ჩანაწერთა წიგნში მონაცემების შეტანამდე, კომისიის თავმჯდომარე კომისიის მდივანთან ერთად ამოწმებს დათვლილი მონაცემების სისწორეს: იმ შემთხვევაში, თუ საარჩევნო სუბიექტების მიერ მიღებული ხმების და ბათილი საარჩევნო ბიულეტენების რაოდენობის ჯამი მეტია კენჭისყრაში/არჩევნებში მონაწილე ამომრჩეველთა რაოდენობაზე, კომისიის თავმჯდომარე მთვლელებს მიუთითებს ხელახლა გადაითვალონ მონაცემები.

საარჩევნო ბიულეტენების დათვლის შემდეგ, კომისიის თავმჯდომარე მთვლელებს მიუთითებს, ცალ-ცალკე პაკეტებად დალუქონ:

- ✓ ბათილი საარჩევნო ბიულეტენები;
- ✓ სხვა საარჩევნო უბნისთვის განკუთვნილი ბათილი საარჩევნო ბიულეტენები (ასეთის არსებობის შემთხვევაში). სხვა საარჩევნო უბნისათვის განკუთვნილი ბათილი საარჩევნო ბიულეტენების რაოდენობა აღინიშნება მხოლოდ ჩანაწერთა წიგნში;
- ✓ საარჩევნო სუბიექტების კუთვნილი საარჩევნო ბიულეტენების დასტები.

თითოეულ კონვერტში/პაკეტში ილუქება მხოლოდ ერთი სახის საარჩევნო დოკუმენტაცია.

თითოეული საარჩევნო სუბიექტის კუთვნილი საარჩევნო ბიულეტენების პაკეტზე უნდა დაეწეროს საოლქო და საუბნო საარჩევნო კომისიების დასახელება და ნომერი, სუბიექტის მონაცემები (დასახელება) და მის მიერ მიღებული ხმების რაოდენობა, აგრეთვე ამ პაკეტში ჩადებული საარჩევნო ბიულეტენების რაოდენობა.

ბათილი საარჩევნო ბიულეტენების პაკეტზე უნდა დაეწეროს საოლქო და საუბნო საარჩევნო კომისიების დასახელება და ნომერი, საარჩევნო ბიულეტენების სახე (ბათილი) და რაოდენობა.

დალუქულ პაკეტებს ხელს აწერენ მთვლელები და კომისიის თავმჯდომარე. აღნიშნული მოთხოვნების შეუსრულებლობისთვის პასუხისმგებლობა ეკისრება საუბნო საარჩევნო კომისიის თავმჯდომარეს.

კენჭისყრის შედეგების შემაჯამებელი ოქმის შედგენა

საარჩევნო უბნის კენჭისყრის შედეგები დასტურდება მხოლოდ საარჩევნო კოდექსით დადგენილი წესის შესაბამისად შედგენილი საუბნო საარჩევნო კომისიის კენჭისყრის შედეგების შემაჯამებელი ოქმით.

საუბნო საარჩევნო კომისიის კენჭისყრის შედეგების შემაჯამებელი ოქმი დაბეჭდილია დამცავი ნიშნების მქონე ქაღალდზე, ოქმს მინიჭებული აქვს ინდივიდუალური ნომერი. საუბნო საარჩევნო კომისიის კენჭისყრის შედეგების შემაჯამებელ ოქმში ბეჭდური ფორმით ასახულია შემდეგი ინფორმაცია:

- ✓ არჩევნების დასახელება და კენჭისყრის თარიღი;
- ✓ საარჩევნო ოლქის ნომერი და დასახელება;
- ✓ საარჩევნო უბნის ნომერი;
- ✓ №1 გრაფაში – ამომრჩეველთა ერთიან სიაში ამომრჩეველთა რაოდენობა;
- ✓ №2 გრაფაში – მიღებული საარჩევნო ბიულეტენების რაოდენობა;
- ✓ საარჩევნო სუბიექტების დასახელება (რიგითი ნომრების მითითებით);
- ✓ ოქმის შედგენის წელი და თვე.

ხმის დათვლის პროცესის დასრულების შემდეგ, კომისიის მდივანი კომისიის თავმჯდომარესთან შეთანხმებით ავსებს კენჭისყრის შედეგების შემაჯამებელ ოქმს და შეაქვს შემდეგი მონაცემები:

- ✓ №3 გრაფაში – ამომრჩეველთა სპეციალურ სიაში ამომრჩეველთა რაოდენობა;
- ✓ №4 გრაფაში – კენჭისყრაში/არჩევნებში მონაწილე ამომრჩეველთა რაოდენობა 12 საათსა და 17 საათზე;
- ✓ №5 გრაფაში – კენჭისყრაში/არჩევნებში მონაწილე ამომრჩეველთა საერთო რაოდენობა;
- ✓ №6 გრაფაში – ბათილად მიჩნეული საარჩევნო ბიულეტენების რაოდენობა;
- ✓ საარჩევნო სუბიექტებისთვის მიცემულ ხმათა რაოდენობა.

№3, №4, №5, №6 გრაფებში, ასევე სუბიექტებისთვის მიცემულ ხმათა რაოდენობის გრაფებში მოცემულ ოთხ დანაყოფიანი უჯრებიდან მეოთხე (ბოლო) უჯრაში მდივანმა უნდა შეიტანოს ერთეულების თანრიგის ციფრი, მესამე უჯრაში – ათეულების თანრიგის ციფრი, მეორე უჯრაში – ასეულების თანრიგის ციფრი, პირველ უჯრაში – ათასეულების თანრიგის ციფრი;

იმ შემთხვევაში, თუ შესაბამისი მონაცემების გრაფაში დარჩება ცარიელი უჯრა/უჯრები, სავალდებულოა კომისიის მდივანმა ცარიელ უჯრაში/უჯრებში შეიტანოს სიმბოლო „X“.

კენჭისყრის შედეგების შემაჯამებელი ოქმის შევსების ნიმუში

5	არჩევნებში მონაწილე ამომრჩეველთა საერთო რაოდენობა	1	2	3	6
	ერთეულების თანრიგის ციფრი				
	ათეულების თანრიგის ციფრი				
	ასეულების თანრიგის ციფრი				
	ათასეულების თანრიგის ციფრი				

6	ბათილად მიჩნეული საარჩევნო ბიულეტენების რაოდენობა (სხვა უზნისთვის განკუთვნილი ბათილი საარჩევნო ბიულეტენების რაოდენობა არ ემატება)	X	X	X	4
	შეაქვს სიმბოლო „X“				

საუბნო საარჩევნო კომისიის ყველა წევრი ვალდებულია ხელი მოაწეროს კენჭისყრის შედეგების შემაჯამებელ ოქმს, რითაც დასტურდება მათი ყოფნა საარჩევნო უბანში. თუ საუბნო საარჩევნო კომისიის წევრი არ ეთანხმება საუბნო საარჩევნო კომისიის კენჭისყრის შედეგების შემაჯამებელ ოქმში შეტანილ მონაცემებს, მას უფლება აქვს, ოქმს წერილობით დაურთოს განსხვავებული აზრი (კენჭისყრის შედეგების შემაჯამებელ ოქმში სპეციალურად განკუთვნილ გრაფაში აღინიშნება მონაცემი, რომელსაც არ ეთანხმება კომისიის წევრი, რასაც ადასტურებს ხელმოწერით). განსხვავებული აზრის გამოთქმის შემთხვევაშიც საუბნო საარჩევნო კომისიის წევრი ვალდებულია ხელი მოაწეროს კენჭისყრის შედეგების შემაჯამებელ ოქმს, კომისიის წევრის ხელმოწერისათვის განკუთვნილ სათანადო გრაფაში.

საუბნო საარჩევნო კომისიის მიერ შედგენილი კენჭისყრის შედეგების შემაჯამებელი ოქმი იურიდიული ძალის მქონეა, თუ მას ხელი მოაწერა საუბნო საარჩევნო კომისიის წევრთა უმრავლესობამ.

კენჭისყრის შედეგების შემაჯამებელ ოქმში ასევე უნდა აღინიშნოს მისი შედგენის თარიღი და დრო (საათი და წუთი).

ნიმუში კენჭისყრის შედეგების შემაჯამებელი ოქმიდან

შედგენის თარიღი - "03" 10 2026 წ., დრო: 22 საათი 35 წუთი,



კენჭისყრის შედეგების შემაჯამებელი ოქმი მოწმდება საუბნო საარჩევნო კომისიის სპეციალური ბეჭდით. კომისიის მდივანი კენჭისყრის შედეგების შემაჯამებელ ოქმს რეგისტრაციაში ატარებს სარეგისტრაციო ჟურნალის გასული დოკუმენტაციის ნაწილში.

აკრძალულია კენჭისყრის შედეგების შემაჯამებელ ოქმში შეტანილი მონაცემების გადასწორება.

თუ კენჭისყრის შედეგების შემაჯამებელი ოქმის №3, №4, №5, №6 გრაფებში, ასევე კანდიდატებისთვის მიცემულ ხმათა რაოდენობის გრაფებში მონაცემების შეტანისას შეცდომა

იქნა დაშვებული, შეცდომის გამოსასწორებლად კენჭისყრის შედეგების შემაჯამებელ ოქმში შესაბამისი მონაცემის გასწვრივ კეთდება ჩანაწერი „შესწორებულია“ და დგება შესწორების ოქმი.

კომისიის მდივანი შესწორების ოქმს ადგენს კომისიის თავმჯდომარესთან შეთანხმებით, რომელშიც შეაქვს შემდეგი მონაცემები:

- ✓ საარჩევნო ოლქის ნომერი და დასახელება;
- ✓ საარჩევნო უბნის ნომერი;
- ✓ კენჭისყრის შედეგების შემაჯამებელი ოქმის შესაბამისი გრაფის ნომერი, რომელშიც შედის შესწორება; რიცხვი, რომელიც უნდა გასწორდეს ამ გრაფაში და ის რიცხვი, რომელიც უნდა ეწეროს მის ნაცვლად;
- ✓ საარჩევნო სუბიექტის დასახელება, რომლის გასწვრივ მონაცემებში შედის შესწორება;
- ✓ რიცხვი, რომელიც უნდა გასწორდეს ამ გრაფაში და ის რიცხვი, რომელიც უნდა ეწეროს მის ნაცვლად.

კენჭისყრის შედეგების შემაჯამებელი ოქმის და შესწორების ოქმის ნიმუში

ფორმა №1-10.15 განა. №13/2026

0001 მიმწოდებელი
კომპანია

№112 საარჩევნო ოლქი №07 საარჩევნო უბანი ☐ ელექტრონული ტერმინალი

1	ერთიან სიაში ამომრჩეველთა რაოდენობა	2	7	0	0
2	მიღებული საარჩევნო ბიულეტენების რაოდენობა	2	7	0	0
3	სპეციალურ სიაში ამომრჩეველთა რაოდენობა	x	x	4	2
4	არჩევნები მონაწილე ამომრჩეველთა რაოდენობა ველთა სახის ამომრჩეველთა სიაში ა) 12:00 საათისთვის ბ) 17:00 საათისთვის	x	x	6	7
5	არჩევნები მონაწილე ამომრჩეველთა საერთო რაოდენობა	1	6	6	1

მომხმარებელი

პაროლი

111	კანდიდატი	x	2	7	5
112	კანდიდატი	x	2	7	5
113	კანდიდატი	x	2	7	6
114	კანდიდატი	x	2	7	6
115	კანდიდატი	x	2	7	6
116	კანდიდატი	x	2	7	6

6	ბათილად მიჩნეული საარჩევნო ბიულეტენების რაოდენობა (მაგ. უკმარისად განსაზღვრული ბათილი საარჩევნო ბიულეტენების რაოდენობა ან უკმარისად)	x	x	x	7
---	--	---	---	---	---

თავმჯდომარე კეთილპატივსაცემი ა. კეთილპატივსაცემი თავმჯდომარის მოადგილე ნინო იაქაძე / ნ. იაქაძე

მიღებანი საბიუჯეტო იაქაძე / ს. იაქაძე

მედიკოსი / მ. მელიქიძე

ფინანს. მსახურის / ფ. მელიქიძე

კანცლარი / კ. მელიქიძე

საგანმართო / ს. მელიქიძე

პედაგოგი / პ. მელიქიძე

კანცლარი / კ. მელიქიძე

საგანმართო / ს. მელიქიძე

საგანმართო / ს. მელიქიძე

საბიუჯეტო / ს. მელიქიძე

საგანმართო / ს. მელიქიძე

საგანმართო / ს. მელიქიძე

საგანმართო / ს. მელიქიძე

შედეგის თარიღი - 03 - 10 2026 წ. დრო: 22 საათი 35 წუთი.

N	ოქმის მიწვევების გრაფიკი, რომელსაც არ ეთანხმება კომისიის წევრი	კომისიის წევრის სახელი და გვარი	კომისიის წევრის ხელმოწერა

ფორმ. №1-1.40.10, გ.წ. №13/2026

№ 112 საარჩევნო ოლქი № 07 საარჩევნო უბანი

საქართველოში: ☐ პროპორციული ☒ მაჟორიტარული ☐ მერი

საუბნო საარჩევნო კომისიის ვენკიზერის შედეგების შეხვედრებულ ოქმის

შესწორების ოქმი

საქართველოს ორგანული კანონის საქართველოს საარჩევნო კოდექსი¹ 82-ე მუხლის მე-4 პუნქტის თანახმად, საუბნო საარჩევნო კომისიის ვენკიზერის შედეგების შეხვედრებულ ოქმში შეტანილი შეცდგები შემწივრები:

გზავა	წვედელ რაღებულა	უნდა იქნეს რაღებუა
1	ერთიან საბამე ამომრჩეველი რაღებულა	
2	მიღებული საარჩევნო ბიულეტენების რაღებულა	
3	სხეილურ საბამე ამომრჩეველი რაღებულა	42
4ა	არჩეველ მონათელ ამომრჩეველი რაღებულა დელი სახის ამომრჩეველი საბამე 12:00 საათისთვის	40
4ბ	არჩეველ მონათელ ამომრჩეველი რაღებულა დელი სახის ამომრჩეველი საბამე 17:00 საათისთვის	
5	არჩეველ მონათელ ამომრჩეველი საერთო რაღებულა	
6	ბათილად მიწნეული საარჩევნო ბიულეტენების რაღებულა	

შესწორების ოქმი

თავმჯდომარე ა. კორძაია / გიორგი კორძაია / მ. იაშვი / მინია იაშვი /
(სახელი, გვარი) (სახელი, გვარი) (სახელი, გვარი) (სახელი, გვარი)

მდივანი ს. იაშვი / საბნოს იაშვი / ს. იაშვი / ს. იაშვი /
(სახელი, გვარი) (სახელი, გვარი) (სახელი, გვარი) (სახელი, გვარი)

წევრები: მ. იაშვი / მ. იაშვი / ს. იაშვი / ს. იაშვი /
(სახელი, გვარი) (სახელი, გვარი) (სახელი, გვარი) (სახელი, გვარი)

კორძაია იაშვი / კ. იაშვი / კორძაია იაშვი / კ. იაშვი / საბა იაშვი / ს. იაშვი /
(სახელი, გვარი) (სახელი, გვარი) (სახელი, გვარი) (სახელი, გვარი) (სახელი, გვარი) (სახელი, გვარი)

იანა იაშვი / ი. იაშვი / იანა იაშვი / ი. იაშვი / იანა იაშვი / ი. იაშვი /
(სახელი, გვარი) (სახელი, გვარი) (სახელი, გვარი) (სახელი, გვარი) (სახელი, გვარი) (სახელი, გვარი)

კო მორიელი / კ. მორიელი / კო მორიელი / კ. მორიელი / მინია მორიელი / მ. მორიელი /
(სახელი, გვარი) (სახელი, გვარი) (სახელი, გვარი) (სახელი, გვარი) (სახელი, გვარი) (სახელი, გვარი)

20.26 წლის 03. თებერვალი, 22 სთ. 55 წთ.



საარჩევნო კომისიის ყველა დამსწრე წევრი ვალდებულია ხელი მოაწეროს შესწორების ოქმს. შესწორების ოქმს დაესმება საარჩევნო კომისიის სპეციალური ბეჭედი. კომისიის მდივანი შესწორების ოქმს რეგისტრაციაში ატარებს სარეგისტრაციო ჟურნალის გასული დოკუმენტაციის ნაწილში და კენჭისყრის დღის ჩანაწერთა წიგნში. შესწორების ოქმი დაერთვება შესაბამის კენჭისყრის შედეგების შემაჯამებელ ოქმს.

საუბნო საარჩევნო კომისიის სპეციალური ბეჭდის დალუქვისა და მასზე კომისიის ყველა წევრის მიერ ხელის მოწერის შემდეგ აკრძალულია კენჭისყრის შედეგების შემაჯამებელი ოქმის შესწორების ოქმის შედგენა.

თუ კენჭისყრის შედეგების შემაჯამებელი ოქმის შევსებისას დაშვებულ იქნა შეცდომა კენჭისყრის შედეგების შემაჯამებელი ოქმის შედგენის თარიღის/დროის შეტანისას, ან არ მოხდა კენჭისყრის შედეგების შემაჯამებელი ოქმის დამოწმება კომისიის სპეციალური ბეჭდით და ასეთი ფორმით გაიცა ფოტოასლი, კომისიის მდივანმა უნდა დაწეროს ახსნა-განმარტება.

კენჭისყრის შედეგების შემაჯამებელი ოქმის საჯაროობა

საუბნო საარჩევნო კომისია ვალდებულია კენჭისყრის შედეგების შემაჯამებელი ოქმის ფოტოასლი დაუყოვნებლივ, ოქმის შევსებისთანავე თავის ხელთ არსებული ტექნიკური საშუალებით (პლანშეტით) გადაუგზავნოს ცესკოს. ამ მიზნით საუბნო საარჩევნო კომისიის თავმჯდომარე პლანშეტში ჩატვირთული აპლიკაციის გამოყენებით, გადაიღებს და ცესკოში გადააგზავნის კენჭისყრის შედეგების შემაჯამებელი ოქმის ფოტოასლს.

თუ დაფიქსირდა პლანშეტის ტექნიკური ხარვეზი (პრობლემა შეექმნა ცესკოს აპლიკაციას, რომლის მეშვეობითაც იგზავნება საუბნო საარჩევნო კომისიის კენჭისყრის შედეგების შემაჯამებელი ოქმი) და ვერ მოხერხდა ხარვეზის გამოსწორება, კენჭისყრის შედეგების შემაჯამებელი ოქმი საუბნო საარჩევნო კომისიის უფლებამოსილი პირების მიერ სხვა საარჩევნო დოკუმენტაციასთან ერთად გადაეცემა საოლქო საარჩევნო კომისიას, რომელიც უზრუნველყოფს მის ატვირთვას ელექტრონული მართვის სისტემაში.


თუ საარჩევნო უბანზე არ არის მობილური კავშირგაბმულობისა და ინტერნეტის უწყვეტი კავშირი, ასეთ შემთხვევაში, კენჭისყრის შედეგების შემაჯამებელი ოქმის ასლი ცესკოს შეიძლება მიეწოდოს კენჭისყრის შენობის გარე პერიმეტრიდან, ან კენჭისყრის შედეგების შემაჯამებელი ოქმი საუბნო საარჩევნო კომისიის უფლებამოსილი პირების მიერ სხვა საარჩევნო დოკუმენტაციასთან ერთად გადაეცემა საოლქო საარჩევნო კომისიას, რომელიც უზრუნველყოფს მის ატვირთვას ელექტრონული მართვის სისტემაში.

პლანშეტის გამოყენებით ცესკოში ასევე იგზავნება შესწორების ოქმის (ასეთის არსებობის შემთხვევაში) ფოტოასლი, კომისიის წევრთა განსხვავებული აზრის დოკუმენტის (არსებობის შემთხვევაში) ფოტოასლი, შემაჯამებელ ოქმთან დაკავშირებული კომისიის წევრის/კომისიის მდივნის ახსნა-განმარტების (ასეთის არსებობის შემთხვევაში) ფოტოასლი, კომისიის მიერ შედგენილი აქტის ფოტოასლი, რომელიც შედგა გადასატანი საარჩევნო ყუთიდან საარჩევნო ბიულეტენების ძირითად საარჩევნო ყუთში მოთავსების პროცესში გამოვლენილი გარემოებების გამო (ასეთის არსებობისას).


სქემა N12. შემაჯამებელი ოქმის ფოტოასლის ცესკოსთვის გადაგზავნის პროცესის ეტაპების
ილუსტრაცია



[I] პროგრამის მენიუში კომისიის
თავმჯდომარე ირჩევს ღილაკს
„ოქმი“



[II] კომისიის თავმჯდომარე აჭერს
ღილაკს „ადგილობრივი
მაჟორიტარული“



[III] კომისიის თავმჯდომარე
აჭერს ფოტოაპარატის
ამსახველ ღილაკს



[IV] კომისიის თავმჯდომარე
აჭერს ღილაკს „გადამტკიცება“ და
აპარატის მეშვეობით იღებს
ოქმის ფოტოასლს



[V] კომისიის თავმჯდომარე
ოქმის ფოტოასლის
გაგზავნის მიზნით აჭერს
ღილაკს „გაგზავნა“

კომისია ვალდებულია კენჭისყრის შედეგების შემაჯამებელი ოქმის ფოტოასლი გამოაკრას
საჯარო გაცნობისათვის. საუბნო საარჩევნო კომისია კენჭისყრის შედეგების შემაჯამებელი ოქმის
და შესწორების ოქმის (არსებობის შემთხვევაში) ფოტოასლებს, კომისიის წევრთა თანდართული
წერილობითი განხილავებული აზრით (არსებობის შემთხვევაში), მოთხოვნის შემთხვევაში
დაუყოვნებლივ გადასცემს კენჭისყრის შენობაში ყოფნის უფლების მქონე ყველა პირს.

კენჭისყრის შედეგების შემაჯამებელი ოქმისა და დადგენილი წესით დამოწმებულ მის ფოტოასლს გააჩნიათ თანაბარი იურიდიული ძალა.

ჩანაწერთა წიგნის დახურვის ნიმუში

საარჩევნო დოკუმენტაციის, ელექტრონული აპარატებისა და სხვა ინვენტარის გადაბარება
საოლქო საარჩევნო კომისიისთვის

- ✓ ჩანაწერთა წიგნს და მასთან ერთად: განცხადებებს/საჩივრებს (ასეთის არსებობისას);
- ✓ საუბნო საარჩევნო კომისიის სპეციალურ ბეჭედს.

კენჭისყრის შედეგების შემაჯამებელი ოქმი და სარეგისტრაციო ჟურნალი არ ილუქება.

ჩანაწერთა წიგნის დალუქულ პაკეტს ხელს აწერენ კომისიის თავმჯდომარე და კომისიის მდივანი. კომისიის სპეციალური ბეჭდის დალუქულ პაკეტს ხელს აწერს კომისიის ყველა დამსწრე წევრი.

დალუქვის პროცედურის დასრულების შემდგომ, საუბნო საარჩევნო კომისიის თავმჯდომარეს/თავმჯდომარის მოადგილეს ან/და კომისიის მდივანს საოლქო საარჩევნო კომისიაში მიაქვს:

- ✓ კენჭისყრის შედეგების შემაჯამებელი ოქმი, შესწორების ოქმი (ასეთის არსებობის შემთხვევაში) და განსხვავებული აზრის ამსახველი დოკუმენტი (ასეთის არსებობის შემთხვევაში);
- ✓ სარეგისტრაციო ჟურნალი და მასთან ერთად:
 - საუბნო კომისიის წევრთა/კომისიის მდივნის წერილობითი ახსნა-განმარტებები (ასეთის არსებობის შემთხვევაში);
 - ამომრჩეველთა ვერიფიკაციის აპარატებიდან ამობეჭდილი საწყისი ანგარიშები და აპარატიდან ამობეჭდილი საბოლოო ანგარიში;
 - ხმის დათვლის სპეციალური ელექტრონული აპარატებიდან ამობეჭდილი „ნულოვანი ამონაწერები“ და აპარატიდან წინასწარი შედეგების შესახებ კონსოლიდირებული ამონაწერი;
- ✓ ჩანაწერთა წიგნის დალუქული პაკეტი;
- ✓ ელექტრონული საშუალებების გამოყენებით ჩატარებული კენჭისყრის აუდიტის დადასტურების შევსებული ფორმა.

თითოეული სახის საარჩევნო დოკუმენტაციის გადაცემისას დგება შესაბამისი მიღება-ჩაბარების აქტი/აქტები, რომელსაც ხელს აწერენ უფლებამოსილი პირები.

საუბნო საარჩევნო კომისიის თავმჯდომარემ/კომისიის თავმჯდომარის მოადგილემ და ელექტრონული მოწყობილობების ტექნიკურმა სპეციალისტმა, სხვა დანარჩენ დალუქულ დოკუმენტაციასთან ერთად, მიღება-ჩაბარების აქტის საფუძველზე, საოლქო საარჩევნო კომისიის საწყობში საოლქო საარჩევნო კომისიის უფლებამოსილ პირს უნდა გადასცეს:

- ✓ ამომრჩეველთა ვერიფიკაციის აპარატები, ხმის დათვლის სპეციალური ელექტრონული აპარატები, პლანშეტი;
- ✓ ვერიფიკაციის აპარატიდან/აპარატებიდან ამობეჭდილი ამომრჩეველების ვერიფიკაციის დამადასტურებელი ქვითრების განსათავსებლად განკუთვნილი დალუქული ყუთები.

მნიშვნელოვანია საარჩევნო ელექტრონული საშუალებების და დალუქული საარჩევნო დოკუმენტაციის უსაფრთხო ტრანსპორტირება.

კითხვები ცოდნის თვითშეფასებისთვის

1. როგორ მოქმედებს საუბნო საარჩევნო კომისია, თუ კენჭისყრის დასრულების დროისთვის (20:00 საათი) სახეზეა რიგში მდგომი ამომრჩეველები?
2. ვინ არის პასუხისმგებელი და რა პროცედურის დაცვით ხდება ამომრჩეველთა ვერიფიკაციის აპარატი ვერიფიკაციის პროცესის დასრულება?
3. რა მიზნით და რა პროცედურის დაცვით იხსნება გადასატანი საარჩევნო ყუთი?
4. რა ხდება იმ შემთხვევაში, თუ გადასატანი საარჩევნო ყუთიდან ამოღებულ სპეციალურ ჩარჩო-კონვერტში ერთზე მეტი საარჩევნო ბიულეტენი აღმოჩნდება?

5. რა ხდება იმ შემთხვევაში, თუ ხმის დათვლის სპეციალური ელექტრონული აპარატი უკან დააბრუნებს გადასატანი საარჩევნო ყუთიდან ამოღებულ საარჩევნო ბიულეტენს?
6. ვინ არის პასუხისმგებელი და რა პროცედურის დაცვით ხდება ხმის დათვლის სპეციალურ ელექტრონულ აპარატებში კენჭისყრის პროცესის დასრულება?
7. რა არის კონსოლიდირებული ამონაწერი და როგორ იგზავნება მასში მითითებული მონაცემები ცესკოში?
8. როგორ ავლენს საუბნო საარჩევნო კომისიის თავმჯდომარე მთვლელებს?
9. როგორ ავლენს საუბნო საარჩევნო კომისიის თავმჯდომარე საარჩევნო ბიულეტენების დათვლის პროცესში მონაწილეობის უფლების მქონე საარჩევნო სუბიექტების წარმომადგენლებს?
10. რა პროცედურის დაცვით ილუქება რეგისტრატორებთან არსებული გამოუყენებელი საარჩევნო ბიულეტენები?
11. რა ხდება იმ შემთხვევაში, თუ
 - ✓ გადასატან საარჩევნო ყუთზე ლუქის მთლიანობა დარღვეული აღმოჩნდა?
 - ✓ ძირითად საარჩევნო ყუთზე ლუქის მთლიანობა დარღვეული აღმოჩნდა?
12. რა შემთხვევაში მიიჩნევა ბათილად დადგენილი ნიმუშის საარჩევნო ბიულეტენი?
13. საარჩევნო დოკუმენტაციის/ინვენტარის დალუქვისას, ვინ აწერს ხელს:
 - ✓ გადასატანი საარჩევნო ყუთის სიის დალუქული პაკეტის ზოლზე?
 - ✓ საარჩევნო ბიულეტენების დალუქული პაკეტის ზოლზე?
 - ✓ კომისიის სპეციალური ბეჭდის დალუქული პაკეტის ზოლზე?
 - ✓ ჩანაწერთა წიგნის დალუქული პაკეტის ზოლზე?
14. რა მონაცემები აღინიშნება თითოეული საარჩევნო სუბიექტის კუთვნილი საარჩევნო ბიულეტენების პაკეტზე?
15. ვინ აწერს ხელს კენჭისყრის შედეგების შემაჯამებელ ოქმს?
16. რა შემთხვევაში ითვლება კენჭისყრის შედეგების შემაჯამებელი ოქმი იურიდიული ძალის მქონედ?
17. რა ხდება იმ შემთხვევაში, თუ კენჭისყრის შედეგების შემაჯამებელი ოქმის შევსებისას შეცდომა იქნა დაშვებული კანდიდატებისთვის მიცემულ ხმათა რაოდენობის გრაფებში მონაცემების შეტანისას?
18. რა ხდება იმ შემთხვევაში, თუ კენჭისყრის შედეგების შემაჯამებელი ოქმის შევსებისას შეცდომა იქნა დაშვებული ოქმის შედგენის თარიღის/დროის შეტანისას?
19. როგორ უზრუნველყოფს საუბნო საარჩევნო კომისია კენჭისყრის შედეგების შემაჯამებელი ოქმის საჯაროობას?
20. რა წესით გასცემს საუბნო საარჩევნო კომისია შემაჯამებელი ოქმის ფოტოასლს კენჭისყრის შენობაში ყოფნის უფლების მქონე პირებზე?
21. საუბნო საარჩევნო კომისიიდან ვინ არის პასუხისმგებელი საოლქო საარჩევნო კომისიისთვის დალუქული საარჩევნო დოკუმენტაციის/ინვენტარის და ელექტრონული აპარატების გადაბარებაზე?

06

როგორ ახდენს საუბნო საარჩევნო კომისია კენჭისყრის დღის განცხადებებზე და საჩივრებზე რეაგირებას

საუბნო საარჩევნო კომისია საარჩევნო კანონმდებლობის ზუსტი და თანმიმდევრული დაცვით ახდებს საარჩევნო დავების პრევენციას/რეაგირებას. საუბნო საარჩევნო კომისია, თავმჯდომარის ხელმძღვანელობით კენჭისყრის დღის განცხადებებთან/საჩივრებთან დაკავშირებით უზრუნველყოფს:

- პროცესის გამჭვირვალედ, მიუკერძოებლად წარმართვას
- დაინტერესებული პირებისთვის განცხადებების/საჩივრების წარდგენისა და რეგისტრაციის პროცედურის განმარტებას
- განცხადებების/საჩივრების წარმდგენ პირებთან ეთიკურ კომუნიკაციას
- განცხადებებთან/საჩივრებთან დაკავშირებული ფაქტების, გარემოებების გამოკვლევას და სათანადო რეაგირებას

კენჭისყრის დღეს განცხადების/საჩივრის წარდგენა და რეგისტრაცია

კენჭისყრისა და ხმის დათვლის პროცედურების დარღვევის შესახებ, საუბნო საარჩევნო კომისიისათვის განცხადებით/საჩივრით მიმართვის უფლებამოსილების მქონე პირია საარჩევნო სუბიექტის წარმომადგენელი საუბნო საარჩევნო კომისიაში და ადგილობრივი დამკვირვებელი ორგანიზაციის დამკვირვებელი.

საარჩევნო უბანში კენჭისყრის პროცედურის დარღვევის შესახებ განცხადება/საჩივარი უფლებამოსილი პირის მიერ შედგენილი უნდა იქნეს დარღვევის შემჩნევისთანავე, კენჭისყრის დღის 06:45 საათიდან ძირითადი საარჩევნო ყუთის გახსნამდე, ხოლო განცხადება/საჩივარი ხმის დათვლისა და კენჭისყრის შედეგების შეჯამების პროცედურების დროს ჩადენილი დარღვევის შესახებ (კენჭისყრის შედეგების გადასინჯვის ან ბათილად ცნობის მოთხოვნით) შედგენილი უნდა იქნეს ძირითადი საარჩევნო ყუთის გახსნიდან კენჭისყრის შედეგების შემაჯამებელი ოქმის შედგენამდე.

საარჩევნო სუბიექტის წარმომადგენელს, ადგილობრივი დამკვირვებელი ორგანიზაციის დამკვირვებელს უფლება აქვს კენჭისყრის დღის განცხადება/საჩივარი გადასცეს საუბნო საარჩევნო კომისიის თავმჯდომარეს, მის მოადგილეს ან კომისიის მდივანს. კომისიის მდივანი განცხადებას/საჩივარს რეგისტრაციაში გაატარებს სარეგისტრაციო ჟურნალსა და ჩანაწერთა წიგნში, ხოლო განმცხადებელს/მოძივანს გადასცემს ცნობას (თავისი ხელმოწერით), რომელშიც აღინიშნება შესაბამისი განცხადების/საჩივრის კომისიაში მიღების თარიღი, დრო და სარეგისტრაციო ნომერი.

თუ კენჭისყრის შენობაში ყოფნის უფლების მქონე პირებმა საჩივრის რეგისტრაციისას დააფიქსირეს დარღვევა, ამ საჩივრის რეგისტრაციასთან დაკავშირებით გადაწყვეტილებას იღებს საუბნო საარჩევნო კომისია.

საარჩევნო სუბიექტის წარმომადგენელს/დამკვირვებელს უფლება აქვს კენჭისყრის დღეს საარჩევნო პროცედურებთან დაკავშირებული პრეტენზიები, საჩივრები და შენიშვნები შეიტანოს კენჭისყრის დღის ჩანაწერთა წიგნში მე-10 და მომდევნო გვერდებზე. ასეთ შემთხვევაში, პირი ვალდებულია ჩანაწერთა წიგნში მიუთითოს თავისი გვარი, სახელი და მისამართი (საქართველოს მოქალაქის პირადობის მოწმობის მიხედვით).

არავის არ აქვს უფლება, ხელი შეუშალოს კენჭისყრის შენობაში ყოფნის უფლების მქონე პირს, ჩანაწერთა წიგნში შეიტანოს პრეტენზია, შენიშვნა ან საჩივარი.

კენჭისყრის დღის განცხადებებზე/საჩივრებზე ხარვეზის დადგენის წესი

საუბნო საარჩევნო კომისიის მდივანი, კომისიის თავმჯდომარე ან კომისიის თავმჯდომარის მოადგილე განცხადების/საჩივრის წარმდგენს დაუდგენს ხარვეზს და განუსაზღვრავს გონივრულ ვადას მის შესავსებად, თუ განცხადება/საჩივარი არ შეიცავს:

- ✓ განცხადების/საჩივრის შედგენის თარიღსა და დროს;
- ✓ განმცხადებლის/მომჩივნის სახელს, გვარს და რეგისტრაციის ადგილს;
- ✓ საარჩევნო უბნის ნომერს;
- ✓ მოწმის არსებობის შემთხვევაში – მის სახელს, გვარს და რეგისტრაციის ადგილს.

განმცხადებელს/მომჩივანს უფლება აქვს, დადგენილ ვადაში შეავსოს ხარვეზი ანალოგიური განცხადების/საჩივრის წარმდგენის გზით ან წარადგინოს ახალი განცხადება (რომელშიც მიეთითება ის მონაცემები, რომელთა გამოც მას დაუდგინდა ხარვეზი). კომისიის მდივანი სარეგისტრაციო ჟურნალში აკეთებს ჩანაწერს „ხარვეზი“. ჩანაწერის გასწვრივ ხელს აწერენ განცხადების/საჩივრის წარმდგენი და კომისიის შესაბამისი ხელმძღვანელი პირი.

ხარვეზის შევსების ვადა დგინდება მხარეთა შეთანხმების საფუძველზე. მხარეთა შეუთანხმებლობის შემთხვევაში ვადას ერთპიროვნულად ადგენს განცხადების/საჩივრის მიმღები პირი.

ხარვეზის შევსების შემთხვევაში კომისიის მდივანი, კომისიის თავმჯდომარე ან კომისიის თავმჯდომარის მოადგილე სარეგისტრაციო ჟურნალში წერს „შევსებულია“ და უთითებს ხარვეზის შევსების ზუსტ დროსა და თარიღს. ჩანაწერის გასწვრივ ხელს აწერენ განცხადების/საჩივრის წარმდგენი და კომისიის შესაბამისი ხელმძღვანელი პირი.

განცხადება/საჩივარი არ განიხილება, თუ დადგენილ ვადაში ხარვეზი არ შეივსო.

კენჭისყრის დღის განცხადებებზე/საჩივრებზე რეაგირება

საუბნო საარჩევნო კომისიის თავმჯდომარე/კომისია ვალდებულია განცხადებაზე/საჩივარზე დაუყოვნებლივ მოახდინოს სათანადო რეაგირება და აღმოფხვრას არსებული დარღვევა.

განცხადებაში/საჩივარში მითითებული დარღვევის აღმოფხვრის შემთხვევაში კენჭისყრის დღის ჩანაწერთა წიგნში კომისიის მდივანი წერს „დარღვევა აღმოფხვრილია“ და უთითებს ზუსტ დროს.

ჩანაწერთა წიგნის შესაბამისი გვერდის ნიმუში

კენჭისყრის პროცედურების დარღვევის შესახებ განცხადების/საჩივრის რეგისტრაცია		
რეგისტრაციის №	განცხადების/საჩივრის არსი	განცხადებაზე/საჩივარზე რეაგირება ზუსტი დროის მითითებით (დარღვევა აღმოფხვრილია)
2	ამომრჩევლის რეგისტრაციის, ანუ არს. მანდატის, უარყოფის დაამტკიცებდა ჩიითანუ არ აქილეს სკანდინავია	უარყოფითი დაამტკიცებდა ჩიითანუ სკანდინავია არს. მანდატის რეგისტრაციის ან ანუ არს. მანდატის 17:00 საათით.

იმ შემთხვევაში, თუ საუბნო საარჩევნო კომისიის თავმჯდომარემ/კომისიამ არ აღმოფხვრა დარღვევა ან სხვაგვარი ფორმით უარი განაცხადა მოახდინოს რეაგირება განცხადებაზე/საჩივარზე, დამკვირვებელს/საარჩევნო სუბიექტის წარმომადგენელს ან იმავე სადამკვირვებლო ორგანიზაციის სხვა დამკვირვებელს/საარჩევნო სუბიექტის სხვა წარმომადგენელს უფლება აქვს საარჩევნო უბნის გახსნიდან (06:45 საათიდან) ძირითადი საარჩევნო ყუთის გახსნამდე გამოვლენილი დარღვევები დაუყოვნებლივ გაასაჩივროს შესაბამის საოლქო საარჩევნო კომისიაში (საოლქო საარჩევნო კომისია ვალდებულია მიიღოს შესაბამისი ზომები დარღვევის აღმოსაფხვრელად).

იმ შემთხვევაში, თუ საუბნო საარჩევნო კომისიის თავმჯდომარემ/კომისიამ არ აღმოფხვრა დარღვევა ან სხვაგვარი ფორმით უარი განაცხადა მოახდინოს რეაგირება განცხადებაზე/საჩივარზე, რომელიც ეხება ხმის დათვლისა და კენჭისყრის შედეგების შეჯამების პროცედურების დროს ჩადენილ დარღვევებს, დამკვირვებელს/საარჩევნო სუბიექტის წარმომადგენელს ან იმავე სადამკვირვებლო ორგანიზაციის სხვა დამკვირვებელს/საარჩევნო სუბიექტის სხვა წარმომადგენელს უფლება აქვს საუბნო საარჩევნო კომისიის/საუბნო საარჩევნო კომისიის თავმჯდომარის ქმედება 3 კალენდარული დღის ვადაში გაასაჩივროს შესაბამის საოლქო საარჩევნო კომისიაში (საოლქო საარჩევნო კომისია განცხადებას/საჩივარს განიხილავს მიღებიდან 4 კალენდარული დღის ვადაში).

საუბნო საარჩევნო კომისიის თავმჯდომარე წარდგენილ განცხადებას/საჩივარს არ განიხილავს და გამოსცემს განკარგულებას განცხადების/საჩივრის განუხილველად დატოვების შესახებ, თუ:

- ✓ განცხადება/საჩივარი შედგენილია არაუფლებამოსილი პირის მიერ;
- ✓ განცხადებაში/საჩივარში არ არის აღნიშნული დარღვევის არსი და ჩადენის დრო;
- ✓ განცხადება/საჩივარი შეტანილ იქნა კანონით დადგენილი ვადისა და წესის დარღვევით;
- ✓ დადგენილ ვადაში არ შეივსო წარდგენილი განცხადების/საჩივრის ხარვეზი.

კითხვები ცოდნის თვითშეფასებისთვის

- ვის აქვს საუბნო საარჩევნო კომისიისთვის კენჭისყრის დღის განცხადებით/საჩივრით მიმართვის უფლება?
- საუბნო საარჩევნო კომისიიდან ვინ და რა შემთხვევაში ადგენს ხარვეზს განცხადებაზე/საჩივარზე?
- რა შემთხვევაში ტოვებს კომისიის თავმჯდომარე კენჭისყრის დღის განცხადებას/საჩივარს განუხილველად?

დანართი N1

ელექტრონული აპარატების აწყობის შესახებ საინფორმაციო დოკუმენტი

ამომრჩეველთა ვერიფიკაციის აპარატების აწყობა

ვერიფიკაციის აპარატის გამართული მუშაობისათვის, შესაბამის სათავსოში თერმული ქაღალდი უნდა განთავსდეს სწორი მიმართულებით.



თერმული ქაღალდის სწორად მოთავსების შემოწმება შესაძლებელია ნებისმიერი მყარი საგნით ან ფრჩხილით თერმული ქაღალდის ზედაპირზე გახაზვით (ზედაპირზე უნდა დარჩეს კვალი).


თითოეული ვერიფიკაციის აპარატის დენის წყაროში ჩასართავად, აპარატის უკანა მხარეს არსებულ პორტზე უნდა დაერთდეს კვების ბლოკი და ადაპტერის სადენი.

ადაპტერის სადენი უნდა დაერთდეს დენის წყაროსთან (დენის წყარომდე მისაყვანად, საჭიროებისამებრ, გამოიყენება დენის დამაგრძელებელი).



ვერიფიკაციის აპარატი კვების ბლოკი ადაპტერის სადენი დენის დამაგრძელებელი

დენის წყაროსთან დაერთების შემდეგ ვერიფიკაციის აპარატი იწყებს დამუშავებას.



დამუშავებაზე მიაწვდის აპარატის მარჯვენა მხარეს/გვერდზე განთავსებული ნათურების ციმციმი.

ნათურების ზემოთ განთავსებულ მომცრო ღილაკზე თითის დაჭერით, შესაძლებელია აპარატის დამუშავების დონის შესახებ ინფორმაციის მიღება.

აპარატების ერთმანეთთან დასაკავშირებლად (სინქრონიზაცია), თითოეული ქსელის სადენის ერთი ბოლო უნდა დაერთდეს თითოეული აპარატის გვერდით მხარეს არსებულ შესაბამის პორტში, ხოლო ქსელის სადენის მეორე დაბოლოება - ჰაბზე (ჰაბი - უზრუნველყოფს აპარატების ერთმანეთთან დაკავშირებას/სინქრონიზაციას).



ქსელის სადენი

ჰაბი

ქსელის სადენი

ჰაზის დენის წყაროში ჩასართავად:

- ✓ ჰაზზე უნდა დაერთდეს ჰაზის კვების ბლოკი;
- ✓ ჰაზის კვების ბლოკი უნდა დაერთდეს უწყვეტი დენის წყაროსთან (UPS);
- ✓ უწყვეტი დენის წყარო (UPS) უნდა დაერთდეს დენის წყაროსთან (დენის წყარომდე მისაყვანად, საჭიროებისამებრ, გამოიყენება დენის დამაგრძელებელი).



ჰაზის კვების ბლოკი უწყვეტი დენის წყარო (UPS)

აპარატები უნდა განთავსდეს იმგვარად, რომ სადენებთან მექანიკურმა შეხებამ არ შექმნას პრობლემა მათ გამართულ მუშაობასთან დაკავშირებით.

ხმის დათვლის სპეციალური ელექტრონული აპარატების აწყობა

ხმის დათვლის აპარატის გამართული მუშაობისათვის, შესაბამის სათავსოში თერმული ქაღალდი უნდა განთავსდეს სწორი მიმართულებით.



თერმული ქაღალდის სწორად მოთავსების შემოწმება შესაძლებელია ნებისმიერი მყარი საგნით ან ფრჩხილით თერმული ქაღალდის ზედაპირზე გახაზვით (ზედაპირზე უნდა დარჩეს კვალი).

თითოეული ხმის დათვლის აპარატის დენის წყაროში ჩასართავად:

- ✓ აპარატის უკანა მხარეს არსებულ პორტზე უნდა დაერთდეს კვების ბლოკი და ადაპტერის სადენი;
- ✓ ადაპტერის სადენი უნდა დაერთდეს უწყვეტი დენის წყაროსთან (UPS);
- ✓ უწყვეტი დენის წყარო (UPS) უნდა დაერთდეს დენის წყაროსთან (დენის წყარომდე მისაყვანად, საჭიროებისამებრ, გამოიყენება დენის დამაგრძელებელი).



ხმის დათვლის აპარატი კვების ბლოკი ადაპტერის სადენი უწყვეტი დენის წყარო (UPS)

დენის წყაროსთან დაერთების შემდეგ ხმის დათვლის აპარატის უკანა მხარეს აინთება ნათურა.



დენის წყაროსთან სწორად დაერთებაზე მიაწიწნებს აპარატის უკანა მხარეს ანთებული ნათურა.

აპარატების ერთმანეთთან დასაკავშირებლად (სინქრონიზაცია), ქსელის სადენის ერთი ბოლო უნდა დაერთდეს ერთი აპარატის გვერდით მხარეს არსებულ შესაბამის პორტში, ხოლო ქსელის სადენის მეორე დაბოლოება - მეორე აპარატის გვერდით მხარეს არსებულ შესაბამის პორტში (ქსელის სადენი - უზრუნველყოფს აპარატების ერთმანეთთან დაკავშირებას მონაცემთა სინქრონიზაციის მიზნით).



ქსელის სადენი

აპარატები უნდა განთავსდეს იმგვარად, რომ სადენებთან მექანიკურმა შეხებამ არ შექმნას პრობლემა მათ გამართულ მუშაობასთან დაკავშირებით.

დანართი N2

ელექტრონული საშუალებების გამოყენების გარეშე კენჭისყრის პროცესის გაგრძელება

წინამდებარე დანართში ასახულია ის პროცედურული განსხვავებები და შესაბამისი რეგულაციები, რომლებიც საუბნო საარჩევნო კომისიამ უნდა გაითვალისწინოს იმ შემთხვევაში, თუ:

- კენჭისყრის პროცესი გრძელდება ამომრჩეველთა ვერიფიკაციის აპარატების გამოყენების გარეშე;
- კენჭისყრის პროცესი გრძელდება ხმის დათვლის სპეციალური ელექტრონული აპარატის გამოყენების გარეშე.

ელექტრონული საშუალებების გამოყენების გარეშე კენჭისყრის პროცესის გაგრძელების შესახებ გადაწყვეტილების მიღებამდე გასათვალისწინებელი საკითხები

კენჭისყრის პროცესის მიმდინარეობისას, ამომრჩეველთა ვერიფიკაციისა და ხმის დათვლის სპეციალური ელექტრონული აპარატების ტექნიკური ხარვეზის აღმოჩენის შემთხვევაში, საუბნო საარჩევნო კომისიის თავმჯდომარე იღებს გადაწყვეტილებას კენჭისყრის პროცესის დროებით შეჩერების შესახებ, რის თაობაზეც ვალდებულია დაუყოვნებლივ შეატყობინოს საოლქო საარჩევნო კომისიას. ტექნიკური ხარვეზის აღმოფხვრისთანავე კენჭისყრა გრძელდება აპარატის/აპარატების საშუალებით.

იმ შემთხვევაში, თუ კენჭისყრის პროცესი მიმდინარეობდა ამომრჩეველთა ვერიფიკაციისა და ხმის დათვლის ერთზე მეტი სპეციალური ელექტრონული აპარატის გამოყენებით და ტექნიკური ხარვეზის გამო ფუნქციონირება შეწყვიტა მხოლოდ ნაწილმა, ასეთ შემთხვევაში კენჭისყრის პროცესი გაგრძელდება დანარჩენი ფუნქციონირებადი ამომრჩეველთა ვერიფიკაციისა და ხმის დათვლის სპეციალური ელექტრონული აპარატის/აპარატების გამოყენებით.

იმ შემთხვევაში, თუ შეუძლებელი გახდა ამომრჩეველთა ვერიფიკაციის/ხმის დათვლის სპეციალური ელექტრონული აპარატებით კენჭისყრის გაგრძელება, შესაბამისი აპარატის/აპარატების გამოყენების გარეშე კენჭისყრის გაგრძელების თაობაზე საუბნო საარჩევნო კომისიის მდივანი ადგენს აქტს და შესაბამისი ჩანაწერი შეაქვს ჩანაწერთა წიგნის 32-ე გვერდზე.

ჩანაწერთა წიგნის შესაბამისი გვერდის ნიმუში

კომისიის თავმჯდომარის გადაწყვეტილება კენჭისყრის შეჩერებისა და ხმის ელექტრონული მთვლელი აპარატის/აპარატების გამოყენების გარეშე კენჭისყრის გაგრძელების თაობაზე		
შეჩერების მიზეზი	დრო	ხელმოწერა
	:	
კომისიის თავმჯდომარის გადაწყვეტილება კენჭისყრის შეჩერებისა და ამომრჩეველთა ელექტრონული რეგისტრაციის აპარატის/აპარატების გამოყენების გარეშე კენჭისყრის გაგრძელების თაობაზე		
შეჩერების მიზეზი	დრო	ხელმოწერა
	:	

ამომრჩეველთა ვერიფიკაციის აპარატების გამოყენების გარეშე
კენჭისყრის პროცესის გაგრძელება

კენჭისყრის პროცესი

ვერიფიკაციის აპარატების გარეშე ამომრჩევლებისთვის კენჭისყრაში მონაწილეობის სერვისის განსახორციელებლად, საუბნო საარჩევნო კომისიის თავმჯდომარე უზრუნველყოფს კენჭისყრის შენობაში სამუშაო გარემოს შესაბამის ადაპტირებას. ამ მიზნით, კომისიის თავმჯდომარე:

- ვერიფიკაციის აპარატიდან ბეჭდავს ქვითარს/ანგარიშს, რომელიც ასახავს იმ დროისთვის კენჭისყრაში მონაწილე ამომრჩეველთა რაოდენობას/აქტივობას (თუ რომელიმე აპარატი ტექნიკურად იძლევა ამის შესაძლებლობას) და შესაძლოა გადასცემს კომისიის მდივანს.
- მიუთითებს საოლქო საარჩევნო კომისიის წარმომადგენელს, რეგისტრატორების მაგიდებიდან ალაგოს ვერიფიკაციის აპარატები და დადგენილი წესით შეინახოს აპარატებისთვის განკუთვნილ ყუთებში.
- ლუქავს ამომრჩეველთა ვერიფიკაციის დამადასტურებელი ქვითრების მოსათავსებლად განკუთვნილი გაუმჭვირვალე ყუთების ჭრილებს და მათ ინახავს ცალკე.
- საჭიროების შემთხვევაში, იღებს გადაწყვეტილებას რეგისტრატორების რაოდენობის გაზრდის შესახებ და კომისიის წევრს/წევრებს ავალეს ფუნქციის შესრულებას.
- რეგისტრატორებს გადასცემს საარჩევნო კომისიისთვის განკუთვნილ ამომრჩეველთა სიებს (სამაგიდე სია ფოტოსურათებით) და რეგისტრატორის სახაზავებს, ერთ-ერთ რეგისტრატორს აგრეთვე გადაეცემა ამომრჩეველთა სპეციალური სია (ასეთის არსებობის შემთხვევაში).
- მიუთითებს რეგისტრატორებს, სარეგისტრაციო მაგიდებთან გამოაკრან მათთვის გადაცემული სიების შესაბამისად ამომრჩეველთა რიგითი ნომრებისა და გვარების ანბანური თანმიმდევრობა.

I. კენჭისყრის ოთახში შესვლისას ამომრჩეველი ნაკადის მომწესრიგებელთან გადის მარკირების შემოწმების პროცედურას.



ნაკადის მომწესრიგებელი კომისიის წევრი:

- ✓ არეგულირებს კენჭისყრის შენობაში შემომსვლელი ამომრჩევლების ნაკადს;
- ✓ სთხოვს ამომრჩეველს წარუდგინოს პირადობის დამადასტურებელი დოკუმენტი (საქართველოს მოქალაქის პირადობის ელექტრონული მოწმობა, საქართველოს მოქალაქის პირადობის არაელექტრონული მოწმობა, ან საქართველოს მოქალაქის პასპორტი);

- ✓ ულტრაიისფერი ფარნით ამოწმებს, აქვს თუ არა ამომრჩეველს ხელზე მარკირება.

შემოწმების შედეგების გათვალისწინებით:

- ✓ თუ მარკირების შესამოწმებელმა სპეციალურმა ხელსაწყომ გამოავლინა, რომ ამომრჩეველს უკვე აქვს მარკირება, მას ეკრძალება კენჭისყრაში მონაწილეობა. ნაკადის მომწესრიგებელი

ამომრჩეველს განუმარტავს უარს კენჭისყრის ოთახში დაშვებაზე, ხოლო ამომრჩეველის შესახებ ინფორმაციას აცნობებს კომისიის მდივანს ჩანაწერთა წიგნში შეტანის მიზნით.

- ✓ თუ ამომრჩეველი აკმაყოფილებს კენჭისყრაში მონაწილეობისთვის დადგენილ მოთხოვნებს, ნაკადის მომწესრიგებელი ამომრჩეველს მიუთითებს, მივიდეს იმ სარეგისტრაციო მაგიდასთან, რომელსაც მიეკუთვნება ამომრჩეველთა სიაში შეტანილი მისი გვარის პირველი ასო და კენჭისყრის ოთახში შეუშვებს იმ შემთხვევაში, თუ ამომრჩეველისთვის განკუთვნილ სარეგისტრაციო მაგიდასთან ორზე მეტი ამომრჩეველი არ იმყოფება.

ამომრჩეველის რეგისტრაციის პროცედურის აღწერა. რეგისტრატორი სთხოვს ამომრჩეველს, წარუდგინოს პირადობის დამადასტურებელი დოკუმენტი. რეგისტრატორი ამოწმებს პირადობის დამადასტურებელი დოკუმენტის მოქმედების ვადას, საქართველოს მოქალაქის პირადობის არაელექტრონული მოწმობის წარდგენის შემთხვევაში ამოწმებს დოკუმენტის გაცემის თარიღს.

თუ ამომრჩეველი წარადგენს ვადაგასულ პირადობის დამადასტურებელ დოკუმენტს, ან ძალადაკარგულ საქართველოს მოქალაქის პირადობის არაელექტრონულ მოწმობას (ძალადაკარგულია 2011 წლის 27 ივლისის ჩათვლით გაცემული არაელექტრონული მოწმობა), მას ეკრძალება კენჭისყრაში მონაწილეობა. რეგისტრატორი ამომრჩეველს განუმარტავს კენჭისყრაში მონაწილეობაზე უარის მიზეზს და მიუთითებს, რომ კენჭისყრაში მონაწილეობის უფლება მიეცემა, თუ წარადგენს მოქმედ პირადობის დამადასტურებელ დოკუმენტს.

დოკუმენტის მოქმედების ვადის შემოწმების შემდეგ, რეგისტრატორი ამოწმებს ამომრჩეველის მიერ წარდგენილ დოკუმენტში შეტანილი ამომრჩეველის სარეგისტრაციო მონაცემებისა და ამომრჩეველთა სიაში არსებული მონაცემების შესაბამისობას. ამომრჩეველი კენჭისყრაში მონაწილეობს, თუ ამომრჩეველთა შესაბამის სიაში საქართველოს მოქალაქის პირად ნომერთან, სქესთან და ფოტოსურათთან ერთად, სრულად ემთხვევა ქვემოთ ჩამოთვლილ მონაცემთაგან 3 მაინც:

- ✓ სახელი;
- ✓ გვარი;
- ✓ დაბადების თარიღი (რიცხვი, თვე, წელი);
- ✓ მისამართი (საქართველოს მოქალაქის პირადობის მოწმობის ან სააგენტოს მონაცემთა ბაზის მიხედვით).

რეგისტრატორი ამოწმებს წარდგენილ დოკუმენტში და ამომრჩეველთა სიაში არსებული ფოტოსურათის და ამომრჩეველის სახის ერთმანეთთან შესაბამისობას. იმ შემთხვევაში, თუ რეგისტრატორი მიიჩნევს, რომ ადგილი აქვს შეუსაბამობას, რეგისტრატორმა უნდა იმოქმედოს წინამდებარე სახელმძღვანელო ინსტრუქციის 35-ე გვერდზე მოცემული რეგულაციით.



ამომრჩეველთა სიაში ამომრჩეველის შესახებ მონაცემების შესაბამისობის დადასტურების შემთხვევაში, რეგისტრატორი ამომრჩეველს უკეთებს მარკირებას მარჯვენა ხელის ცერა ან

საჩვენებელი თითის ფრჩხილზე (თუ აღნიშნული მოქმედების შესრულება შეუძლებელია – მარჯვენა ხელის სხვა თითებზე, ხოლო თუ ესეც შეუძლებელია, იმავე წესით მარცხენა ხელზე).


მარკირების პროცედურის გავლაზე უარის შემთხვევაში, ამომრჩეველს არ აქვს კენჭისყრაში მონაწილეობის უფლება და რეგისტრატორი მას განუმარტავს დატოვოს კენჭისყრის შენობა.

მარკირების პროცედურის განხორციელების შემდეგ, ამომრჩეველთა რეგისტრატორი კომისიის წევრი ხელს აწერს ამომრჩეველთა ერთიანი სიის სათანადო გრაფაში და მიუთითებს ამომრჩეველს სიაში ხელმოწერით დაადასტუროს საარჩევნო ბიულეტენის მიღება.



თუ კენჭისყრის პროცესში გამოვლინდა, რომ ამომრჩეველმა საარჩევნო სიაში ხელი მოაწერა სხვა ამომრჩეველის გვარის გასწვრივ არსებულ გრაფაში, ასეთ შემთხვევაში ამომრჩეველმა, რომლის გვარის გასწვრივ ფიქსირდება ხელმოწერა, ხელი უნდა მოაწეროს იმავე გრაფაში. აღნიშნულის თაობაზე რეგისტრატორმა უნდა დაწეროს ახსნა-განმარტება (ამომრჩეველის ერთიან სიაში ამომრჩეველის რიგითი ნომრის, სახელისა და გვარის მითითებით).



ამომრჩეველზე საარჩევნო ბიულეტენის გაცემის პროცედურა. ამომრჩეველის რეგისტრაციის პროცედურის დასრულების შემდეგ, რეგისტრატორი ამომრჩეველს გადასცემს საარჩევნო ბიულეტენს და განუმარტავს საარჩევნო ბიულეტენის შევსების და სპეციალური ჩარჩო-კონვერტის გამოყენების წესს:



„ხმის მისაცემად საარჩევნო ბიულეტენში სრულად გააფერადეთ თქვენთვის სასურველი მხოლოდ ერთი სუბიექტის წინ არსებული წრე (წრის შიდა სივრცე). საარჩევნო ბიულეტენი არ გადაკეცოთ და შევსებული ბიულეტენი მოათავსეთ სპეციალურ ჩარჩო-კონვერტში არჩევანის ფარულობის მიზნით“.

საარჩევნო ბიულეტენის შევსების და სპეციალური ჩარჩო-კონვერტის გამოყენების წესის განმარტების შემდეგ, რეგისტრატორი სპეციალურ ჩარჩო-კონვერტში ათავსებს საარჩევნო ბიულეტენს ისე, რომ სრულად დაიფაროს საარჩევნო სუბიექტების ჩამონათვალი.

რეგისტრატორი ამომრჩეველს მიუთითებს სპეციალურ ჩარჩო-კონვერტში მოთავსებული საარჩევნო ბიულეტენის ზედამხარეს გააფერადოს საცდელი წრე.



*სპეციალურ ჩარჩო-კონვერტში
მოთავსებული საარჩევნო ბიულეტენის
ზედამხარეს განთავსებული საცდელი
წრე*

საარჩევნო ბიულეტენზე საცდელი წრის გაფერადების შემდეგ, რეგისტრატორი ამომრჩეველს გადასცემს სპეციალურ ჩარჩო-კონვერტში მოთავსებულ საარჩევნო ბიულეტენს და განუმარტავს, რომ საარჩევნო ბიულეტენი, სპეციალური ჩარჩო-კონვერტის საშუალებით, ხმის დათვლის სპეციალურ ელექტრონულ აპარატში მოათავსოს იმგვარად, რომ საარჩევნო ბიულეტენის მხარე, რომელზეც განთავსებულია საცდელი წრე, მოექცეს ქვემოთ. ამის შემდეგ, რეგისტრატორი მიუთითებს ამომრჩეველს გადაინაცვლოს ფარული ხმის მიცემის კაბინაში.

III. საარჩევნო ბიულეტენისა და ხმის მიცემისთვის განკუთვნილი სპეციალური ჩარჩო-კონვერტის მიღების შემდეგ ამომრჩეველი შედის ფარული ხმის მიცემის კაბინაში.

ამომრჩეველი სპეციალური მარკერის გამოყენებით ავსებს საარჩევნო ბიულეტენს და ათავსებს მას სპეციალურ ჩარჩო-კონვერტში.

ფარული ხმის მიცემის კაბინაში, საარჩევნო ბიულეტენის შევსებისას, სხვა პირის დასწრება, ფოტო და ვიდეოგადაღება აკრძალულია.

ამომრჩეველს, რომელსაც არ შეუძლია დამოუკიდებლად შეავსოს საარჩევნო ბიულეტენი, უფლება აქვს, ფარული კენჭისყრის კაბინაში დასახმარებლად მიიწვიოს საარჩევნო უბანზე მყოფი ნებისმიერი პირი, გარდა:


- ა) საარჩევნო კომისიის წევრისა;
- ბ) კანდიდატისა;
- გ) საარჩევნო სუბიექტის წარმომადგენლისა;
- დ) დამკვირვებლისა;
- ე) პრესის და მასობრივი ინფორმაციის სხვა საშუალებების წარმომადგენლისა.

თუ ამომრჩეველს გაუფუჭდა საარჩევნო ბიულეტენი ან სპეციალური ჩარჩო-კონვერტი, მან ეს უნდა აცნობოს კომისიის თავმჯდომარეს. კომისიის თავმჯდომარის დავალებით რეგისტრატორი ვალდებულია ამომრჩეველს შეუცვალოს გაუფუჭებული საარჩევნო ბიულეტენი/სპეციალური ჩარჩო-კონვერტი ახლით.

კომისიის თავმჯდომარე, ამომრჩევლის თანდასწრებით, გაფუჭებულ საარჩევნო ბიულეტენს კეცავს იმგვარად, რომ შეუძლებელი იყოს საარჩევნო სუბიექტების დანახვა, გადაკეცილ საარჩევნო ბიულეტენს ამაგრებს ლითონის შემკვრელით, ჩამოაჭრის კუთხეს, დააწერს „გაფუჭებულია“ და ხელს მოაწერს. კომისიის თავმჯდომარე გაფუჭებულ საარჩევნო ბიულეტენს ინახავს ცალკე.

IV. სპეციალურ ჩარჩო-კონვერტში მოთავსებული საარჩევნო ბიულეტენით ამომრჩეველი მიდის ძირითად საარჩევნო ყუთთან.

საარჩევნო ყუთისა და ხმის დათვლის სპეციალური ელექტრონული აპარატის ზედამხედველი კომისიის წევრი ამომრჩეველს განუმარტავს აპარატში საარჩევნო ბიულეტენის მოთავსების წესს:



„საარჩევნო ბიულეტენი, სპეციალური ჩარჩო-კონვერტის საშუალებით, აპარატში მოათავსეთ იმგვარად, რომ ბიულეტენის მხარე, რომელზეც განთავსებულია საცდელი წრე, მოექცეს ქვემოთ.


ჩარჩო-კონვერტი დაიკავით მსუბუქად, რათა აპარატმა მარტივად მიიღოს საარჩევნო ბიულეტენი.

დაელოდეთ, ვიდრე აპარატის ეკრანზე არ გამოჩნდება შეტყობინება „თქვენი ხმა მიღებულია“ და მხოლოდ ამის შემდეგ დატოვეთ კენჭისყრის შენობა“.

ამომრჩეველი საარჩევნო ბიულეტენს სპეციალური ჩარჩო-კონვერტის საშუალებით ათავსებს ძირითად საარჩევნო ყუთზე დამონტაჟებულ აპარატში. იმ შემთხვევაში, თუ ამომრჩეველი ვერ ახერხებს სპეციალური ჩარჩო-კონვერტის საშუალებით აპარატში საარჩევნო ბიულეტენის მოთავსებას, მას შეიძლება დაეხმაროს საარჩევნო ყუთისა და ხმის დათვლის სპეციალური ელექტრონული აპარატის ზედამხედველი კომისიის წევრი.



ხმის დათვლის სპეციალურ ელექტრონულ აპარატში საარჩევნო ბიულეტენის მოთავსება



თქვენი ხმა მიღებულია.
მადლობა ხმის მიცემისთვის.

საარჩევნო ბიულეტენის ძირითად საარჩევნო ყუთში მოთავსების დამადასტურებელი

თუ ხმის დათვლის სპეციალური ელექტრონული აპარატი არ მიიღებს და უკან დააბრუნებს საარჩევნო ბიულეტენს, შესაძლებელია მისი ხელმეორედ მოთავსება ხმის დათვლის იმავე ან სხვა ელექტრონულ აპარატში. საარჩევნო ბიულეტენის კვლავ დაბრუნების შემთხვევაში, კომისიის თავმჯდომარე, ამომრჩევლის თანდასწრებით, დადგენილი წესით აფუჭებს საარჩევნო ბიულეტენს. კომისიის თავმჯდომარის დავალებით რეგისტრატორი ვალდებულია ამომრჩეველს შეუცვალოს გაფუჭებული საარჩევნო ბიულეტენი ახლით.

საარჩევნო ბიულეტენის ძირითად საარჩევნო ყუთში მოთავსების შემდეგ, ამომრჩეველი სპეციალურ ჩარჩო-კონვერტს ათავსებს საამისოდ განკუთვნილ მაგიდაზე და ტოვებს საარჩევნო უბანს. სპეციალური ჩარჩო-კონვერტები გადაეცემა ამომრჩეველთა რეგისტრატორ კომისიის წევრებს.

ამომრჩეველთა პერსონალური მონაცემების დაცვის უზრუნველყოფა

კენჭისყრის შენობაში ყოფნის უფლების მქონე პირებს ეკრძალებათ ამომრჩეველთა სამაგიდო სიაში არსებული პერსონალური მონაცემების, ამომრჩევლის პირადობის დამადასტურებელი დოკუმენტის და ამომრჩევლის მიერ საარჩევნო ბიულეტენზე გაკეთებული არჩევანის ფოტოვიდეოგადაღება ან სხვაგვარი დამუშავება (მათ შორის, შეგროვება, ჩაწერა, შენახვა), გამოყენება, გამჟღავნება, გადაცემა ან/და გავრცელება. აღნიშნული აკრძალვა ვრცელდება ასევე საუბნო საარჩევნო კომისიის წევრებზე, გარდა იმ შემთხვევისა, როდესაც ამომრჩევლის პერსონალურ მონაცემებთან დაკავშირებული ქმედებების განხორციელება აუცილებელია საქართველოს ორგანული კანონით „საქართველოს საარჩევნო კოდექსი“ და ცესკოს სამართლებრივი აქტებით გათვალისწინებული საუბნო საარჩევნო კომისიის უფლებამოსილების განსახორციელებლად.


კენჭისყრაში/არჩევნებში მონაწილე ამომრჩეველთა აღრიცხვა

კენჭისყრაში/არჩევნებში მონაწილე ამომრჩეველთა რაოდენობის (ამომრჩეველთა აქტივობა) დადგენა ხდება 10:00, 12:00, 15:00, 17:00 საათზე. კენჭისყრაში/არჩევნებში მონაწილე ამომრჩეველთა საბოლოო რაოდენობის მონაცემები დგინდება კენჭისყრის პროცესის დასრულების შემდეგ.

კენჭისყრის პროცესი სრულდება 20:00 საათზე, გარდა იმ შემთხვევისა, თუ ამ დროისთვის კენჭისყრაში მონაწილეობის მისაღებად რიგში დგანან ამომრჩეველები. როგორც კი რიგში მდგომი აღრიცხული ბოლო ამომრჩეველი მისცემს ხმას, კენჭისყრა დასრულებულად ცხადდება.

ამომრჩეველთა ვერიფიკაციის აპარატების გამოყენების გარეშე კენჭისყრის პროცესის გაგრძელებისას, კენჭისყრაში/არჩევნებში მონაწილე ამომრჩეველთა რაოდენობის დადგენის მიზნით, საუბნო საარჩევნო კომისიის თავმჯდომარე, ვერიფიკაციის აპარატების ყუთებში ჩალაგებამდე, ვერიფიკაციის აპარატიდან ბეჭდავს ქვითარს/ანგარიშს, რომელიც ასახავს იმ დროისთვის ამომრჩეველთა რაოდენობას/აქტივობას. იმ შემთხვევაში, თუ ვერც ერთი ვერიფიკაციის აპარატიდან ვერ მოხერხდა ქვითარის/ანგარიშის ამობეჭდვა, კომისიის თავმჯდომარე, ამომრჩეველთა რაოდენობის აღრიცხვისთვის გათვალისწინებული შესაბამისი დროისთვის, ერთჯერადად ხსნის ამომრჩეველების ვერიფიკაციის დამადასტურებელი ქვითრების მოსათავსებლად განკუთვნილ გაუმჭვირვალე დალუქულ ყუთებს, ითვლის მათში მოთავსებული ქვითრების რაოდენობას. კომისიის მდივანი ინიშნავს აღნიშნულ მონაცემს. ამის შემდეგ, კომისიის თავმჯდომარე ქვითრებს ხელახლა ათავსებს გაუმჭვირვალე ყუთებში, ლუქავს მათ და ცალკე ინახავს.


შემდგომ ეტაპზე, კენჭისყრაში/არჩევნებში მონაწილე ამომრჩეველთა რაოდენობის დადგენა ხორციელდება საუბნო საარჩევნო კომისიისთვის განკუთვნილ ამომრჩეველთა სიებში, მათ შორის, გადასატანი საარჩევნო ყუთის სიაში, ხელმოწერების მიხედვით, რომელსაც, კომისიის თავმჯდომარის მითითებით, ითვლიან რეგისტრატორები კენჭისყრის პროცესისთვის ხელის შეუშლელად. ამომრჩეველთა სიებში დათვლილი ხელმოწერების რაოდენობას ემატება ამომრჩეველების ვერიფიკაციის დამადასტურებელი ქვითრების გადათვლის შედეგად მიღებული მონაცემი.



რეგისტრატორებმა დათვლილი მონაცემების სისწორის გადამოწმების მიზნით, ამომრჩეველთა სიებში ხელმოწერების რაოდენობის გარდა, კომისიის თავმჯდომარეს უნდა აცნობონ მათ მიერ გაცემული საარჩევნო ბიულეტენების რაოდენობა (კომისიის თავმჯდომარისთვის გაცემული გაფუჭებული საარჩევნო ბიულეტენების რაოდენობის ჩათვლით).

გაცემული საარჩევნო ბიულეტენების რაოდენობის დადგენა შესაძლებელია კომისიის თავმჯდომარისგან მიღებული საარჩევნო ბიულეტენების რაოდენობასთან რეგისტრატორთან დარჩენილი საარჩევნო ბიულეტენების რაოდენობის შედარებით.

კომისიის თავმჯდომარე ამოწმებს მონაცემთა სისწორეს:



თუ მონაცემებს შორის სხვაობა გამოვლინდა, ამომრჩეველთა რეგისტრატორმა დაუყოვნებლივ უნდა დაწეროს ახსნა-განმარტება (მასში ასახული მონაცემები, გაითვალისწინება კენჭისყრაში/არჩევნებში მონაწილე ამომრჩეველთა რაოდენობის დადგენისა და კენჭისყრის შედეგების შემაჯამებელი ოქმის შედგენის მიზნებისთვის).

საუბნო საარჩევნო კომისიის თავმჯდომარე ამომრჩეველთა რაოდენობის აღრიცხვისთვის გათვალისწინებული შესაბამისი დროისთვის დათვლილ კენჭისყრაში/არჩევნებში მონაწილე ამომრჩეველთა რაოდენობას პლანშეტით გადასცემს ცესკოს (იხ. გვერდი 48, სქემა N7 - ამომრჩეველთა რაოდენობის (აქტივობის) შესახებ ინფორმაციის ცესკოსთვის გადაგზავნის პროცესის ილუსტრაცია).

საუბნო საარჩევნო კომისიის მდივანი, კენჭისყრაში/არჩევნებში მონაწილე ამომრჩეველთა საერთო რაოდენობას 12:00 და 17:00 საათის მდგომარეობით, ასევე კენჭისყრის პროცესის დასრულების შემდეგ დადგენილ ამომრჩეველთა საბოლოო რაოდენობას უთითებს კენჭისყრის შედეგების სადემონსტრაციო ოქმსა და ჩანაწერთა წიგნში.

კენჭისყრის პროცესის დასრულება

კენჭისყრის პროცესი სრულდება და კენჭისყრის შენობა იკეტება 20:00 საათზე.

20:00 საათისთვის რიგში მდგომი ამომრჩევლების, ხმების დათვლის დროს კენჭისყრის შენობაში მყოფი კომისიის წევრების, ასევე, კენჭისყრის შენობაში ყოფნის უფლების მქონე სხვა პირების აღრიცხვის წესი იხილეთ წინამდებარე სახელმძღვანელო ინსტრუქციის 52-ე გვერდზე.

ვერიფიკაციის აპარატების გარეშე კენჭისყრის წარმართვის შემთხვევაში, კენჭისყრის დასრულებისთანავე, საუბნო საარჩევნო კომისიის თავმჯდომარე და წევრები იწყებენ მზადებას კენჭისყრის შედეგების შეჯამებისთვის. ამ მიზნით თანმიმდევრულად ახორციელებენ შემდეგ პროცედურებს:

□ გადასატანი საარჩევნო ყუთიდან საარჩევნო ბიულეტენების ძირითად საარჩევნო ყუთში მოთავსება ხმის დათვლის ელექტრონული აპარატების მეშვეობით.	გვ. 55-56
□ კენჭისყრის წინასწარი შედეგების მიღება ხმის დათვლის ელექტრონული აპარატების მეშვეობით.	გვ. 56-61
□ საარჩევნო უბნის მომზადება ხმების დათვლის პროცედურისთვის და მთვლელების გამოვლენა.	გვ. 61-62
□ ძირითადი საარჩევნო ყუთის გახსნამდე საარჩევნო დოკუმენტაციის დალუქვა. შენიშვნა: წინამდებარე სახელმძღვანელო ინსტრუქციის 63-ე გვერდზე მოცემული დასალუქი საარჩევნო დოკუმენტაციის გარდა, კომისიის მდივანი ცალ-ცალკე პაკეტებში ათავსებს: ✓ ამომრჩეველთა ერთიან სიას; ✓ ამომრჩეველთა სპეციალურ სიას (ასეთის არსებობის შემთხვევაში). კომისიის მდივანი თითოეულ პაკეტზე უთითებს საარჩევნო ოლქის დასახელებას და ნომერს, საარჩევნო უბნის დასახელებას და ნომერს, საარჩევნო დოკუმენტაციის სახეს. დალუქულ პაკეტებს, დალუქვის ზოლზე ხელს აწერენ მთვლელები და კომისიის თავმჯდომარე.	გვ. 63
□ ძირითადი საარჩევნო ყუთის გახსნა, საარჩევნო ბიულეტენების დათვლა/დალუქვა.	გვ. 63-65
□ კენჭისყრის შედეგების შემაჯამებელი ოქმის შედგენა და საჯაროობა.	გვ. 65-70

□ სარეგისტრაციო ჟურნალის დახურვა, ჩანაწერთა წიგნის დახურვა/დალუქვა, კომისიის სპეციალური ბეჭდის დალუქვა. შენიშვნა: წინამდებარე სახელმძღვანელო ინსტრუქციის 70-ე გვერდზე მოცემული რეგულაცია, რომელიც უკავშირდება ვერიფიკაციის აპარატიდან ამობეჭდილი საბოლოო ანგარიშის, სხვა საარჩევნო დოკუმენტაციასთან ერთად, საოლქო საარჩევნო კომისიისთვის გადაცემას, არ მოქმედებს, თუ კენჭისყრის პროცესი გაგრძელდა ვერიფიკაციის აპარატების გარეშე.	გვ. 70
□ საარჩევნო დოკუმენტაციის, ელექტრონული აპარატებისა და სხვა ინვენტარის გადაცემა საოლქო საარჩევნო კომისიისთვის.	გვ. 70-71



ხმის დათვლის სპეციალური ელექტრონული აპარატების გამოყენების გარეშე კენჭისყრის პროცესის გაგრძელება

კენჭისყრის პროცესი

ხმის დათვლის სპეციალური ელექტრონული აპარატების გარეშე ამომრჩევლებისთვის კენჭისყრაში მონაწილეობის სერვისის განსახორციელებლად, საუბნო საარჩევნო კომისიის თავმჯდომარე, კომისიის წევრებისა და კენჭისყრის შენობაში ყოფნის უფლების მქონე პირების თანდასწრებით, ძირითადი საარჩევნო ყუთებიდან ხსნის აპარატებს.

კომისიის თავმჯდომარე მიუთითებს საოლქო საარჩევნო კომისიის წარმომადგენელს, ხმის დათვლის სპეციალური ელექტრონული აპარატები დადგენილი წესით შეინახოს აპარატებისთვის განკუთვნილ ყუთებში.

ამომრჩეველს შესაძლებლობა აქვს საარჩევნო ბიულეტენი, სპეციალური კონვერტის/ჩარჩო-კონვერტის გარეშე, მოათავსოს პირდაპირ ძირითად საარჩევნო ყუთში, საარჩევნო ბიულეტენის მოსათავსებლად სპეციალური ჭრილის მეშვეობით.




საარჩევნო ბიულეტენის მოსათავსებელი ჭრილი

ხმის დათვლის სპეციალური ელექტრონული აპარატების გარეშე ხმის მიცემის პროცესში ამომრჩევლისთვის იცვლება მხოლოდ ძირითად საარჩევნო ყუთში საარჩევნო ბიულეტენის მოთავსების პროცედურა, კერძოდ, ფარული კენჭისყრის კაბინიდან გამოსულმა ამომრჩეველმა ძირითად საარჩევნო ყუთში საარჩევნო ბიულეტენი უნდა მოათავსოს გადაკეცილ მდგომარეობაში (სპეციალური კონვერტის/ჩარჩო-კონვერტის გარეშე).

ამომრჩევლის კენჭისყრის შენობაში დაშვების წესი და ამომრჩევლისთვის რეგისტრატორის მიერ განსახორციელებელი სერვისი (რეგისტრაცია ვერიფიკაციის აპარატების გამოყენებით, საარჩევნო ბიულეტენის შევსების წესის განმარტება) იხილეთ წინამდებარე სახელმძღვანელო ინსტრუქციის 33-39 გვერდებზე.

ძირითად საარჩევნო ყუთთან მდგომი უფლებამოსილი კომისიის წევრი ამომრჩეველს განუმარტავს ძირითად საარჩევნო ყუთში საარჩევნო ბიულეტენის მოთავსების წესს:



„საარჩევნო ბიულეტენი ფარულობის პრინციპის დაცვით, გადაკეცილ მდგომარეობაში, მოათავსეთ ძირითად საარჩევნო ყუთში“.

კენჭისყრის პროცესის დასრულება

ხმის დათვლის სპეციალური ელექტრონული აპარატების გარეშე კენჭისყრის წარმართვის შემთხვევაში, კენჭისყრის დასრულებისთანავე (სრულდება 20:00 საათზე, ან აღნიშნული დროისთვის რიგში მდგომი აღრიცხული ბოლო ამომრჩევლის მიერ ხმის მიცემის დასრულებისთანავე), საუბნო საარჩევნო კომისიის თავმჯდომარე და წევრები იწყებენ მზადებას კენჭისყრის შედეგების შეჯამებისთვის. ამ მიზნით თანმიმდევრულად ახორციელებენ შემდეგ პროცედურებს:

□ ვერიფიკაციის აპარატებში ვერიფიკაციის პროცესის დასრულება.	გვ. 54-55
□ გადასატანი საარჩევნო ყუთიდან საარჩევნო ბიულეტენების ძირითად საარჩევნო ყუთში მოთავსება სპეციალური ჭრილის მეშვეობით და დასრულებისთანავე ძირითადი საარჩევნო ყუთების ჭრილების დალუქვა. შენიშვნა: გადასატანი საარჩევნო ყუთის გახსნისას ლუქების მთლიანობის შემოწმების პროცედურა, სპეციალური ჩარჩო - კონვერტების გარეშე საარჩევნო ბიულეტენების არსებობისა და სპეციალურ ჩარჩო - კონვერტში ერთზე მეტი საარჩევნო ბიულეტენის აღმოჩენის შემთხვევაში გასატარებელი ღონისძიებები ხორციელდება უცვლელად, წინამდებარე სახელმძღვანელო ინსტრუქციის მითითებულ გვერდებზე ასახული რეგულაციების შესაბამისად.	გვ. 55-56
□ საარჩევნო უბნის მომზადება ხმების დათვლის პროცედურისთვის და მთვლელების გამოვლენა.	გვ. 61-62
□ ძირითადი საარჩევნო ყუთის გახსნამდე საარჩევნო დოკუმენტაციის დალუქვა.	გვ. 63

□ ძირითადი საარჩევნო ყუთის გახსნა, საარჩევნო ბიულეტენების დათვლა/დალუქვა. შენიშვნა: ✓ წინამდებარე სახელმძღვანელო ინსტრუქციის 64-ე გვერდზე მოცემული საარჩევნო ბიულეტენების ბათილობის საფუძვლების გარდა, დადგენილი ნიმუშის საარჩევნო ბიულეტენი ბათილად მიიჩნევა, თუ საარჩევნო ბიულეტენი განკუთვნილი იყო სხვა საარჩევნო უბნისთვის (ასეთი საარჩევნო ბიულეტენები ცალკე პაკეტად იკვრება და ილუქება, მათი რაოდენობა არ მიეთითება კენჭისყრის შედეგების შემაჯამებელ ოქმში და აღინიშნება მხოლოდ კენჭისყრის დღის ჩანაწერთა წიგნში). ✓ თუ საარჩევნო ყუთში აღმოჩნდება დაუდგენელი ნიმუშის საარჩევნო ბიულეტენი, ასეთი საარჩევნო ბიულეტენი ცალკე გადაიდება.	გვ. 63-65
□ კენჭისყრის შედეგების შემაჯამებელი ოქმის შედგენა და საჯაროობა.	გვ. 65-70
□ სარეგისტრაციო ჟურნალის დახურვა, ჩანაწერთა წიგნის დახურვა/დალუქვა, კომისიის სპეციალური ბეჭდის დალუქვა. შენიშვნა: წინამდებარე სახელმძღვანელო ინსტრუქციის 70-ე გვერდზე მოცემული რეგულაცია, რომელიც უკავშირდება ხმის დათვლის ელექტრონული აპარატიდან წინასწარი შედეგების შესახებ კონსოლიდირებული ამონაწერის, სხვა საარჩევნო დოკუმენტაციასთან ერთად, საოლქო საარჩევნო კომისიისთვის გადაცემას, არ მოქმედებს, თუ კენჭისყრის პროცესი გაგრძელდა აღნიშნული აპარატების გარეშე.	გვ. 70
□ საარჩევნო დოკუმენტაციის, ელექტრონული აპარატებისა და სხვა ინვენტარის გადაცემა საოლქო საარჩევნო კომისიისთვის.	გვ. 70-71

დანართი N3

საუბნო საარჩევნო კომისიის მიერ განსახორციელებელი ძირითადი ღონისძიებების კალენდარი

საქმეგბერი						
ორშაბათი	სამშაბათი	ოთხშაბათი	ხუთშაბათი	პარასკევი	შაბათი	კვირა
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30				

3 საქმეგბერი (კენჭისყრის დღემდე 30-ე დღე):

- ახალშექმნილი საუბნო საარჩევნო კომისია იწყებს ფუნქციონირებას.
- საუბნო საარჩევნო კომისიას გადაეცემა ცესკოს მიერ დამოწმებული ამომრჩეველთა ერთიანი სიის საჯარო ინფორმაციისთვის მიკუთვნებული ვერსია.
- საუბნო საარჩევნო კომისია საუბნო საარჩევნო კომისიის შენობაში თვალსაჩინო ადგილას აკრავს ამომრჩეველთა ერთიანი სიის საჯარო ინფორმაციისთვის მიკუთვნებულ ვერსიას (კედლის სია - ფოტოსურათების გარეშე).
- დამკვირვებლებს, საარჩევნო სუბიექტის წარმომადგენლებსა და ამომრჩეველს უფლება აქვს ამომრჩეველთა სიაში უზუსტობის აღმოჩენის შემთხვევაში, განცხადებით მიმართონ საუბნო საარჩევნო კომისიას და მოითხოვონ ამომრჩეველთა შესახებ მონაცემებში/ ამომრჩეველთა ერთიან სიაში ცვლილების შეტანა (საწყისი ვადა). საუბნო საარჩევნო კომისია შემოსულ განცხადებებს (თანდართული დოკუმენტებით – ასეთის არსებობის შემთხვევაში) დაუყოვნებლივ გადასცემს საოლქო საარჩევნო კომისიას.
- ამომრჩეველს, რომელსაც ჯანმრთელობის მდგომარეობის გამო არ შეუძლია კენჭისყრის შენობაში მისვლა, ან იმყოფება საარჩევნო უბნის ტერიტორიაზე, მაგრამ მწელად მისადგომ ადგილას, უფლება აქვს, მიმართოს საუბნო საარჩევნო კომისიას გადასატანი საარჩევნო ყუთით ხმის მიცემის სერვისით სარგებლობის მოთხოვნით (საწყისი ვადა) საუბნო საარჩევნო კომისია გადასატანი საარჩევნო ყუთის სიაში შესაყვანი ამომრჩევლების შესახებ ინფორმაცია დაუყოვნებლივ აკრავს კენჭისყრის შენობაში თვალსაჩინო ადგილას.
- ამომრჩეველს უფლება აქვს, მიმართოს საუბნო საარჩევნო კომისიას და მოითხოვოს ადაპტირებული საარჩევნო უბნების ამომრჩეველთა სპეციალურ სიაში შეყვანა (საწყისი ვადა).

15 სექტემბერი (კენჭისყრის დღემდე მე-18 დღე):

- დამკვირვებლებს, საარჩევნო სუბიექტის წარმომადგენლებსა და ამომრჩეველს უფლება აქვს ამომრჩეველთა სიაში უზუსტობის აღმოჩენის შემთხვევაში, განცხადებით მიმართონ საუბნო საარჩევნო კომისიას და მოითხოვონ ამომრჩეველთა შესახებ მონაცემებში/ ამომრჩეველთა ერთიან სიაში ცვლილების შეტანა (ბოლო ვადა) საუბნო საარჩევნო კომისია შემოსულ განცხადებებს (თანდართული დოკუმენტებით – ასეთის არსებობის შემთხვევაში) დაუყოვნებლივ გადასცემს საოლქო საარჩევნო კომისიას.

22 სექტემბერი (კენჭისყრის დღემდე მე-11 დღე):

- ეტლით მოსარგებლე ამომრჩეველს უფლება აქვს, მიმართოს საუბნო საარჩევნო კომისიას და მოითხოვოს ადაპტირებული საარჩევნო უბნების ამომრჩეველთა სპეციალურ სიაში შეყვანა (ბოლო ვადა).
- ეტლით მოსარგებლე ამომრჩევლის მიერ საუბნო საარჩევნო კომისიისათვის მიმართვის შემთხვევაში, საუბნო საარჩევნო კომისია ვალდებულია ზემდგომ საოლქო საარჩევნო კომისიას მიაწოდოს ამომრჩევლის შესახებ ინფორმაცია.
- ამომრჩეველს, რომელსაც ჯანმრთელობის მდგომარეობის გამო არ შეუძლია კენჭისყრის შენობაში მისვლა, ან იმყოფება საარჩევნო უბნის ტერიტორიაზე, მაგრამ ძნელად მისადგომ ადგილას, უფლება აქვს, მიმართოს საუბნო საარჩევნო კომისიას გადასატანი საარჩევნო ყუთით ხმის მიცემის სერვისით სარგებლობის მოთხოვნით (ბოლო ვადა). საუბნო საარჩევნო კომისია გადასატანი საარჩევნო ყუთის სიაში შესაყვანი ამომრჩევლების შესახებ ინფორმაცია დაუყოვნებლივ აკრავს კენჭისყრის შენობაში თვალსაჩინო ადგილას.

23 სექტემბერი (კენჭისყრის დღემდე მე-10 დღე):

- საოლქო საარჩევნო კომისია ადგენს და განკარგულებით ამტკიცებს ადაპტირებული საარჩევნო უბნების ამომრჩეველთა სპეციალურ სიას და გადასცემს შესაბამის საუბნო საარჩევნო კომისიას.
- საუბნო საარჩევნო კომისია ადაპტირებული საარჩევნო უბნების ამომრჩეველთა სპეციალური სიის საჯარო ინფორმაციისთვის მიკუთვნებულ ვერსიას (კედლის სია) დაუყოვნებლივ აკრავს თვალსაჩინო ადგილას საუბნო საარჩევნო კომისიის შენობებში.
- საუბნო საარჩევნო კომისიის წევრებს, საარჩევნო სუბიექტების წარმომადგენლებსა და დამკვირვებლებს უფლება აქვთ, გადაამოწმონ გადასატანი საარჩევნო ყუთის მეშვეობით ხმის მიცემის მოთხოვნის საფუძვლიანობა და დასვან საუბნო საარჩევნო კომისიის წინაშე ამ ამომრჩევლების გადასატანი საარჩევნო ყუთის სიაში შეყვანის მიზანშეწონილობის საკითხი (ბოლო ვადა). აღნიშნულ საკითხზე გადაწყვეტილებას იღებს საუბნო საარჩევნო კომისია.

26 სექტემბერი (კენჭისყრის დღემდე მე-7 დღე):

- საუბნო საარჩევნო კომისიის თავმჯდომარე ატარებს წილისყრას საუბნო საარჩევნო კომისიის წევრთა ფუნქციების გასანაწილებლად (ბოლო ვადა).

ოქტომბერი						
ორშაბათი	სამშაბათი	ოთხშაბათი	ხუთშაბათი	პარასკევი	შაბათი	კვირა
			1	2	3 კენჭისყრის დღე	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

1 ოქტომბერი (კენჭისყრის დღემდე გე-2 დღე):

- საუბნო საარჩევნო კომისიას გადაეცემა საბოლოო, დაზუსტებული სიების საჯარო ინფორმაციისთვის მიკუთვნებული ვერსიები (კედლის სია ფოტოსურათების გარეშე). კედლის სიის თავდაპირველი ვერსია იხსნება და კომისია იმავე ადგილას აკრავს დაზუსტებულ ვერსიას.

2 ოქტომბერი (კენჭისყრის წინა დღე):

- საუბნო საარჩევნო კომისიას გადაეცემა ყველა საჭირო ინვენტარი, საარჩევნო ელექტრონული აპარატები, დოკუმენტაცია და საარჩევნო მასალა (ბოლო ვადა).
- საუბნო საარჩევნო კომისია აწყობს კენჭისყრის შენობას.

3 ოქტომბერი (კენჭისყრის დღე):

- 06:45 საათი - იხსნება საარჩევნო უბანი.
- 08:00 საათიდან - იწყება კენჭისყრა.
- 09:00 საათიდან - იწყება გადასატანი საარჩევნო ყუთით ხმის მიცემის პროცესი.
- 10:00 საათიდან (12:00, 15:00, 17:00 და 20:00 საათებზე) - დგინდება კენჭისყრაში/არჩევნებში მონაწილე ამომრჩეველთა საერთო რაოდენობა.
- 19:00 საათი - სრულდება გადასატანი საარჩევნო ყუთით ხმის მიცემის პროცესი.
- 20:00 საათი - სრულდება ხმის მიცემის პროცესი. საარჩევნო უბანი იხურება.
- 20:00 საათიდან - იწყება კენჭისყრის შედეგების შეჯამების პროცედურა.

დანართი N4

ფოტოვიდეოგადაღება საარჩევნო უბანზე

წინამდებარე დანართი მომზადებულია საქართველოს ცენტრალური საარჩევნო კომისიის 2012 წლის 24 სექტემბრის №42/2012 დადგენილების მიხედვით. დოკუმენტში განსაზღვრულია საარჩევნო უბანზე ფოტოვიდეოგადაღების წესები და რეგულაციები, რომელთა დაცვაც სავალდებულოა კენჭისყრის შენობაში ყოფნის უფლების მქონე ნებისმიერი პირისთვის.

აღნიშნული რეგულაციების მიზანია საარჩევნო პროცესის გამჭვირვალობის უზრუნველყოფა, ამომრჩევლის პერსონალური მონაცემებისა და ხმის მიცემის ფარულობის დაცვა, საარჩევნო უბანზე კომისიის შეუფერხებელი მუშაობისთვის წესრიგზე დაფუძნებული გარემოს შექმნა.

კენჭისყრის დღეს საარჩევნო უბანზე ფოტოვიდეოგადაღებასთან დაკავშირებული რეგულაციები

საარჩევნო უბნის გახსნიდან (06:45 საათიდან) საუბნო საარჩევნო კომისიის შემაჯამებელი ოქმის შედგენის პერიოდის ჩათვლით გასათვალისწინებელი საკითხები

კენჭისყრის ფარულობის უზრუნველყოფისა და პერსონალური მონაცემების დაცვის მიზნით, აკრძალულია:

- კენჭისყრის კაბინაში ფოტოვიდეოგადაღება. მათ შორის, კენჭისყრის კაბინაში საარჩევნო ბიულეტენზე ამომრჩევლის მიერ გაკეთებული არჩევანის ფოტოვიდეოგადაღება, რათა არ გამჟღავნდეს ამომრჩევლის არჩევანი;
- ნებისმიერი ფორმით ისეთი ინფორმაციის ან მონაცემების ფოტოვიდეოგადაღება, ან სხვაგვარი დამუშავება, რომელიც საქართველოს ორგანული კანონის „საქართველოს საარჩევნო კოდექსი“ შესაბამისად არ განეკუთვნება საჯარო ინფორმაციას (მათ შორის ამომრჩეველთა სიების საარჩევნო კომისიისათვის განკუთვნილი (სამაგიდო) ვერსიის, ამომრჩეველთა ვერიფიკაციის აპარატზე გამოტანილი ამომრჩევლის მონაცემების, ამომრჩევლის პირადობის დამადასტურებელი დოკუმენტის, ამომრჩევლის ვერიფიკაციის დამადასტურებელი ქვითრის, ამომრჩევლის მიერ საარჩევნო ბიულეტენზე გაკეთებული არჩევანის).

აკრძალვა არ გავრცელდება იმ შემთხვევებზე, როდესაც ფოტოვიდეოგადაღება ან მონაცემთა დამუშავება პირდაპირ არის ნებადართული საარჩევნო კანონმდებლობით.

კენჭისყრის პროცესის ხელის შეუშლელად მიმდინარეობის უზრუნველყოფის მიზნით:

- კენჭისყრის შენობაში ყოფნის უფლების მქონე პირებთან ინტერვიუს ჩაწერა დასაშვებია მხოლოდ კენჭისყრის შენობის გარეთ.
- კომისიის წევრების მიერ ინტერვიუების მიცემა უნდა განხორციელდეს კენჭისყრის პროცესში მისთვის განკუთვნილი მოვალეობების შესრულების შეფერხების გარეშე.

კენჭისყრის დღეს, დილის 06:45 საათიდან პირველი ამომრჩევლის მოსვლამდე და საარჩევნო უბანზე ბოლო ამომრჩევლის მიერ ხმის მიცემის შემდგომი პერიოდიდან კენჭისყრის შედეგების შემაჯამებელი ოქმის შედგენის პერიოდის ჩათვლით, გასათვალისწინებელი საკითხები

საარჩევნო პროცესის გამჭვირვალობის მიზნით, კენჭისყრის შენობაში ყოფნის უფლების მქონე პირებს აუდიომონიტორინგის განხორციელებისა და კენჭისყრის პროცესის ხელის შეშლის გარეშე, შეუძლიათ აწარმოონ ფოტოვიდეოგადაღება, რაც გულისხმობს:

- ფოტოვიდეოგადაღება კენჭისყრის შენობაში უნდა წარმოებდეს კომისიის თავმჯდომარის მიერ გამოყოფილი სპეციალური ადგილიდან, საიდანაც ჩანს საარჩევნო პროცესი.
- მინიმალური მანძილი ნებისმიერი პირისათვის ფოტოვიდეო გადასაღებად უნდა იყოს არანაკლებ 3 მეტრით დაშორებული გადაღების სუბიექტიდან/ობიექტიდან, გარდა იმ შემთხვევისა, როდესაც კენჭისყრის შენობა არ იძლევა 3 მეტრიანი დისტანციის დაცვის საშუალებას. ასეთ შემთხვევაში გადასაღებ ადგილს განსაზღვრავს შესაბამისი საუბნო საარჩევნო კომისიის თავმჯდომარე.
- ერთსა და იმავე პრესისა და მასობრივი ინფორმაციის სხვა საშუალების წარმომადგენელს უფლება აქვს, ერთ საარჩევნო უბანზე, საარჩევნო უბნის გახსნისას ან კენჭისყრის შენობის დაკეტვის შემდგომი პერიოდიდან კენჭისყრის შედეგების შემაჯამებელი ოქმის შედგენის პერიოდის ჩათვლით, ერთხელ, არაუმეტეს 10 წუთისა, აწარმოოს ფოტოვიდეოგადაღება ნებისმიერი ადგილიდან (ამომრჩეველთა პერსონალური მონაცემების დაცვისა და კენჭისყრის ფარულობის უზრუნველყოფით).

თუ ერთსა და იმავე პრესისა და მასობრივი ინფორმაციის სხვა საშუალების წარმომადგენელს სურვილი აქვს, ფოტოვიდეოგადაღება აწარმოოს 10 წუთზე მეტი ხნის განმავლობაში, მაშინ ის ვალდებულია, დაიკავოს კენჭისყრის შენობაში კომისიის თავმჯდომარის მიერ გამოყოფილი სპეციალური ადგილი.

კენჭისყრის დღეს, საარჩევნო უბანზე პირველი ამომრჩევლის მოსვლიდან ბოლო ამომრჩევლის მიერ ხმის მიცემის პერიოდში გასათვალისწინებელი საკითხები

საარჩევნო პროცესის გამჭვირვალობის მიზნით, კენჭისყრის შენობაში ყოფნის უფლების მქონე პირებს აუდიომონიტორინგის განხორციელებისა და კენჭისყრის პროცესის ხელის შეშლის გარეშე, შეუძლიათ აწარმოონ ფოტოვიდეოგადაღება, რაც გულისხმობს:

- კენჭისყრის შენობაში ყოფნის უფლების მქონე პირის მიერ კენჭისყრის მთელი დღის განმავლობაში ფოტოვიდეოგადაღების წარმოებას იმდაგვარად, რომ ფოტოვიდეოგადაღებები აპარატი იმყოფებოდეს კომისიის თავმჯდომარის მიერ განსაზღვრულ ადგილზე. ადგილი იმდაგვარად უნდა იყოს შერჩეული, რომ ჩანდეს საარჩევნო ყუთი.
- მინიმალური მანძილი ნებისმიერი პირისათვის ფოტოვიდეოგადასაღებად უნდა იყოს არანაკლებ 3 მეტრით დაშორებული გადაღების ობიექტიდან, გარდა იმ შემთხვევისა, როდესაც კენჭისყრის შენობა არ იძლევა 3 მეტრიანი დისტანციის დაცვის საშუალებას. ასეთ შემთხვევაში, გადასაღებ ადგილს განსაზღვრავს შესაბამისი საუბნო საარჩევნო კომისიის თავმჯდომარე.
- ერთსა და იმავე პრესისა და მასობრივი ინფორმაციის სხვა საშუალების წარმომადგენელს

უფლება აქვს, ერთ საარჩევნო უბანზე, კენჭისყრის პროცესის განმავლობაში, ერთხელ, არაუმეტეს 10 წუთისა, აწარმოოს ფოტოვიდეოგადაღება ნებისმიერი ადგილიდან (ამომრჩეველთა პერსონალური მონაცემების დაცვისა და კენჭისყრის ფარულობის უზრუნველყოფით).

თუ ერთსა და იმავე პრესისა და მასობრივი ინფორმაციის სხვა საშუალების წარმომადგენელს სურვილი აქვს, ფოტოვიდეოგადაღება აწარმოოს 10 წუთზე მეტი ხნის განმავლობაში, მაშინ ის ვალდებულია, დაიკავოს კენჭისყრის შენობაში კომისიის თავმჯდომარის მიერ გამოყოფილი სპეციალური ადგილი.

- კენჭისყრის შენობაში ყოფნის უფლების მქონე პირებს შეუძლიათ დაუბრკოლებრივ გადაიღონ კენჭისყრის პროცესის ის პერიოდი საარჩევნო უბნებში, სადაც მაღალი საზოგადოებრივი ინტერესის მქონე ამომრჩეველები (პოლიტიკური თანამდებობის პირები, საარჩევნო სუბიექტებისა და პოლიტიკური გაერთიანებების ხელმძღვანელები, რელიგიური ლიდერები) აძლევენ ხმას, რის შემდგომაც ფოტოვიდეოგადაღებები აპარატები გატანილ უნდა იქნეს კენჭისყრის შენობიდან.

დარღვევებზე რეაგირება

ფოტოვიდეოგადაღების წარმოების წესების დარღვევის შემთხვევაში საუბნო საარჩევნო კომისია ხმათა უმრავლესობით იღებს გადაწყვეტილებას შესაბამისი პირის კენჭისყრის შენობიდან გაძევების შესახებ, რის შესახებაც ინფორმაცია აღინიშნება კენჭისყრის დღის ჩანაწერთა წიგნში.